

# Дэстпобун

## Пешготын

Пэймана<sup>Ф</sup> Кэвн, к'Ътеба Дэстпобунеда дэстпедькэ. Эва к'Ътеба пешын э, жь һэр пенщ к'Ътебед Муса, (бь ибрани<sup>Ф</sup> «Торан» те готье, ава готи «Ширэт» йан «Қанун»). Наве к'Ътеба Дэстпобуне бь ибрани «Берешит» э, ава готи «Дэстпобун», йан «Серида», ле бь йунани «Генесис» э, «Пешдаһатын» йан «Чебун». Ве к'Ътебеда бона пешдаһатьна г'опа дьне, э'рде, мервь у щьмэ'та Исраел<sup>Ф</sup> те готье. Ве к'Ътеба Дэстпобунеда, Хвэде йэ сэре сэра. Дэстпобуна к'Ътебеда сэре 1-11-а бона ве йэке те готье, вэки чава бь хэбэра Хвэде т'эмамия дьнийайе те э'фьрандьне. Мэзьянийя Хвэде нэ т'эне веда йэ, ле Хвэде ван мэрвьед хвэйэ хольқанди жи пэй ве йэкер'а наһелэ, гава эв дури Хвэде дьк'эвн, гонэ дькн, Хвэде диса бона ван хэм дькэ. Т'эмамия сэрһатийа дьнийайейэ майинэ ве к'Ътебеда эв һэлэқэти йэ, йа кэ нава Хвэде у мэрввайеда дьқэшьмэ. Пэйр'а жь сэре 12-50-и бона ван мэрва дьбежэ, к'ижана кэ Хвэде бона хвэ дьбьжерэ, вэки зөр'етед ван бьбьнэ щьмэ'та ви. Ль нава сэрһатийа Бьраһим, Исһақ, Ақуб у һэр донздэһ көр'ед Ақубда, Хвэде ванр'а соз дьдэ, вэки зөр'етед ване бе һ'эсаб бьн у ль э'рде вар бьн, к'ижанар'а кэ Хвэде соз да. Пе ван һ'эму мьлэте бенэ бьмбарэқкьрьне. Р'астэ, эв нэ мэрвнэ к'амьл бунэ, эм Дэстпобунеда бона кемасийед ван у кьрьнед ванэ нэ қэнщ дьхуньн. Ле диса Хвэде гази ван дькьр кэ гөһдарийа ви бькн. Нэхш у стила

к'yteба Дэстпелуне щур'э-щур'э йэ, һэw дьньһер'и дэнг-бэ'се бона шайе йэ, һэw дьньһер'и сэрһатийа сахлэмэ ль бэр гöһ э, һэw дьньһер'и нышкева р'эqама мьлэт у qабила те навкърьне, йан жи дöа бь форма һьлбэсте те готье. Эв йэк бона мэ тьһэрэки йэ, wэки т'эмабийа тек'сте бь листька готьнава дагърти йэ. Мэсэлэ, хöльqандьна мер (бь ибрани Адам), Хwэде эw жь ахе (бь ибрани адама, 2:7) хöльqанд. Алийе дьнва жи мерьв гэрэке эв э'рд бещэр кьра (2:5; 3:23), алики дьнва жи р'ожэке эw диса гэрэке вэгэр'э дь we хwэлийе (3:19). Эв йэка листька готьна йэ у эв йэк нэ т'эне сэрһатийа дьхэмьлинэ, ле öса жи алик'арийе дьдэ кö баш бе фэ'мкърьне, кö хöдане сэрһатийе чь дьхwазэ мэр'а бежэ. Гэлэ щара листька готьна, мэнийа пешдаһатьна нава шьровэдькэ, йан жи наве щи-wара дьдэ к'ьфше. Мэсэлэ, наве Бабилоне (бь ибрани Бабел) э, эw фела балал (т'эвиһэвкърьн) шьровэдькэ, «Чьмки ль wьр Хöдан<sup>ф</sup> зьманед һ'эму дьнийайе т'эвиһэв кърьн у жь wьр Хöдан эw ль сэр т'эмабийа дьнийайе бэла кърьн» (11:9). Ле һ'эйф, wэки ль нава wэлгэр'андьнеда, листька готьна, т'ам найе wэлгэр'андьне. Ве wэлгэр'андьнеда, шьровэкърьн, жь тыштед буйийэ һэрэ бэрбьч'э'в нишан дькьн.

### Сэрһатийа дэстпелуна э'рд у э'змен

**1** Дэстпелунеда Хwэде э'рд у э'зман э'фьрандьн. <sup>2</sup>Э'рди бещур'э у вьки-вала бу, тэ'ристанийе ль сэр р'уйе ава бөбьни гьртьбу у Р'öһ'e\* Хwэде ль сэр р'уйе аве дьгэр'ийа. <sup>3</sup>Һьнге Хwэде гот: «Бьра бьбэ р'онайи». У бу р'онайи. <sup>4</sup>Хwэде дина хwэ даие кö р'онайи qэнщ э, Хwэде р'онайи жь тэ'ристанийе qэтанд. <sup>5</sup>У Хwэде наве

---

\* 1:2 Эва хэбэра бь фэ'мина ибрани<sup>ф</sup> те фэ'мкърьне чава «р'öһ'» йан «ба».

р'онайе дани Р'ож, наве тэ'ристанийе жи Шэв. У бу евар у сьбэһ, бу р'ожа э'wльн.

<sup>6</sup>Һынге Хwэде гот: «Бъра навбэра аведа синоре қэдимийе пешда бе у бьра навбьр'ийе бьде, аве жь аве бьқэтинэ». <sup>7</sup>У Хwэде синоре қэдимийе чекьр у ава ль бьн синоре қэдимийеда у ава ль сэр синоре қэдимийе жь һэв қэ-тандьн. У өса жи бу. <sup>8</sup>У Хwэде наве синоре қэдимийе дани Э'зман. У бу евар у сьбэһ, бу р'ожа дөда.

<sup>9</sup>Һынге Хwэде гот: «Бъра авед бьн э'зменда щики гол бьн, зьһайи к'ьфш бэ». У өса жи бу. <sup>10</sup>Хwэде наве зьһайе дани Э'рд у наве ава голбуйи жи дани Бэ'р. У Хwэде дина хwэ даие кө қэнщ э. <sup>11</sup>Һынге Хwэде гот: «Бъра Э'рд шинаийе, п'ьнщар'а кө т'охьме хwэ бьдэ у дара хwэйибэрэ кө мина щур'е хwэ бэр бьдэ, т'охьме we жи нава weда бэ, ль сэр э'рде бьгьһинэ». У өса жи бу. <sup>12</sup>Э'рде шинайи, п'ьнщар'а кө мина щур'е хwэ т'охьм бьдэ у дара хwэйибэрэ кө т'охьме мина щур'е we навда бэ дэрхьстьн. У Хwэде дина хwэ даие кө қэнщ э. <sup>13</sup>У бу евар у сьбэһ, бу р'ожа сьсийа.

<sup>14</sup>Һынге Хwэде гот: «Бъра синоре қэдимийа э'зменда р'онайидар дэрен, wэки р'оже жь шэве бьқэтиньн у wэда, р'ож у сала нишан кьн <sup>15</sup>у бьра эвана синоре қэдимийа э'зменда р'онайидар бьн, wэки э'рде р'онайи кьн». У өса жи бу. <sup>16</sup>Хwэде дө р'онайидаред мэзьн чекьрьн: Р'онайа мэзьн wэки сэрwерийе ль р'оже бькэ, р'онайа бьч'ук wэки сэрwерийе ль шэве бькэ у өса жи стэйрк чекьрьн. <sup>17</sup>Хwэде эвана ль синоре қэдимийа э'зменда данин, кө р'онайе бьдьнэ э'рде, <sup>18</sup>сэрwерийе ль р'оже у шэве бькьн, р'онайе жь тэ'рийе бьқэтиньн. У Хwэде дина хwэ даие кө қэнщ э. <sup>19</sup>У бу евар у сьбэһ, бу р'ожа чара.

<sup>20</sup>Һынге Хwэде гот: «Бъра ав һ'эйwанед бинбэрва бьк'ьмк'ьмэ у тэйрэдэ жи ль сэр э'рде у синоре қэдимийа э'зменда бьфьр'ьн». <sup>21</sup>У Хwэде һ'утед мэзьн хольқандьн у һэр һ'эйwанед бинбэрэ кө аведа дьшулькьн, кө ав жь щур'ед wанда к'ьм-к'ьми, өса жи тэйрэдед хwэйип'эр'э

бь щур'ед ванда. У Хwэде дина хwэ дайе кö қәнщ э.  
<sup>22</sup> Хwэде дöа ль ван кър у гот: «Шин бьн у ль һэв зедэ бьн, авед бэ'ра т'ьжи кьн, тэйрэдэ жи ль сэр э'рде зедэ бьн». <sup>23</sup> У бу евар у сьбэх, бу р'ожа пенща.

<sup>24</sup> Ђынге Хwэде гот: «Бьра э'рд һ'эйванед бинбэр щур'ед ванда, һ'эйванед к'эди, шульки у тэрэwьлед э'рде щур'ед ванда пешда бинэ». У öса жи бу. <sup>25</sup> У Хwэде тэрэwьлед э'рде щур'ед ванда, һ'эйванед к'эдийэ щур'ед ванда, öса жи һ'эму щур'э шулькийед ль сэр э'рде щур'ед ванда чекьрн. У Хwэде дина хwэ дайе кö қәнщ э.

### Хöльқандьна мер

<sup>26</sup> Хwэде гот: «Әм мәри дьлqe хwэда у мина хwэ бьхöльқиньн, wәки һ'öкöми ль сэр мә'сийед бэ'ре, тэйрэдэд э'змен, һ'эйванед к'эди у т'эмамия э'рде, öса жи һ'эму щур'э шулькийед ль сэр э'рде бькэ».

<sup>27</sup> Хwэде мәри дьлqe хwэда хöльқанд,  
 дьлqe Хwэдеда эw хöльқанд,  
 қьсьме нер у ме хöльқандьн.

<sup>28</sup> Хwэде дöа ль ван кър у Хwэде ванр'а гот: «Шин бьн у ль һэв зедэ бьн, э'рде т'ьжи кьн у хwэйитийе ле бькьн, һ'öкöми ль сэр мә'сийед бэ'ре, тэйрэдэд э'змен у һ'эму һ'эйванед ль сэр э'рдейэ кö дьһ'эжьн бькьн». <sup>29</sup> Хwэде гот: «Ва йэ эз һ'эму п'ьнщар'ед ль сэр э'рдейэ т'охьмед ванва дьдьмэ wэ у һэр дара хwэйибэрэ кö т'охьме we нава we да йэ, wэр'а we бьбэ хөрэк». <sup>30</sup> Ле бона һ'эму тэрэwьлед э'рде, һ'эму тэйрэдэд э'змен у һ'эму һ'эйванед бинбэрэ кö ль сэр э'рде дьшулькьн, гиһайе шин бьбэ хөрэк. У öса жи бу. <sup>31</sup> Хwэде дина хwэ да һ'эму кьрьна хwэ кö ва йэ эw гэлэки қәнщ бун. У бу евар у сьбэх, бу р'ожа шэша.

**2** Э'рд у э'зман т'эмамия нэхшед хwэва ль сэр һэв-да һатьн. <sup>2</sup> У Хwэде бэри р'ожа һ'эфта шьхöлед хwэ хьлаз кьрн у р'ожа һ'эфта жь ван һ'эму шьхöлед хwэйэ

кьри р'ьһ'эт бу. <sup>3</sup>У Хwәде дōа р'ожа һ'әфта кьр у әw пироз кьр, чьмки we р'ожеда Хwәде жь ван һ'әму кьрьнед хwә, к'ижан кō ә'фьрандьбун у кьрьбун р'ьһ'эт бу.

<sup>4</sup>Әвә сәрһатийа пешда һатьна әрд у ә'змен гава һатьнә ә'фьрандьне.

### Сәрһатийа бахче Едене

We р'оже гава кō Хōдан<sup>Ф</sup> Хwәде әрд у ә'зман чекьрын, <sup>5</sup>т'ō к'оләкә чоле һе т'ōнәбуйә, т'ō гиһаки чоле һе шин нәбуйә, чьмки Хōдан Хwәде һәла һе баран ль сәр әрде-да нәбарандьбуйә у мәри жи т'ōнәбуйә кō әрде бещәр кә, <sup>6</sup>һьнге һōлм-гōлм жь әрде дәрк'әтийә т'әмамийа р'уйе әрде шьл кьрийә. <sup>7</sup>Хōдан Хwәде жь аха әрде қальбе мер чекьр, бина жийине һōлми поза кьр у мер бу бинбәрәки сах.

<sup>8</sup>Хōдан Хwәде ль алийе р'оһьлате Еденеда бахчәк да-ч'ьканд у мере кō чекьрьбу дани ль вьр. <sup>9</sup>Хōдан Хwәде жь әрде һәр дар шин кьрын, дитьнер'а һ'әwаск'ар у хварьнер'а хwәш, нава бахчәда жи дара жийине, өса жи дара қәнщи у хьраби наскьрьне.

<sup>10</sup>У бона авдана бахчә, жь Едене ч'әмәк дәрдык'әт у паше бәлайи чар ч'әва дьбә. <sup>11</sup>Наве ч'әме ә'wльн Пишон ә, әва т'әмамийа әрде һ'аwилайева дьк'ьшә, вьр кō зер'е we һәйә. <sup>12</sup>Зер'е wi әрди жи сафи йә, бьдолах<sup>Ф</sup> у кәвьред қимәтә оникс<sup>Ф</sup> һәнә. <sup>13</sup>Наве ч'әме дōда Гиһ'он ә, әва т'әмамийа әрде К'ушева дьк'ьшә. <sup>14</sup>Наве ч'әме сьсийа Дищлә\* йә, әва р'оһьлата Ашурйайева дьк'ьшә у наве ч'әме чара жи Фьрат ә.

<sup>15</sup>Хōдан Хwәде әw мер һьлда дани бахче Едене, wәки we бещәр кә у хwәйитийе ле бькә. <sup>16</sup>У Хōдан Хwәде т'әми да мер у готе: «Жь һәр даред бахчәда, дьле тә

\* 2:14 Аwa готи «Тигрис».

дык'ышинэ к'ижане бьхвэ, <sup>17</sup> ле жь дара қәнщи у хьраби наскьрьне нэхвэ, чьмки we р'ожа гава тө жь we бьхви, те э'сэ бьмьри».

<sup>18</sup> Ходан Хвэде гот: «Нэ баш э кө мер т'эне бьминэ, к'омэкдарэк кө лайиқи ви бэ чекьм». <sup>19</sup> Ынге Ходан Хвэде һ'эму тэрэвьлед чоле у һ'эму тэйрэдед э'змен жь ахе чекьрын у анинэ щэм мер, wэки бьбинэ к'а эве чь нави ль ван кэ у мер чь нав дани ль сэр һ'эйване бинбэр, эw жи бу наве ван. <sup>20</sup> Мер нав ль һ'эму һ'эйванед к'эди, тэйрэдед э'змен у тэрэвьлед чоле кьрын, ле мерр'а к'омэкдарэк кө лайиқи ви буйа дэст нэк'эт. <sup>21</sup> Ынге Ходан Хвэде хэwэкэ к'ур кьрэ ч'э'ве мер, гава эw хэwр'а чу, Ходан п'арханэкэ ви һьлда у дэwсе гошт т'ьжи кьр. <sup>22</sup> У Ходан Хвэде жь we п'архана кө жь мер һьлдабу к'өлфэтэк чекьр, ани щэм мер. <sup>23</sup> Ынге мер гот: «Ньһа эва һэстуйе жь һэстуйе мьн э у гоште жь гоште мьн э, эвайе жьн\* бе готьне, чьмки жь мер\* һатэ һьлдане». <sup>24</sup> Лэма мере де у баве хwэ бьһелэ, хwэ ль жьна хwэ бьгьрэ у бьбьнэ бэдэнэк. <sup>25</sup> Мер у жьна хwэва һэр дө жи тэ'зи бун у шэрм нэдькьрын.

### Мэрьв жь гөр'а Хвэде дэрте

**3** Жь нава ван һ'эму тэрэвьлед чолейэ кө Ходан Хвэде э'фьрандьбун, йе һэри һ'ьлэк'ар мэр\* бу. Эви готэ жьне: «Р'асти Хвэде готийэ wэки жь һ'эму даред бахчэ гэрэке нэхьн?» <sup>2</sup> К'өлфэте готэ мэр: «Жь бэред даред бахчэ эм дыкарьн бьхьн. <sup>3</sup> Ле жь бэре we дара кө нава бахчэда йэ, Хвэде гот нэхьн у дэст нэдьне, wэки һун нэмьрын». <sup>4</sup> Мэр готэ к'өлфэте: «На, һун тө щар намьрын, <sup>5</sup> ле Хвэде занэ, we р'ожа гава һун жь we бьхьн, ч'э'вед

\* 2:23 Бь зьмане ибрани сэwтед мер у жьн незики һэв ьн: иш у иша.

\* 3:1 Э'йанти 20:2.

wэйе вэбьн у бьбьнэ мина Хwэде, qэнщи у хьрабийе жь hэв дэрхьн». <sup>6</sup> У к'олфэте дина хwэ даие wэки бэре даре баш бу бона хварьне, бэрбьч'э'вэ h'эwаск'ар у дьлhавьжи бу бона занэбуне, дэст авитэ бэре we хвар у да мере т'эви хwэ, эwi жи хвар. <sup>7</sup> hьнге ч'э'вед wан вэбун, хwэ дэрхьстьн кö эwэ тэ'зи нэ, бэлгед heжире дьрутьн у пе хwэ сьт'ар кьрн.

<sup>8</sup> hенькайа р'ожеда, гава wан дэнге Хöдан Хwэде бахчэда кö дьгэр'ийа бьхистьн, мер у жьнева хwэ жь бэр ч'э'ве Хöдан Хwэде, нава даред бахчэда вэшартьн. <sup>9</sup> Хöдан Хwэде дэнг да мер у гот: «Тö к'ö йи?» <sup>10</sup> Эwi гот: «Мьн дэнге тэ бахчэда бьхист тьрсийам у хwэ вэшарт, чьмки эз тэ'зи бум». <sup>11</sup> hьнге Хwэде готе: «К'е дэрhэqа тэ'зибуна тэда тэр'а гот? Гэло тэ жь we даре хвар, йа кö мьн т'эми дабу тэ кö нэхwi?» <sup>12</sup> Мер гот: «Эw жьна кö тэ да мьн, эwe жь we даре да мьн, мьн жи хвар». <sup>13</sup> Хöдан Хwэде готэ к'олфэте: «Тэ чьма эв йэк кьрийэ?» К'олфэте гот: «Мэ'р эз хапандьм у мьн хвар».

<sup>14</sup> hьнге Хöдан Хwэде готэ мэ'р:

«Бона ве кьрна кö тэ кьр,  
жь нава h'эму h'эйwанед к'эди  
у h'эму тэрэwьлед чоле  
ньфьр' ль сэр тэ бэ,  
ль сэр зьке хwэ бьк'ьши  
у т'эмамийа э'мьре хwэда  
хöре тэ ах-хwэли бэ.

<sup>15</sup> Эзе нава тэ у к'олфэте,  
нава зөр'эта тэ у зөр'эта weда  
дьжмьнатийе дайньм,  
эwe\* сэре тэ бьh'ьнщьр'инэ  
у те жи пэ'нийа we\* бьгэзи».

\* 3:15 Зөр'эт.

<sup>16</sup> К'өлфәтер'а жи гот:  
 «Әзе еша һәмләбуна тә  
 гәләки ль тә зедә кьм,  
 бь еше зар'а бини,  
 ч'ә'ве тә ль дәсте мере тә бә  
 у әв жи һ'өкөме ль сәр тә бькә».

<sup>17</sup> Паше Хвәде готә мер:  
 «Тә кө гөр'а жьна хвә кьр,  
 жь we дара кө мьн т'әми дабу,  
 кө тә нәхви, хвар,  
 р'уйе тәда ньфьр' ль әрде бьқәбьлә,  
 т'әмамийа р'ожед ә'мьре хвәда  
 бь тәли-тәнгийе нане хвә бьхви».

<sup>18</sup> Әрд жи тәр'а стьрийа  
 у дьр'ийа бьгьһинә  
 у п'ьнщар'а холе бьхви,

<sup>19</sup> бь худана ә'нийа хвә  
 нане хвә бьхви,  
 һ'әта кө тө вәгәр'и ль ви әрди  
 жь к'ө һати һьлдане,  
 чьмки тө ах и  
 у те диса бьби ах.

<sup>20</sup> Мер, ава готи Адәм\*, наве жьна хвә дани һева\*\*, чьмки әва бу дийа һ'әму бинбәри. <sup>21</sup> У Хөдан Хвәде Адәм у жьнер'а к'ьнщед ч'әрмин чекьрьн у ль ван кьрьн. <sup>22</sup> Һьнге Хөдан Хвәде гот: «Ва йә, мәрвь бу мина жь мә йәки, қәнщи у хьрабийе жь һәв дәрдьхә. Ле нь-һа нәбә кө әв дәсте хвә дьрежи дара жийине кә жи у һ'әта-һ'әтайе бьжи». <sup>23</sup> Пәй ве йәкер'а Хөдан Хвәде әв жь бахче Едене дәрхьст, вәки ви әрди бещәр кә, жь к'ижани кө һатьбу һьлдане. <sup>24</sup> Бәри мәрвь да дәрхьст

\* 3:20 Бь зьмане ибрани «Мер».

\*\* 3:20 Бь зьмане ибрани «Ә'мьр, Жийин».



у жь алийе р'оһьлата бахче Еденева, херубФ у шуре агьрийи кө һәр алийава дьвьр'вьр'и данин, wэки р'ийа дара жийине хwэй кьн.

### Һабил у Qайин

**4** Пэй ве йәкер'а мәрвв незики жьна хwэ һеwайе бу, әw һ'эмлэ дәрк'эт у Qайин\* жер'а бу, һынге we гот: «Мьн мәри жь Хөдан станд». <sup>2</sup>Паше бьре wi һабил бу. һабил бу шьване пез, ле Qайин хwэ дабу әрдбещәркьрьне. <sup>3</sup>У хеләке шунда, Qайин жь бәред әрде Хөданр'а һ'әди ани. <sup>4</sup>Һабил хwәха жи чәнд һ'әб жь ньхөрийед кәрийе пәзе хwэ, бәзед wanва һ'әди анин. Хөдан бәре хwэ да һабил у һ'әдийа wi, <sup>5</sup>ле дина хwэ нәда Qайин у һ'әдийа wi. Qайин гәләки һерс к'эт у мьр'узе хwэ кьр. <sup>6</sup>Һынге Хөдан Qайинр'а гот: «Тө чьма һерс к'әтийи? У тә чьма сәре хwэ бәржер кьрийә? <sup>7</sup>Һәгәр тө р'астийе бьки, гәло те сәре хwэ бьльнд нәки? Ле wэки тө р'астийе нәки ва йә гөнә ль бәр дери к'әтийә у хwәха жи һ'әйра тәда йә, ле бькә кө тө һ'өкөми ль сәр бьки».

### Гөне меркөштънейи ә'wльн

<sup>8</sup>Пэй ве йәкер'а Qайин бьре хwэ һабилр'а гот: «Әм һә-р'ьнә к'әwшен»\* у гава әw гьһиштънә к'әwшен, Qайин р'абу гьһиштә бьре хwэ һабил у әw көшт. <sup>9</sup>Һынге Хөдан жь Qайин пьрси гот: «К'ане йә бьре тә һабил?» Әwi гот: «Әз ньзаньм, чьма әз нобәдаре бьре хwэ мә?» <sup>10</sup>Хөдан готе: «Тә чь кьрийә? Дәнге хуна бьре тә жь әрде шьки-йате хwэ ль мьн дькә». <sup>11</sup>Ньһа ньфьр' жь wi әрди ль тә бә, к'ижани кө дәве хwэ wәкьр хуна бьре тә жь дәсте тә фьр' кьр. <sup>12</sup>Гава тө әрде бещәр ки, әw иро шунда иди

\* 4:1 Бь зьмане ибрани «Стандьн».

\* 4:8 «Әм һәр'ьнә к'әwшен» әва тек'ста ибранида т'өнә, ле wәл-гәр'андьна йунанийә кәвьнда һәйә.

к'аре нэдэ тэ, тө ль сэр эрде р'ьһ'этийе нэбини у дэро-дэр би. <sup>13</sup>Һынге Қайин готэ Хөдан: «Эв щэзайе мын жь қәwата мын дэр э. <sup>14</sup>Аwa иро кө тө жь р'уйе эрде бэри мын дьди, эзе хwэ жь тэ вэшерьм кө р'уйе тэ нэбиньм у ль сэр эрде жи кө зерийайи у дэро-дэр бьм, һынге к'е кө мын бьбинэ we мын бькөжэ». <sup>15</sup>Хөдан готе: «К'е кө Қайин бькөжэ һ'эфт қәт һ'эйф же бе һьлдане». У Хөдан нишанэк Қайинва дани, wәки к'и кө р'асти wi бе, wi нэкөжэ.

### Р'ьк'ьнйата Қайин

<sup>16</sup>Қайин жь бэр ч'э'ве Хөдан р'абу чу wәлате Ноде\*, ль алийе р'оһьлата Едене у ль wьр р'ьк'ьне хwэ авите у ль wьр ма.

<sup>17</sup>Пэй ве йәкер'а Қайин незики жьна хwэ бу у эw һ'эмлә дәрк'әт, һәнох жер'а бу. һынге әви бажарәк че дькьр у наве көр'е хwэ һәнох дани ль сэр бажер. <sup>18</sup>Паше һәнохр'а Ирад бу, Ирадр'а Мьһ'уйаел бу, Мьһ'уйаелр'а Мьтушайел бу, Мьтушайелр'а жи Ламәх бу. <sup>19</sup>Ламәх дө жьн стандьн, наве йәке Ә'дах бу у наве йа дьн жи Силаһ бу. <sup>20</sup>Ә'даһе Йавал ани. Әва баве ван бу, йед қонада дьман у шьвангаванти дькьрьн. <sup>21</sup>Наве бьре wi Йувал бу. Әва жи баве ван һ'әмуйа бу, йед кө чәнг у бьлуре дьхьстьн. <sup>22</sup>Силаһе жи Тувал-Қайин ани, әва һ'әдаде һәр щур'ә һащәтед сьфьр у һ'әсьн бу. Хушка Тувал-Қайин жи Наһама бу.

<sup>23</sup>Ламәх жьнед хwәр'а гот:

«Ә'дах у Силаһ бьбьһен дәнге мын!

Жьнед Ламәх гөһед хwэ бьдьнэ ве готьна мын.

Мәрвәки эз бьриндар кьрьм, мын лехьст көшт,

бона ледана щаһьләки мын һ'эйф һьлда.

<sup>24</sup>Һәгәр һ'эйфа Қайин һ'эфт қәт бе һьлдане,

һ'эйфа Ламәх һ'эфте һ'эфт щара we бе һьлдане».

\* 4:16 Бь зьмане ибрани «Р'ьһ'этийе нэбини у дэро-дэр би».

**Буйина Сет' у Энош**

<sup>25</sup> Адәм диса незики жьна хвэ бу, эве көр'эк ани у наве ви дани Сет'\*. Чьмки эве гот: «Хвэде дэвса һабил кө Қайин көшт, зөр'этэкэ дьн да мьн». <sup>26</sup> Сет'р'а жи көр'эк бу у наве ви дани Энош. һынгеда дэстпебу кө гази наве Хөдан кьн.

**Р'эқэма р'ьк'ьнйата Адәм**

**5** Эв э р'эқэма р'ьк'ьнйата Адәм, we р'ожэ гава Хвэде мәри хольқанд, дьлqe Хвэдеда эw чекьр, <sup>2</sup>эw қьсьме мер у жьнеда хольқандьн у дөа ль ван кьр, р'ожа хольқандьна ванда наве ван дани Мәри. <sup>3</sup>Гава Адәм бу сэд си сали, көр'эки дьлqe вида у мина ви жер'а бу эви наве ви дани Сет'. <sup>4</sup>Пэй буйина Сет'р'а, Адәм һ'эйсьд сали жи ә'мьр кьр у гэлэк көр' у қиз жер'а бун. <sup>5</sup>У т'эмамия р'ожед ә'мьре хвэда, Адәм нэсьд си сали ә'мьр кьр у мьр.

<sup>6</sup>Сет' жи кө бу сэд пенщ сали, Энош жер'а бу. <sup>7</sup>Пэй буйина Эношр'а, Сет' һ'эйсьд һ'эфт сали ә'мьр кьр у гэлэк көр' у қиз жер'а бун. <sup>8</sup>У т'эмамия р'ожед хвэда Сет' нэсьд донздәһ сали ә'мьр кьр у мьр.

<sup>9</sup>Гава Энош бу нод сали, Қенан жер'а бу. <sup>10</sup>Пэй буйина Қенанр'а, Энош һ'эйсьд панздәһ сали ә'мьр кьр у гэлэк көр' у қиз жер'а бун. <sup>11</sup>У т'эмамия р'ожед хвэда Энош нэсьд пенщ сали ә'мьр кьр у мьр.

<sup>12</sup>Гава Қенан бу һ'эфте сали, Маһалалел жер'а бу. <sup>13</sup>Пэй буйина Маһалалелр'а Қенан һ'эйсьд чьл сали ә'мьр кьр у гэлэк көр' у қиз жер'а бун. <sup>14</sup>У т'эмамия р'ожед хвэда Қенан нэсьд дәһә сали ә'мьр кьр у мьр.

<sup>15</sup>Гава Маһалалел бу шест пенщ сали, Йаред жер'а бу. <sup>16</sup>Пэй буйина Йаредр'а Маһалалел һ'эйсьд си сали ә'мьр

\* 4:25 Бь зьмане ибрани «П'ешк'еша Хвэде».

кър у гэлэк көр' у қиз жер'а бун. <sup>17</sup>У т'эмамия р'ожед хвэда Маһалалел һ'эйсьд нод пенщ сали э'мър кър у мър.

<sup>18</sup>Гава Йаред бу сэд шест дө сали, һэнох жер'а бу. <sup>19</sup>Пэй буйина һэнохр'а Йаред һ'эйсьд сали э'мър кър у гэлэк көр' у қиз жер'а бун. <sup>20</sup>У т'эмамия р'ожед хвэда Йаред нэсьд шест дө сали э'мър кър у мър.

<sup>21</sup>Гава һэнох бу шест пенщ сали, Мэтушэла жер'а бу.

<sup>22</sup>Пэй буйина Мэтушэлар'а һэнох сесьд сали р'ийа Хвэ-деда дьчу у гэлэк көр' у қиз жер'а бун. <sup>23</sup>У т'эмамия р'ожед хвэда һэнох сесьд шест пенщ сали э'мър кър.

<sup>24</sup>Һэнох р'ийа Хвэдеда дьчу у нышкева бу қати, чьмки Хвэде эw һылдабу.

<sup>25</sup>Гава Мэтушэла бу сэд һ'эйште һ'эфт сали, Ламэх жер'а бу. <sup>26</sup>Пэй буйина Ламэхр'а, Мэтушэла һ'эфсьд һ'эйште дө сали э'мър кър у гэлэк көр' у қиз жер'а бун.

<sup>27</sup>У т'эмамия р'ожед хвэда Мэтушэла нэсьд шест нәһэ сали э'мър кър у мър.

<sup>28</sup>Гава Ламэх бу сэд һ'эйште дө сали, көр'эк жер'а бу, <sup>29</sup>эви наве ви дани Нөһ\* у гот: «Әве мә жь кьред мә у жь щэфед мэйэ гьран ль сэр ви эрди р'ьһ'эт кә, к'ижан кө Хөдан ньфьр' ле кьрьбу». <sup>30</sup>Пэй буйина Нөһр'а, Ламэх пенсьд нод пенщ сали э'мър кър у гэлэк көр' у қиз жер'а бун. <sup>31</sup>У т'эмамия р'ожед хвэда Ламэх һ'эфсьд һ'эфте һ'эфт сали э'мър кър у мър.

<sup>32</sup>Гава Нөһ бу пенсьд сали, Нөһр'а Сам, һам у Йэфэт бун.

### Нәһәқийа зар'ед Хвэде у қизед мәрвьайе

**6** Гава дэстпебу мәрвь ль сэр дьне зедә бун у қиз ванр'а бун, <sup>2</sup>зар'ед\* Хвэде дитьн кө қизед мәрвьайе бэдәw ьн, жь ван к'е к'ижан бэгәм дькьр хвэр'а жьн дьстандьн. <sup>3</sup>Һьнге Хөдан гот: «Гэрәке р'өһ'е мын һ'эта-һ'этайе ль сэр

\* 5:29 Бь зьмане ибрани «Р'ьһ'эти».

\* 6:2 Ибо 1:6; 2:1; Зэбура 82:6; Щьһуда 1:6.

мерьв нэминэ, чьмки эв хун у гошт э, ле р'оже э'мьре ван сэд бист сал бьн». <sup>4</sup>We һынге ль сэр э'рде э'савэ һэбун, өса жи ви чахи гава зар'ед Хвэде дэст давитьнэ қизед мэрьвайе, эвана ванр'а зар' данин. Эвана эв мерхас бун, кө бэреда бь нав у дэнг бун.

### Сэрһатийа Нөһ

<sup>5</sup>Хөдан дит кө хьрабийа мэрьва ль сэр э'рде зедэ дьбэ у нет у фькьред дьле ван жи һэр р'ож хьраби йэ. <sup>6</sup>Һынге Хөдан бэр хвэ к'эт кө ль сэр э'рде мэри хөльқандийэ у гэлэки дьлтэнг бу. <sup>7</sup>У Хөдан гот: «Эз жь сэр р'уйе э'рде мэрьвед кө мын хөльқандьнэ бьдьмэ һьлдане, жь мэрьвада гьрти һ'эта һ'эйвен, жь шулькийа һ'эта тэйрэдед э'змен, чьмки эз п'ошман ым ль хөльқандьна ван». <sup>8</sup>Ле Нөһ бэр ч'эве Хөдан к'эрэм дит.

<sup>9</sup>Эв э сэрһатийа р'ьк'ьнийата Нөһ. Нөһ нава мэрьвед ви зэманида мэрьвэки р'аст у к'амьл бу. Нөһ р'ийа Хвэдеда дьчу. <sup>10</sup>Нөһр'а се көр' бун Сам, һам, Йэфэт.

<sup>11</sup>Э'рд ль бэр ч'эве Хвэде һ'эр'ьми веран бьбу у хьрабийава э'рд т'ьжи бьбу. <sup>12</sup>Хвэде дина хвэ да дьнийае, кө ва йэ эв һ'эр'ьмийэ веран буйэ, чьмки һэр бэдэнэкэ ль сэр дьне р'ийа хвэ һ'эр'ьмандийэ. <sup>13</sup>Һынге Хвэде готэ Нөһ: «Қьр'а һ'эмуйед хвэйибэдэн һатийэ ль бэр ч'эве мын, чьмки р'уйе ванда э'рд хьрабийава т'ьжи буйэ у ва эзе ван т'эви э'рде веран кьм».

### Т'эмийа Хвэде

<sup>14</sup>Ле тө хвэр'а жь даре гофер\* гэмике чекэ, һындөр'е гэмийе бь гоза чеки у дэр у һындөр'ва тө we қир ки. <sup>15</sup>Тө гэрэке we аһа чеки. Дьрежайа гэмийе сесьд зэнд, бэрайи пенци зэнд у бьльндайи жи си зэнд бэ. <sup>16</sup>У жорва

---

\* 6:14 Дарэкэ бинхвэшэ соре вэкрыйи р'уни йэ.

wэкэ зэндэке к'олэке гэмийер'а чеки, дэре гэмийе жи к'елэкева вэки у қате жор жер у бьни чеки. <sup>17</sup>Ва эзе ава тофане ль сэр дьне р'акьм, wэки хэр бэдэна кө бин ль бэр хэйэ бьн п'эр'е э'зменда қыр' бэ у ль сэр р'уйе э'рде жи чь кө хэйэ өнда бэ. <sup>18</sup>Ле эзе пэйманаФ хwэ т'эви тэ гьредьм, тө т'эви көр'ед хwэ у т'эви жьна хwэ у букед хwэ бьк'эви гэмийе. <sup>19</sup>Өса жи жь хэр бинбэри, жь хэр бэдэне щот-щот нер у ме бьки гэмийе, кө т'эви тэ сах бьминьн. <sup>20</sup>Жь хэр щур'э тэйрэдэ, жь хэр щур'э h'эйwan, жь хэр щур'э шульки we щот-щот бенэ ль щэм тэ кө сах бьминьн. <sup>21</sup>Тө жи жь h'эму хөрэке кө те хварьне т'эви хwэ һьлди, ль щэм хwэ бьди сэр хэв, кө бьбэ хөрэке тэ у wan. <sup>22</sup>У Hөh хэр тышт кьр, Хwэде чава т'эми дабу wi, эwi өса жи кьр.

**7** Хөдан готэ Hөh: «P'абэ т'эви нэфаред хwэ бьк'эвэ гэмийе, чьмки нава мэрьвед ви зэманида мьн тө ль бэр хwэ р'аст дити. <sup>2</sup>Жь хэр h'эйwanед h'элал h'эфт щота нер у ме т'эви хwэ һьлди, ле жь h'эйwanед h'эрам щот-щот һьлди нер у ме, <sup>3</sup>жь тэйрэдэд э'змен жи h'эфт щот нер у ме, wэки т'ур'а\* wan ль сэр р'уйе э'рде бе хwэйкьрне. <sup>4</sup>Чьмки h'эфт р'ожа шунда, эзе чьл р'ожи у чьл шэви баране бьбариньм у хэр хэйинед кө мьн чекьрнэ жь р'уйе э'рде бьдьмэ һьлдане». <sup>5</sup>У Hөh хэр тышт кьр, Хөдан чава т'эми дабу wi.

### Тофан

<sup>6</sup>һьнге Hөh шэсьд сали бу, гава ава тофане ль сэр э'рде р'абу. <sup>7</sup>У жь бэр ава тофане Hөh т'эви көр'ед хwэ у т'эви жьна хwэ у букед хwэ к'этэ гэмийе. <sup>8</sup>Өса жи жь h'эйwanед h'элал у нэ h'элал, жь тэйрэда у жь хэр шулькийед

\* 7:3 Щьсьне wan.

ль сэр эрде, <sup>9</sup>щот-щот нер у ме hatьнэ щэм Höh к'этьнэ гэмийе, чава кө Хwэде т'эми Höh кьрьбу. <sup>10</sup>У h'эфт р'ожа шунда ава тофане ль эрде р'абу.

<sup>11</sup>Шэсьд салийа э'мьре Höhда, р'ожа h'ьвдэне мэна дөда, һэма we р'ожеда h'эму канийед тэвэкед бeбьнийе дэр бун у к'өлэкед э'змана вэбун, <sup>12</sup>чъл р'ожи у чъл шэви ль сэр эрде баран бари. <sup>13</sup>Хут we р'ожеда Höh көр'ед хwэва Сам, һам, Йэфэт у жьна Höh һэр се букава т'эви ван к'этьнэ гэмийе. <sup>14</sup>Әвана у һэр тэрэшьлед щур'ед хwэда, һэр h'эйванед к'эдийэ щур'ед хwэда, һэр шулькийед ль сэр эрдейэ щур'ед хwэда, һэр тэйрэдед щур'ед хwэда у һэр тэйрэдед хwэйибаск, <sup>15</sup>жь h'эму h'эйванед бинбэр щот-щот к'этьнэ гэмийе ль щэм Höh. <sup>16</sup>Әвед кө к'этьнэ гэмийе, йе нер у ме к'этьне жь һэр бинбэри, чава кө Хwэде т'эми ши кьрьбу. У пэй wir'a Хөдан дэри гьрт.

<sup>17</sup>Тофане ль сэр эрде чъл р'ожи к'ьшанд, ав қайим бу гэми бьльнд кьр у эw жь эрде қэтийа. <sup>18</sup>Чьқас дьчу ав қайим дьбу, ль сэр эрде бьльнд бу у гэми ль сэр р'уйе аве к'эт. <sup>19</sup>Ав ль сэр эрде өса гэлэки бьльнд бу, wэки h'эму ч'ийайед бьльндэ бьн п'эр'е э'зменда ньхамтын. <sup>20</sup>Ав жь панздэһ зэнда жортър сэр ван к'эт у ч'ийа-бани hatьнэ ньхамтыне. <sup>21</sup>У h'эмуйед хwэйибэдэнэ кө ль сэр эрде дьльвийан, тэйрэдэ бун, h'эйванед к'эди бун, тэрэшьл бун, h'эму шулькийед ль сэр эрде кө дьшулькин, мэрвь жи пер'а қыр' бун чун. <sup>22</sup>Йед ль сэр бэжейэ кө бина жийине ль бэр һэбун, h'эму жи хэньқин. <sup>23</sup>У һэр һэйине ль р'убари эрде һатэ һьлдане, жь мервь h'эта h'эйванед к'эди, жь шулькийа h'эта тэйрэдед э'змана, эвана жь эрде hatьнэ һьлдане, т'эне Höh ма у йед т'эви ши гэмийеда. <sup>24</sup>Сэд пенци р'ожи ль сэр эрде ав we бьльндаийе ма.

**Хьлазийа тофане**

**8** Хwәде Нöһ бир ани, öса жи h'әму тәрәwьл у h'әму h'әйwanед т'әви wi гәмийеда, һынге Хwәде бак\* ль әрде р'акьр у ав сәкьни. <sup>2</sup>Канийед тәвәкед бебьнийе у к'өләкед әзмана һатьнә гьртъне у барана әзмен һатә бьр'ине. <sup>3</sup>Бәрә-бәрә ав жь әрде дьк'ьшийа, пәй сәд пенци р'ожир'а ав кем бу. <sup>4</sup>Р'ожа h'ьвдәһе мәһа h'әфта гәми ль сәр ч'ийайед Арарате р'унышт. <sup>5</sup>h'әта мәһа дәһа чьқас дьчу ав кем дьбу у йәке мәһа дәһа сәред ч'ийа һатьнә к'ьфше.

<sup>6</sup>У чьл р'ожи шунда Нöһ к'өләка гәмийа хwәйә чекьри вәкьр, <sup>7</sup>у qar'qar' бәр'да, ле әw вьрда-wеда хwәр'а фьр'и h'әта ава ль сәр әрде зьһа бу. <sup>8</sup>Пәйр'а кәвотк жь щәм хwә бәр'да, кө бьбинә к'а ава ль р'уйе әрде кем буйә. <sup>9</sup>Ле кәвотк щийе кө ньгед хwә ле данийа нәдит, бәр бь гәмийе ль сәр wiда вәгәр'ийа, чьмки т'әмамия р'уйе әрде һе ав бу, Нöһ жи дәст авитә we гьрт, ани щәм хwә кьрә гәмийе. <sup>10</sup>h'әфт р'ожа жи сәбьр кьр, пәйр'а диса кәвотк жь гәмийе бәр'да. <sup>11</sup>Бәре еваре кәвотк ль сәр wiда вәгәр'ийа, we бәлгәки зәйт'унейи ну нькөлкьри девда, һынге Нöһ пе h'әсийа кө ава ль сәр р'уйе әрде кем буйә. <sup>12</sup>h'әфт р'ожед дьн жи сәбьр кьр, диса кәвотк бәр'да, ле әw иди ль сәр wiда вәнәгәр'ийа.

**Дәрк'әтъна жь гәмийе**

<sup>13</sup>У шәсьд йәк салия Нöһда, йәке мәһа сәрсале ава ль сәр р'уйе әрде ч'ькийа. Нöһ ар'ика гәмийе вәкьр у дина хwә даие, кө ва йә ава ль сәр р'уйе әрде ч'ькийа йә. <sup>14</sup>Бист h'әфте мәһа дөда әрд зьһа бу.

<sup>15</sup>Һынге Хwәде Нöһр'а хәбәрда у гот: <sup>16</sup>«Тö т'әви жьһа хwә, көр'ед хwә у жьнед wanва жь гәмийе дәре. <sup>17</sup>Öса

---

\* 8:1 Әва хәбәра бь фә'мина ибрани те фә'мкьрьне чава «ба» йан «p'öh».



жи h'эму бинбэред ль щэм тэ, жь h'эмуйед хwэйибэдэн: Тэйрэдэ, h'эйванед к'эди у h'эму шулькийед кө ль сэр эрде дышулькын, т'эви хwэ дэрхэ, wэки эw ль сэр эрде бэла бьн, к'ока wан шин бэ у ль hэв зедэ бьн». <sup>18</sup> hьнге Höh т'эви көр'ед хwэ, жьна хwэ у жьнед көр'ед хwэ жь гэмийе дэрк'эт, <sup>19</sup> hэр h'эйван, hэр шульки, hэр тэйрэдэ, hэр чь кө ль сэр эрде дьльвьн щьсьнед хwэда жь гэмийе дэрк'этын.

### Чекьрна горигэһаФ сэле кэвьри

<sup>20</sup> Höh горигэһэк Хөданр'а чекьр у жь hэр h'эйванед h'элал у жь hэр тэйрэдед h'элал һьлдан ль сэр горигэһе, дийарийаФ т'эвайишэwате дан. <sup>21</sup> hьнге Хөдан бинэкэ хwэш жь we һьлда у дьле хwэда гот: «Иро шунда р'уйе мерьвда эз иди ньфьр'а ль эрде накьм, чьмки сьтге дьле мерьв жь зар'отийеда хьраб э у иди эз т'ө щар т'ө бинбэри нахьм чава мьн кьр.

<sup>22</sup> Иро шунда h'эта кө эрд һэбэ,  
чандьн у дьрун,  
сэрма у гэрмайи,  
һавин у зьвьстан,  
шэв у р'ож  
гэрэке т'ө щар нэсэкьньн».

### Пэймана т'эви Höh

**9** Хwэде дөа Höh у көр'ед wi кьр гот: «Шин бьн, зедэ бьн у эрде т'ьжи кьн. <sup>2</sup> Saw у тьрса wэ жи ль сэр h'эму тэрэwьлед эрде у h'эму тэйрэдед э'змен бэ. Эвана бь т'эви wан h'эмуйед ль сэр эрдейэ дышулькын у h'эму мэсийед бэрева данэ дэсте wэ. <sup>3</sup> hэр h'эйванед кө дьһэжьн хөрэке wэ бэ, мина п'ьнщар'а шин гьшки дьдьмэ wэ. <sup>4</sup> Т'эне гошт сахийеда, аwа готи хунева нэхwьн. <sup>5</sup> Ле эзе э'сэ дэ'wа хуна жийина wэ бькьм, жь hэр тэрэwьли бьхwазьм. Эзе жийина мерьв, жь дэсте мерьв у жь дэсте бьре wi бьхwазьм.

<sup>6</sup> К'и кӧ хуна мерьв бьрежэ,

хуна ви жи бь дэсте мерьв бьрьжэ,

чьмки мэрв дьлце Хвэдеда хольцандийи йэ.

<sup>7</sup> Һун шин бьн, зедэ бьн, ль сэр эрде бэла бьн у ль сэр  
we ль һэв зедэ бьн».

<sup>8</sup> Хвэде готэ Нӧһ у кӧр'ед вийэ кӧ т'эви ви бун: <sup>9</sup> «Ва эзе т'эви вэ у пэй вэр'а жи т'эви зӧр'эта вэ пэймана хвэ гьредьм, <sup>10</sup> ӧса жи т'эви ван һ'эму һ'эйванед бинбэрэ т'эви вэ: Т'эви тэйрэда, һ'эйванед к'эди у һ'эму тэрэшьлед эрдейэ т'эви вэ, т'эви һ'эмуйед жь гэмийе дэрк'эти у һ'эму һ'эйванед эрде. <sup>11</sup> Эзе пэймана хвэ т'эви вэ гьредьм, вэки иди т'ӧ бэдэн бь ава тофане нэе һьлатыне у нэ жи иди тофан р'абэ кӧ эрде вѳеран кэ». <sup>12</sup> Хвэде гот: «Нишана пэймана нава Мьн у вэда у нава һ'эму һ'эйванед бинбэрэ т'эви вэ, бона һ'эму дэвра гьреда-йи, we эв бэ. <sup>13</sup> Эзе к'эскэсора хвэ э'вправа дэрхьм у эве бьбэ нишана пэймана нава Мьн у дьнйайеда. <sup>14</sup> Гава эз ль сэр дьнйайе э'врайи кьм, к'эскэсор э'вправа хӧйа бэ, <sup>15</sup> һьнге эзе we пэймана хвэйэ нава мьн у вэда у нава һ'эму һ'эйванед бинбэрэ жь һэр бэдэнида бир биньм у аве иди нэбьнэ тофан у һэр бэдэни онда нэкьн. <sup>16</sup> Эв к'эскэсоре нава э'врада бэ, эзе we бьбиньм у бир биньм we пэймана Хвэдейэ һ'эта-һ'этайейэ, нава һэр һ'эйванед бинбэрэ жь һэр бэдэни кӧ ль сэр эрде йэ». <sup>17</sup> Хӧдан Хвэде Нӧһр'а гот: «Эв э нишана we пэймане, йа кӧ мьн нава хвэ у һэр бэдэни ль сэр эрде гьреда».

### Гӧнӧйе һам

<sup>18</sup> Кӧр'ед Нӧһэ кӧ жь гэмийе дэрк'этьн эв бун: Сам, һам, Йӧфэт. У һам баве Кэнан бу. <sup>19</sup> Эв һэр се кӧр'ед Нӧһ бун у жь ван ль сэр т'эмамыйа р'уйе эрде т'ьжи бун.

<sup>20</sup> Нӧһ кӧ эрдбещэркьр бу, эв йе э'вльн бу кӧ р'эзе тьрийа авит. <sup>21</sup> У паше шэраба we вэхвар, хвэ онда кьр у коне хвэда хвэ тэ'зи кьр. <sup>22</sup> Һаме баве Кэнан, кӧ баве

хwэ тэ'зи дит, дэрк'этэ дэрва у готэ һэр дө бьрайед хwэ.  
<sup>23</sup>Һынге Сам у Йэфэт к'ьнщ һьлдан авитьнэ ль сэр мьле  
 хwэ у пашопе чун тэ'зитийа баве хwэ ньхамт'ьн. Пышта  
 ван кö баве ванда бу, ван тэ'зитийа баве хwэ нэдит.

<sup>24</sup>Гава Нöһ жь бьн хэwa шэраве дэрк'эт, пе һ'эсийа кö  
 көр'е вийи бьч'ук чь ль сэре ви кьр'бу, <sup>25</sup>һынге гот:

«Ньфьр' ль Кэнан бэ,

эw бьбэ хöламе хöламед бьре хwэ».

<sup>26</sup>Диса гот:

«Шькьр жь Хöдан, Хwэдейе Сам,

Кэнан жер'а бьбэ хöлам.

<sup>27</sup>Бьра Хwэде т'ур'а Йэфэт дьреж кэ,

конед Самда бьминэ

у Кэнан жи жер'а бьбэ хöлам».

<sup>28</sup>Пэй тофанер'а Нöһ сесьд пенци сали э'мьр кьр.

<sup>29</sup>Т'эмавийа э'мьре Нöһ бу нэсьд пенци сали у мьр.

### Р'ьк'ьнийата көр'ед Нöһ

**10** Эв э сэрэщэма р'ьк'ьнийата көр'ед Нöһ: Сам, һам  
 у Йэфэт. Пэй тофанер'а зар'ед пэй ван к'эт'ьн.

<sup>2</sup>Көр'ед Йэфэт: Гомэр, Магог, Мадаи, Йаван, Тувал,  
 Мэшэх у Тирас бун. <sup>3</sup>Көр'ед Гомэр: Ашк'эназ, Р'ифат' у  
 Тогармаһ бун. <sup>4</sup>Көр'ед Йаван: Элишаһ, Т'аршиш, к'итийа  
 у р'оданийа бун. <sup>5</sup>Щьмэ'тед дэве бэ'ра wэлатед хwэда, жь  
 ван щьһе бунэ, һэр кэс ль гора зьман, бэрэк у мьлэтед хwэ.

<sup>6</sup>Көр'ед һам: К'уш, Мьсьр, Пут у Кэнан бун. <sup>7</sup>Көр'ед  
 К'уш: Шьба, һ'авила, Сабт'а, Р'амаһ у Сабт'ьха бун.  
 Көр'ед Р'амаһ: Шева у Дедан бун. <sup>8</sup>К'ушр'а öса жи Нэм-  
 руд бу. Нэмруд ль сэр р'уйе эрде п'элэһwane\* пешьн  
 бу. <sup>9</sup>Эва ль бэр Хöдан неч'ирванэки п'элэһwan бу. Лэма  
 жи те гот'ьне: «Фьлан кэс мина Нэмруд неч'ирванэки

\* 10:8,9 Зор, сэрхwэ.

п'эллэһван э ль бэр ч'эве Хөдан». <sup>10</sup> П'адшатийа Нэмруд вэлате Шинареда, жь Бабилоне, Ерехе, Ак'аде у К'алнеһ-да дэстпебу. <sup>11</sup> Нэмруд жь ви вэлати дэсте хвэ авитэ Ашурйа, Нинэва, Р'эһ'обот'-Ир у Калаһ чекьрн. <sup>12</sup> Р'эсэне жи навбэра Нинэвайе у Калаһеда чекьр. Эва бажарэки мэзын бу. <sup>13</sup> Жь Мьсьр пешда һатьн луди, э'нами, льһаби, нафт'уһи, <sup>14</sup> патруси, к'аслуһи (жь ван фьльстини<sup>Ф</sup> пешда һатьн) у к'апт'ори. <sup>15</sup> Кэнанр'а ньхөрийе ви Сайда у һ'ит бун, <sup>16</sup> өса жи йэбуси, эмори<sup>Ф</sup>, гиргаши, <sup>17</sup> һ'иwi, эрқи, сини, <sup>18</sup> арвади, сьмари у һамати. Пэй ванр'а жи бэрэкед кэнанийа<sup>Ф</sup> бэла бун. <sup>19</sup> Синоре кэнани жь Сайдайеда дэстпедькьр, дьгьһиштэ Гераре һ'эта Газзайе, дэрбази Содоме, Гоморайе, Адмайе, Сьбойиме һ'эта Лэшайе дьбу. <sup>20</sup> Эв ын Көр'ед һам ль гора бэрэк, зьман, вэлат у мьлэтэд хвэва.

<sup>21</sup> Бьрайе Йэфэти мэзын Самр'а жи, кө баве т'эмаийа зөр'эта Эбэр бу, wir'а жи зар' бун. <sup>22</sup> Көр'ед Сам: Элам, Ашур, Арпэхшад, Луд у Арам бун. <sup>23</sup> Көр'ед Арам: Ус, һ'ул, Гэт'эр у Маш бун. <sup>24</sup> Арпэхшадр'а Шэлаһ бу. Шэлаһр'а Эбэр бу. <sup>25</sup> Эбэrr'а дө көр' бун. Наве йэки Пелег\* бу (чьмки р'ожед вида р'уйе э'рде щьһебун к'эте). Наве бьрайе ви жи Йоqтан бу. <sup>26</sup> Йоqтанр'а Алмодад, Шэлэф, һ'эсэрмауэт', Йараһ', <sup>27</sup> һадорам, Узал, Диqlа, <sup>28</sup> Обал, Абимаел, Шьба, <sup>29</sup> Офир, һ'авила у Йовав бун. Эв һ'эму көр'ед Йоqтан бун. <sup>30</sup> Эвана жь Мешайеда гьрти, һ'эта Сьфаре ль ч'ийайед р'оһьлатеда щи-вар бун. <sup>31</sup> Эв ын көр'ед Сам ль гора бэрэк у зьманед хвэ, вэлатэд хвэ у мьлэтэд хвэва.

<sup>32</sup> Эв ын бэрэкед көр'ед Нөһ, ль гора р'ьк'ньйатэд хвэ у мьлэтэд хвэва. Жь ван пэй тофанер'а, ль сэр р'уйе э'рде, мьлэт бэла бун.

\* 10:25 Бь зьмане ибрани «Щьһебун, башқабун».

**Бьльндщийа Бабилоне\***

**11** Зьмане т'эмамыйа дьнйае йэк бу у хэбэрдан жи йэк бу. <sup>2</sup>Гава кө к'оч' дькьрн жь р'оһьлате дьчун, эрде Шинареда дэштэк дитын у ль вьр ши-вар бун. <sup>3</sup>Паше һэвдөр'а готын: «Вэрын, эм к'элпич'а чекын у эм ван агьрда бьрқелинын». У бона ван к'элпич' дэвса кэвьра бун у қир жи дэвса һ'эр'ийе бу. <sup>4</sup>Һынге готын: «Вэрын эм бона хвэ бажарэки у бьльндщике чекын, кө сэри бьгьһижэ э'змен у эм хвэр'а навэки қазьнщ кын, кө нэбэ эм ль сэр т'эмамыйа т'опа дьне бэла бьн». <sup>5</sup>У Хөдан пэя бу, кө дина хвэ бьдэ ви бажари у бьльндщийе, к'ижан кө зар'ед мэрьвайе чедькьрн. <sup>6</sup>Һынге Хөдан гот: «Ва йэ, эвана мьлэтэк ын у зьмане һ'эмуйа жи йэк э. Эвана дэстпекьрнэ чедькын у бона ван нэчэтын э чь кө шевьринэ бькын. <sup>7</sup>Вэрын эм пэя бьн у зьмане ван ль вьр т'эвиһэв кын, кө йэк зьмане йэки фэ'м нэкэ». <sup>8</sup>У Хөдан эв жь вьр ль сэр т'эмамыйа т'опа дьне бэла кьрн. Вана дэст жь бажер чекьрне к'ьшандьн. <sup>9</sup>Лэма жи ви щийир'а готын «Бабилон\*» чьмки ль вьр Хөдан зьмане т'эмамыйа т'опа дьне т'эвиһэв кьр. У Хөдан эв жь вьр ль сэр т'эмамыйа т'опа дьне бэла кьрн.

**Р'ьк'ьнйата Сам**

<sup>10</sup>Эв э сэрэщэма р'ьк'ьнйата Сам. Дө сала пэй тофанер'а, Сам сэдсали бу, кө Арпэхшад жер'а бу. <sup>11</sup>Сам пэй буйина Арпэхшадр'а, пенсьд сали жи э'мьр кьр у гэлэк көр' у қиз жер'а бун.

<sup>12</sup>Арпэхшад бу си пенщ сали Шэлаһ жер'а бу. <sup>13</sup>Арпэхшад пэй буйина Шэлаһр'а, чарсьд се сали жи э'мьр кьр у гэлэк көр' у қиз жер'а бун.

\* 11:1 Кэла Нэмруд.

\* 11:9 Бь зьмане избрани «Т'эвиһэвбун».

<sup>14</sup>Шәләһ бу си сали, Әбәр жер'а бу. <sup>15</sup>Шәләһ пәй буйина Әбәрр'а, чарсыд се сали жи ә'мьр кьр у гәләк көр' у қиз жер'а бун.

<sup>16</sup>Әбәр бу си у чар сали, Пелег жер'а бу. <sup>17</sup>Әбәр Пәй буйина Пелегр'а, чарсыд си сали жи ә'мьр кьр у гәләк көр' у қиз жер'а бун.

<sup>18</sup>Пелег бу си сали, Р'ewo жер'а бу. <sup>19</sup>Пелег пәй буйина Р'ewor'а, дөсыд нәһә сали жи ә'мьр кьр у гәләк көр' у қиз жер'а бун.

<sup>20</sup>Р'ewo бу си у дө сали, Сәрух жер'а бу. <sup>21</sup>Р'ewo пәй буйина Сәрухр'а, дөсыд һ'әфте сали жи ә'мьр кьр у гәләк көр' у қиз жер'а бун.

<sup>22</sup>Сәрух бу си сали, Нәһор жер'а бу. <sup>23</sup>Сәрух пәй буйина Нәһорр'а, дөсыд сали жи ә'мьр кьр у гәләк көр' у қиз жер'а бун.

<sup>24</sup>Нәһор бу бист нәһә сали, Тераһ жер'а бу. <sup>25</sup>Нәһор пәй буйина Тераһр'а, сәд ноздәһ сали жи ә'мьр кьр у гәләк көр' у қиз жер'а бун.

<sup>26</sup>Тераһ бу һ'әфте сали, Абрам, Нәһор у һаран жер'а бун.

### **Р'ьк'ьнйата Тераһ**

<sup>27</sup>Әв ә сәрәщәма р'ьк'ьнйата Тераһ. Тераһр'а Абрам, Нәһор у һаран бун. һаранр'а жи Лут бу. <sup>28</sup>һаран ль вәлате кө жь дийа хwә бьбу, бажаре Ура к'ьлданийада, бәри баве хwә Тераһ мьр. <sup>29</sup>Абрам у Нәһор зәwьщин жьн стандьн. Наве жьна Абрам Сарайи бу у наве жьна Нәһор Милк'а бу. Милка у Иск'а қизед һаран бун. <sup>30</sup>Сарайи бебәр бу у зар' нәданин.

<sup>31</sup>Тераһ көр'е хwә Абрам, нәвийе хwә Луте көр'е һаран у бука хwә Сарайийа жьна көр'е хwә Абрам һьлдан, р'абун жь бажаре Ура к'ьлданийа чунә бәрбь вәлате кәнанийа, әw гьһиштьнә һ'аране у ль wьр щи-вар бун.

<sup>32</sup>Тераһ дөсыд пенц сали ә'мьр кьр у Тераһ һ'аране-да мьр.

Абрам дьчэ КэнанеФ

**12** Хөдан Абрамр'а гот: «Жь вэлате хвэ, жь пьсмамед хвэ у жь мала баве хвэ бьқэтэ р'абэ һэр'э ви әрде кө эзе нишани тэ кьм. <sup>2</sup>Эзе тэ бькьмэ мьлэтэки мэзын, дөа ль тэ бькьм, наве тэ мэзын кьм у те бьмбарэккьри би. <sup>3</sup>Йед кө дөа ль тэ бькьн, эзе дөа ль ван бькьм у йэки кө тэ беһөрмэт кэ, эзе ньфьр'а ль ви бькьм. Бь тэ дөайе ль һ'эму бэрәкед дьнйайе бьбэ».

<sup>4</sup>Чава кө Хөдан готэ Абрам әв р'абу р'ек'эт, Лут жи т'э-ви ви р'абу чу. Гава Абрам жь һ'аране дэрк'эт, әв һ'әфте пенщ сали бу. <sup>5</sup>Абрам р'абу жьна хвэ Сарайи, бьразийе хвэ Лут, һ'эму һэбука хвэйэ қазьнщкьри у һ'эму нәфсед\* хвэйэ һ'аранеда һьлдан кө һэр'э вэлате КэнанеФ. У әв чунэ вэлате Кэнане. <sup>6</sup>Абрам ви вэлатир'а дәрбаз бу, чу һ'эта Шьхэме, һ'эта дара мэзейэ\* Морәһ. һьнге кэнани ль ви вэлатида дьман. <sup>7</sup>Ле һьнге Хөдан Абрамва хө-йа бу у готе: «Эзе ви вэлати бьдьмэ зөр'эта тэ». һьнге Абрам, ль ви щийе кө Хөдан шива хөйа бу, горигәһәк чекьр. <sup>8</sup>Абрам жь вьр чу ч'ийайе алийе р'оһьлата Бет'-Еле, коне хвэ өса лехьст, кө Бет'-Ел к'этэ р'оавайе, ле Әй к'этьбу р'оһьлате. У ль вьр Хөданр'а горигәһәк чекьр у гази наве Хөдан кьр. <sup>9</sup>Абрам бэрә-бэрә хвэ ль Нәщә-феФ дьгьрт дьчу.

Абрам дьчэ Мьсьре

<sup>10</sup>У ль ви вэлатида бу хэлайи, Абрам бәржери Мьсьре бу, кө ль вьр фьрари бьминэ, чьмки ль ви вэлатида хэлайикэ зор бу. <sup>11</sup>Гава әв незики Мьсьре бу, жьна хвэ Сарайир'а гот: «Ва йэ, әз заньм кө тө жьнәкэ бәрбьч'ә-вә бәдәш и, <sup>12</sup>гава мьсьри тэ бьбиньн, we бежьн: «Әва

\* 12:5 Хөлам.

\* 12:6 Дара хьрнуфе.

жъна ви йә», we мьн бькөжън у тә сах бьһелън. <sup>13</sup>Wәрә ве қәнщийе бькә, бежә кө тө хушка мьн и, wәки бона хатьре тә мьнр'а қәнщи же бе у пе тә эз сах бьминьм». <sup>14</sup>Гава Абрам к'этә Мьсьре, мьсьрийа дитън кө әw к'өлфәта чьқаси бәдәw бу. <sup>15</sup>Wәзир-wәк'илед Фьрәwьн жи әw дитън у пәсьне we бәр Фьрәwьн дан у Сарайи бьрьнә мала Фьрәwьн. <sup>16</sup>Әви бона хатьре Сәрайийе қәнщи ль Абрам кър у Абрам бу хwәйе пез, дөwер, к'әр, хөлам, щари, к'әред ме у дәва. <sup>17</sup>Ле бона жъна Абрам Сарайе, Хөдан қәзиед гьран анинә сәре Фьрәwьн у мала ви. <sup>18</sup>Һьнге Фьрәwьн гази Абрам кър у готе: «Әв тә чь ани ль сәре мьн? Тә чьма мьнр'а нәгот, кө әва к'өлфәта тә йә? <sup>19</sup>Тә бона чь гот: «Әва хушка мьн ә?» Мьн иди әw хwәр'а чава жьн дьстанд. Ле ньһа р'абә жъна хwә һьлдә у һәр'ә!» <sup>20</sup>Һьнге Фьрәwьн т'әмийа ви да мәрьвед хwә, wана Абрам у жъна ви, һәбука wанва вәр'екьрн.

### Абрам у Лут жь һәв дьрәтън

**13** Абрам, т'әви жъна хwә у т'әмаийа һәбука хwәва, Лут жи пер'а, жь Мьсьре һәвраз чу бәрбь НәщәфеФ. <sup>2</sup>Абрам һ'әйwен, зер' у зивава гәләки дәwләти бу. <sup>3</sup>У әw бь фьрарийе жь Нәщәфе чу һ'әта Бет'-Еле, ви щийе кө бәре ви коне хwә ль навбәра Бет'-Еле у Әйеда ле дани бу. <sup>4</sup>К'идәре кө пешда горигәһ чекьрьбу, Абрам ль wьр гази наве Хөдан кър. <sup>5</sup>Луте кө т'әви Абрам чубу, пәз, дәwар у конед ви жи һәбун. <sup>6</sup>Ле ви әрди т'ера wан нәдькър, кө т'әви һәв бьмана, чьмки һәбука wан өса гәләк бу, кө нькарьбун т'әви һәв бьмана. <sup>7</sup>Wә һьнге шьwanед һ'әйwanед Абрам у шьwanед һ'әйwanед Лут қьр'ка һә гьртън (we һьнге кәнани у пьриззи ви wәлатида дьман).

<sup>8</sup>Абрам готә Лут: «Т'әwақа мьн ль тә һәйә, бьра ль нава мьн у тәда у ль нава шьwanед мьн у шьwanед тәда дьлмайин нәк'әве, чьмки әм бьра нә. <sup>9</sup>Ва йә, т'әмаийа wәлат ль бәр тә йә. Әз һиви дькьм жь мьн бьрәтә. һәгәр



тö һәр'и алийе ч'эпе, эзе һәр'мэ алийе р'асте, һэгэр тö һәр'и алийе р'асте, эзе һәр'мэ алийе ч'эпе». <sup>10</sup> Лут сәре хwэ бьльнд кър у дина хwэ даие т'эмамия дэшта Урдöне кö дьһатэ авдане, we һынге һе Хөдан Содом у Гомора werан нэ кърбу, һ'эта Соһаре эw мина бахче Хөдан бу у мина wэлате Мьсьре. <sup>11</sup> Лут т'эмамия дэшта Урдöне хwэр'а бьжарт у к'оч' кър чу алийе р'оһьлате. Эw аһа жь һөвдö қэтийан. <sup>12</sup> Абрам wэлате Кэнанеда ма, ле Лут ль бажаред дэштеда щи-вар бу у конед хwэ һ'эта Содоме лехьстьн. <sup>13</sup> Ле бьнэлийед Содоме гэлэки хьраб у гөнэ-к'ар бун ль бэр Хөдан.

### Чуйина Абрамэ һеброне

<sup>14</sup> Гава Лут жь Абрам қэтийа, Хөдан Абрамр'а гот: «Ньһа сәре хwэ бьльнд кэ у жь ви щийе кö тö ле сэкьнийи, ль бакөр, башуре у ль р'оһьлат, р'оавайе бьньһер'э, <sup>15</sup> чьмки wi wэлате кö тö дьбини, эзе һ'эта-һ'этайе бьдьмэ тэ у зөр'эта тэ. <sup>16</sup> Эзе зөр'эта тэ бькьмэ wэкэ т'оза эрде. һэгэр йэк бькарьбэ кö т'оза эрде бьжмьрэ, we зөр'эта тэ жи бькарьбэ бьжмьрэ. <sup>17</sup> Р'абэ ль сэр у бьне wi wэлати ль һөвдэ. Чьмки эзе wi бьдьмэ тэ». <sup>18</sup> һынге Абрам коне хwэ һьлда чу һеброне, нава мэ'зед\* Мамреда щи-вар бу у ль wьр Хөданр'а горигэһэк чекьр.

### Абрам Лут жь дилтийе аза дькэ

**14** һена Амрафэл п'адше Шинаре, Арйок' п'адше Эласаре, К'ьдорлаһомэр п'адше Эламе у Т'ид'эл п'адше Гоиме, <sup>2</sup> чунэ ль бэр пенц п'адша, Бэра п'адше Содоме, Бирша п'адше Гоморайе, Шинав п'адше Адмайе, Шэмеvэр п'адше Сьбойиме у п'адше Бэлайе, аwа готи Соһарер'а кърьнэ шэр'. <sup>3</sup> Эв һэр пенц п'адша ль дэшта

\* 13:18 Даред хьрнуфе.

Сиддимеда щвийан, ви щийе ньһа Бэ'ра Мьри\* ле йэ.  
<sup>4</sup>Эвана донздэһ сала бьндэсте К'ьдорлаһомэрда бун, ле сала сездэһада сэри һьлдан.

<sup>5</sup>Сала чардэһада К'ьдорлаһомэр у һэму п'адшайед кө т'эви ви һатьн Э'штэрот'-Қарнайимеда ль р'ьфайийа, Ха-меда ль зузийа, Шаве-Қирйатайимеда ль емийа хьстьн,  
<sup>6</sup>у ль сэре ч'ийайе ван Сехире ль һ'орийа хьстьн, һ'эта Ел-Парана дэве бэр'ийе хьстьн. <sup>7</sup>Паше эвана вэгэр'ийан һатьнэ Э'йн-Мишпате, ава готи Қадеше, ль т'эмамыйа қэза амалекийа<sup>Ф</sup> хьстьн, өса жи ль эморийед һ'ассон-Т'амареда дьман хьстьн.

<sup>8</sup>һьнге п'адше Содоме, п'адше Гоморайе, п'адше Адмайе, п'адше Сьбойиме у п'адше Бэлайе, ава готи Соһаре ль дэшта Сиддимеда жь ван һэр чар п'адшар'а дэрк'этьнэ шер',  
<sup>9</sup>ава готи К'ьдорлаһомэре п'адше Эламер'а, Т'идэл п'адше Гоимер'а, Амрафэле п'адше Шинарер'а у Арьок'е п'адше Эласарер'а, чар п'адшати мьқабыли пенща. <sup>10</sup>Дэ-шта Сиддима бь ч'э'лед қирева т'ьжи бун. һьнге гава р'эв к'этэ п'адшед Содоме у Гоморайе эв к'этьнэ ван ч'э'ла, ле йед майин р'эвинэ ч'ийа. <sup>11</sup>Ван һэр чар п'адша һэму һэбук у хөрэке Содом у Гоморайе т'алан кьрын бьрын.  
<sup>12</sup>Өса жи Луте бьразийе Бьраһим, кө Содомеда дьма, һэбукева һьлдан бьрын.

<sup>13</sup>һьнге йэки р'эвийи хьлазбуйи һат у эв щав да Бьра-һиме ибрани. Бьраһим нава мэ'зед Мамрейе эморида дьма (Мамрейе бьраие Эшк'ол у Э'нер). һэлэқэтига ван у Бьраһим һэвр'а һэбу. <sup>14</sup>Гава Бьраһим бьһист кө бьрази-йе ви дил һатьйэ бьрьне, р'абу сесьд һ'иждэһ хөламед хвэйэ һинкьри, кө мала вида ль һэв зедэ бьбун, ч'эк кьрын у һ'эта Дане п'е-п'е пэй ван к'этьн, <sup>15</sup>эв у хөла-мед хвэва к'ом-к'ом бэла бун, шэв һ'ьщуми ль сэр ван

---

\* 14:3 Бь зьмане ибрани «Бэ'ра Хве» йэ.

кърън, ль ван хьстън у һ'эта һ'обайе ль бак'ура Шаме эв р'ақэтандън <sup>16</sup>у һ'эму т'алане бьри, бьразийе хвэ Лут, һэбука вива т'эви жьн у щьмэ'те, пашда анин.

### Мэлк'и-Садьқ дōа ль Абрам дькэ

<sup>17</sup>Тава Абрам ль К'ьдорлаһомэр у п'адшед пер'а хьстън у вэгэр'ийа, п'адше Содоме ль дэшта Шаве, ава готи Дэшта П'адшеда, пешийа вида чу. <sup>18</sup>Һьнге п'адше Шэлиме Мэлк'и-Садьқ, нан у шэраб дьреж кьре, эв к'аһине Хвэдейе Жорьн бу. <sup>19</sup>Эви дōа ль Абрам кьр у гот:

«Бьра бьмбарэк бэ Абрам  
жь алийе Хвэдейе Жорьн,  
хвэйе э'рд у э'зенда,

<sup>20</sup>у шькьр жь Хвэдейе Жорьнр'а,  
кō дьжмьнед тэ данэ дэсте тэ».

У Абрам жь һэр тышти дэһэк<sup>ф</sup> да Мэлк'и-Садьқ. <sup>21</sup>П'адше Содоме готэ Абрам: «Мэрьва бьдэ мьн, ле т'алане пашда ани жь хвэр'а бьбэ». <sup>22</sup>Абрам готэ п'адше Содоме: «Эз дэсте хвэ бэр бь Хōдан Хвэдейе Жорьн, хвэйе э'рд у э'зен бьльнд дькьм, <sup>23</sup>кō эз жь мале тэ, жь т'ел һ'эта бәне чарьхэке жи дэст навежьме һьлнадьм, кō паше тō нэбежи: «Мьн Абрам дэвлэмэнд кьр» <sup>24</sup>пештьри жь хварьна щаһьла у п'ара ван мэрьвед кō т'эви мьн һатьбун, ава готи п'ара Э'нер, Эшк'ол у Мамре, бьра эв п'ара хвэ же һьлдън».

### Пэймана Хвэдейэ т'эви Абрам

**15** Пэй ван йэкар'а, хэбэра Хōдан дитьнокеда Абрамр'а һат у гот: «Нэтьрсэ, Абрам, эз жь тэр'а мэрт'ал ьм, хэлата тэйе гэлэки мэзын бэ». <sup>2</sup>Һьнге Абрам гот: «Йа Хвэй Хōдан! Те чь бьди мьн? Эзи ва бе зөр'эт мамэ, сэрwere мала мьн Елийазере Шаме йэ». <sup>3</sup>Абрам диса гот: «Тэ кō зөр'эт нэда мьн, ва йэ хōламе мала мьнда буйи we дэwsа wape мьн бьгьрэ». <sup>4</sup>У ава хэбэра

Хөдан һатэ ши у гот: «Әw дәwса wаре тэ нагьрә, ле йе кө we жь бәдәна тә бьбә, әwe бьбә wаре тә». <sup>5</sup>Һьнге Хөдан әw дәрхьстә дәрва у готе: «Ньһа дина хwә бьдә ә'змен у стәйрка бьжмьрә, һәгәр дькари бьжмьри. У готе: «Зөр'әта тәйе жи we һақаса бә». <sup>6</sup>Абрам баwәрийа хwә Хөдан ани у ши әw йәк жер'а р'асти һ'есаb кьр.

<sup>7</sup>Хөдан диса готе: «Әз ьм әw Хөдане кө тө жь Ура к'ьлданийа дәрхьсти, кө ви wәлати чава щи-wар бьдьмә тә». <sup>8</sup>Абрам гот: «Йа Хwәй Хөдан! Әзе чава заньбьм, кө әзе ви wәлати чава щи-wар бьстиньм?» <sup>9</sup>Хөдан готе: «Бона мьн ногьнәкә се сали, бьзьнәкә се сали, бәранәки се сали, фатьмокәке у кәвоткәкә фьр'ак'әти бинә». <sup>10</sup>Абрам әв һ'әму жер'а анин у әw нивида кьрьнә дө қәти у һәр кәрики ван данә ль бәр кәрийе ван, ле тәйрәдә қәт нәкьрьн. <sup>11</sup>П'әр'анийа тәйрәда хwә дьда ль сәр ван щәндәка, ле Абрам бәри ван дьда.

<sup>12</sup>Гава р'о чу ава, хәwәкә к'ур к'әтә ч'әве Абрам у аwа саwәкә шәwәр'әшайә тә'ри к'әтә сәр ши. <sup>13</sup>Һьнге Хөдан готә Абрам: «Тө р'ьнд заньбә, кө зөр'әта тәйе wәлатәкида бьк'әвә хәрибийе у we хөламтийе ванр'а бькьн, чарьд сали әwe ван бьдьнә щәфе, <sup>14</sup>ле диwана ши мьләте кө we ван бькьнә хөлам әзе бькьм у пәй we йәкер'а әwe бь хер-хьзне жь wьр дәрән, <sup>15</sup>те жи бь хер-хwәши һәр'и щәм кал-бавед хwә у каләки р'у-р'әман бейи дәфьн кьрьне. <sup>16</sup>Ле зөр'әта тәйә қөр'на чарада we wәгәр'ә вьр, чьмки к'аса гөнәйед әморийа һе т'ьжи нәбуйә».

<sup>17</sup>У гава р'о чу ава у тә'ри к'әтә ә'рде, аwа дуки фьр'не у алавәкә егьр нава қәтед щәндәкар'а дәрбаз бу. <sup>18</sup>We р'оже Хөдан Абрамр'а пәйман гьреда у гот: «Ва әз ә'рде жь ч'әме Мьсьре һ'әта ч'әме мәзьн, аwа готи Фьрате, дьдьмә зөр'әта тә: <sup>19</sup>Wәлате қенийа, қьнизийа, қадмонийа, <sup>20</sup>һ'итийа, пьризийа, р'ьфайийа, <sup>21</sup>әморийа, кәнанийа, гиргашийа у йәбусийа».

Һащәр у Исмайил

**16** Ле к'олфэта Абрам, Сарайе, шир'а зар' нә данин. У щарийәкә Сарайе мьсьри һәбу, наве we һащәр бу. <sup>2</sup>Сарайе готә Абрам: «Ва йә Хөдан зар'анин п'ара мьн нәдайә, аһа р'абә һәр'ә щәм щарийа мьн, бәлки жь we зар'е п'ара мьн бьк'эвьн». Абрам гөр'а Сәраийе кьр. <sup>3</sup>К'олфэта Абрам Сарайе, пәй дәһә салар'а кә Абрам ә'мьре хвә ль вәлате Кәнанеда дәрбаз кьр, щарийа хвәйә мьсьри, һащәр ани кьрә жьна мере хвә Абрам. <sup>4</sup>Абрам сәре хвә һащәрер'а дани у әв пе ма. Әһе кә дит әв пе майә, ханьма we ль бәр ч'ә'ва р'әш бу. <sup>5</sup>Һьнге Сарайе готә Абрам: «Әв қара мьн гөнәк'арийа тә йә, мьн щарийа хвә кьрә п'ашьла тә, ле әһе дит кә әв пе майә, әз ль бәр ч'ә'ве we р'әш бум, бьра Хөдан ль сәр мьн у тәда бьньһер'ә». <sup>6</sup>Һьнге Абрам готә Сарайе: «Ва йә щарийа тә дәсте тәда йә, дьле тә чаһа дьхһазә өса жи бькә». Һьнге Сарайе иди р'у нәда we у әв жь Сарайе р'әви чу.

<sup>7</sup>Мьльйак'әте<sup>Ф</sup> Хөдан әв холе ль сәр канике дит. Канийа ль сәр р'ийа Шуре. <sup>8</sup>У готе: «Һащәр! Щарийа Сарайе, тө жь к'ө тейи! Те к'ода һәр'и?» Әһе гот: «Жь ханьма хвә Сарайе әз дьр'эвьм». <sup>9</sup>Һьнге Мьльйак'әте Хөдан готә we: «Вәгәр'ә щәм ханьма хвә у хвә ль бәр we бышкенә». <sup>10</sup>У Мьльйак'әте Хөдан диса готе: «Әзе зөр'әта тә өса гәләки зедә кьм, кә жь дәст гәләкбуне we һәйе жьмаре».

<sup>11</sup>Мьльйак'әте Хөдан готе:

«Ва йә тө дөһ'ала йи, те кәр'әки бини,  
те наве ви Исмайил\* дайни,  
чьмки Хөдан зәлулийа тә бьһист.

\* 16:11 Бь зьмане ибрани «Хвәде дьбьһе».

<sup>12</sup> Эве бьбэ мэрвэки ави.

Дэсте вийе ль бэр һэмуйа р'абэ  
у дэсте һэмуйа жи ль бэр ви р'абэ.

У эве ль бэр ч'э'ве һэму бьрайед хвэ бьжи ван  
ащыз кэ».

<sup>13</sup> Ђынге һащэре наве ви Хөдани, к'ижани кө т'эви ве хэбэр дабу дани: «Тө йи Хвэдейе кө мын дьбини», чьмки эве гот: «Мын р'аст эв ль вьр дит у эз диса сах мамэ?»

<sup>14</sup> Лэма жи ве бирер'а Бир-Лаһай-Рои\* те готьне. Эв бир навбэра Қадеше у Бэрэдда йэ.

<sup>15</sup> Пэй ве йэкер'а һащэре Абрамр'а көр'эк ани у Абрам наве ви көр'е кө жь һащэре вир'а бьбу дани Исмайил.

<sup>16</sup> Ви чахи кө һащэре Абрамр'а Исмайил ани, Абрам һ'эйште шэш сали бу.

### Сьнэти чава нишана пэйманеФ

**17** Чахе Абрам нод нэһэ сали бу, Хөдан Абрамва хөйа бу у готе: «Эз Хвэдейе һэри Зор\*ьм, р'ийа мында һэр'э у белэк'э бэ. <sup>2</sup>Эзе пэймана хвэ нава хвэ у тэда дайным у гэлэки беһ'эсаб тэ ль һэв зедэ кьм». <sup>3</sup>Абрам дэвэр'уйа чу. Хвэде хэбэрда у гот: <sup>4</sup>«Ва йэ пэймана мын т'эви тэ йэ: Те бьби баве гэлэк мьлэта. <sup>5</sup>Иро шунда наве тэ нэ Абрам\* бэ, ле Бьраһим\*\*, чьмки эз тэ дькьмэ баве гэлэк мьлэта. <sup>6</sup>Эзе тэ гэлэки ль һэв зедэ кьм у жь тэ мьлэта пешда биньм, жь нава тэда жи п'адшайе дэрен. <sup>7</sup>У Эзе пэймана хвэ нава хвэ у тэда у пэй тэ-р'а жи нава зөр'эта тэ у қөр'нед ванда дайным, чава

\* 16:14 Бь зьмане ибрани: «Бира Йе Сах кө Мын Дьбинэ».

\* 17:1 «Һэри Зор» бь зьмане ибрани «Шаддайи» кө щар-щара вэлгэр'андьна йунанийэ кэвьнда аһа һатийэ т'эрщьмэкьрыне.

\* 17:5 Бь зьмане ибрани «Баве мэзын».

\*\* 17:5 Бь зьмане ибрани «Баве мьхөлқэта мьлэта».

пэймана һ'эта-һ'этайе, эзе Хwәдейе тэ бьм у пэй тэр'а жи Хwәдейе зөр'эта тэ бьм. <sup>8</sup>эзе ви wәлате кö тö теда хэрибийеда йи бьдьмэ тэ у пэй тэр'а жи бьдьмэ зөр'эта тэ, т'эмамийа wәлате Кәнане чава мьлк'е һ'эта-һ'этайе у бьбьмэ Хwәдейе ван».

<sup>9</sup>У Хwәде готэ Бьраһим: «Ле тö пэймана мьн хwэй кэ, тö у зөр'эта тэйэ ль пэй тэр'а жи қөр'нед хwәда пэймана мьн хwэй кьн. <sup>10</sup>Эв э эw пэймана Мьн, к'ижане кö һун гэрәке нава мьн у хwәда у пэй тэр'а жи нава зөр'эта тэда бе хwэйкьрьне: һэр зар'е wэйи нерин бе сьнэткьрьне. <sup>11</sup>Һун жь қальбе хwэйи бесьнэт wэрьнэ сьнэткьрьне, эве бьбэ нишана пэймана нава мьн у wәда. <sup>12</sup>Бьра һэр зар'е нерини нава wәда қөр'нед хwәда, һ'эйштр'ожийеда бе сьнэткьрьне, һэгэр эw жь хöламе мала тэ буйи бэ, йан жь һ'эму мьлэтед хэрибэ нэ жь зөр'эта тэ бь п'эра к'ьри бэ. <sup>13</sup>Эве жь хöламе мала тэ буйи у йе кö тэ бь п'эре хwэ к'ьри, э'сэ гэрәке бенэ сьнэткьрьне у ль сэр қальбе wэ эв пэймана мьн бьбэ пэймана һ'эта-һ'этайе. <sup>14</sup>Һэр зар'е нерини бесьнэт, к'ижан кö нэйе сьнэткьрьне, гэрәке эw жь нава щьмэ'та хwэ бе һьлатьне, чьмки эви пэймана мьн т'эр'ьбанд».

### Создайна бона буйина Исһақ

<sup>15</sup>Пэй ве готьнер'а Хwәде готэ Бьраһим: «К'өлфэта хwэ Сарайер'а нэбежи Сарай, ле наве we Сэрайи\* бэ. <sup>16</sup>Эзе дöа ль we бькьм у жь we жи кöр'эки бьдьмэ тэ, дöайе мьне ль we бэ у мьлэте жь we пешда бен у п'адшед мьлэта жи we же дэрен». <sup>17</sup>Бьраһим дэвэр'уйа чу эрде, к'энийа у дьле хwәда гот: «Гэло зар'е пэй мере сэд сали к'эвэ? У Сэрайе нод салийеда зар'а бинэ?» <sup>18</sup>Һьнге Бьраһим готэ Хwәде: «Ах хwэзи һэма Исмайил ль бэр ч'эве тэ э'мьр кьра!» <sup>19</sup>У Хwәде готе: «Бэле! һэма хут жьна тэ Сэрайе

\* 17:15 Бь зьмане ибрани «Ханьм, Хатун, Сти».

көр'эки тэр'а бинэ у те наве ви Ишаq\* дайни, эзе т'эви ви у пэй wir'а жи т'эви зөр'эта ви пэймане гьредьм, пэймана h'эта-h'этайе. <sup>20</sup>Бона Исмайил жи мьн дэнге тэ бьхист. Ва эз д'оа ви жи дькьм у эзе ви шин кьм у гэлэки ль hэв зедэ кьм. We донздэh мире жь ви дэрэн у эзе ви бькьмэ мьлэтэки мэзын. <sup>21</sup>Ле пэймана хwэ эзе т'эви Ишаqе к'о Сэрайе тэр'а бинэ гьредьм салэкэ дьн ви чахи». <sup>22</sup>Хwэде к'о хэбэрдана хwэйэ т'эви Бьраһим хьлаз кьр, жь щэм ви һьлатэ жор.

<sup>23</sup>Бьраһим һьлда көр'е хwэ Исмайил у h'эмуйед к'о мала wiда дьне к'этьбун у йед к'о п'эрэти һатьбунэ к'ьр'ине, һэма we р'оже, чава к'о Хwэде готьбуйе, h'эму қьсьме нерини мала хwэда йэ бесьнэт, сьнэт кьрьн. <sup>24</sup>Гава Бьраһим жь нэсьнэтиһа хwэ һатэ сьнэткьрьне, эw һынге нод нэһэ сали бу. <sup>25</sup>Исмайиле көр'е ви сездэh сали бу, гава эw жь нэсьнэтиһа хwэ һатэ сьнэткьрьне. <sup>26</sup>Бьраһим у көр'е хwэ Исмайилва һэма we р'оже һатьнэ сьнэткьрьне. <sup>27</sup>H'эму қьсьмед нерини мала wiда, йед к'о мала wiда дьне к'этьбун у йед к'о п'эрэти жь хэриба һатьбунэ к'ьр'ине, т'эви ви һатьнэ сьнэткьрьне.

### Се меване Бьраһим

**18** Хөдан нава даред Мамрейэ мэ'зеда wива х'ойа бу, гава эw гэрмайа р'ожеда ль бэр дэре кон р'у-ньштьбу. <sup>2</sup>Әви сэре хwэ бьльнд кьр, дина хwэ даие, ва йэ се мер пешбэри ви сэкьнинэ. Гава эw дитьн, жь бэр дэре кон бь р'эв чу пешийа ван у h'эта э'рде ль бэр ван дэвэр'уйа чу, <sup>3</sup>у гот: «Хwэйе мьн! һэгэр мьн ль бэр ч'эвед тэ к'эрэм дит, һиви дькьм ль сэр мала х'оламе хwэр'а дэрбаз нэбэ, <sup>4</sup>бьра һьнэк ав биньн, ньгед хwэ бьшон у бьн дареда р'ьh'эт бьн, <sup>5</sup>эз пэ'ри нан биньм һун

\* 17:19 Бь зьмане ибрани «Әw дьк'энэ».



цънийатэке бькын, паше р'ийа хвэда һэр'ын, чьмки һун кө һатгнэ щэм хөламе хвэ». Һынге ван гот: «Тэ чава гот, өса жи бькэ». <sup>6</sup>Бьраһим лэзандэ бэрбь кон, хвэ Сэрайе-р'а гиһанд у готе: «Зу бькэ се варбеж аре хас бьстьре, нан лехэ». <sup>7</sup>Бьраһим хвэха жи лэз бэрбь һ'эйвен чу, голькэкэ һ'элийэ р'ьнд гьрт да хөламеки, эви жи эв зу һазьр кьр. <sup>8</sup>У Бьраһим р'уне ньвишки, шир у гоште голька һ'элийэ һазьркьри да бэр ван у ван хвар, эв хвэха жи бьн дареда щэм ван ма.

<sup>9</sup>Һынге готгнэ Бьраһим: «К'анейэ Сэрайа жьна тэ?» Эви гот: «Эв ва йэ конда йэ». <sup>10</sup>У йэки жь ван гот: «Салэкэ дьн ви чахи эзе диса ль сэр тэда бем у көр'эки Сэрайа жьна тэ we һэбэ». Ле Сэрайе ль бэр дэре кон, пышт вива дьбьһист. <sup>11</sup>Бьраһим у Сэрайи кал пир бьбун у р'ожед хвэ дэрбаз кьрьбун, Сэрайи жи иди жь кьраса һатбу бьр'ине. <sup>12</sup>Һынге Сэрайи ль бэр хвэда к'энийа у гот: «Ве мэзьнайа хвэда эзе чи хвэ ша бьм, кө хвэйе мьн жи иди йэки кал э?» <sup>13</sup>Хөдан готэ Бьраһим: «Чьма Сэрайи к'энийа у гот: «Гэло р'асти эзе ве мэзьнайа хвэда зар'а биньм, кө эз иди пир бумэ?» <sup>14</sup>Гэло тыштэки чэтын бона Хөдан һэйэ? Ви вэдэйе к'ьфшкьрида, салэкэ дьн ви чахи эзе ль сэр тэда бем у көр'эки Сэрайе we һэбэ». <sup>15</sup>Һынге Сэрайе жь тьрса инк'ар кьр у гот: «На, эз нэ к'энийамэ». Ле Хөдан готе: «На, тө к'энийайи».

### **Бьраһим бона Содоме дьк'эвэ бьн э'нэна у лава дькэ**

<sup>16</sup>Эв мэри жь вьр р'абун, вана бэре хвэ да Содоме, Бьраһим жи т'эви ван р'ек'эт, кө ван вэр'екэ. <sup>17</sup>Һынге Хөдан гот: «Гэло эзе ви тыште кө эзе бькьм жь Бьраһим вэшерьм? <sup>18</sup>Нэ бале Бьраһиме э'сэ бьбэ мьлэтэки мэзьн у зор. У бь ви дөа we т'эмамия мьлэте ль сэр дьнийа-йе бьбэ. <sup>19</sup>Чьмки мьн эв бона we йэке бьжарт, вэки эв т'эмийе бьдэ көр'ед хвэ у пэй хвэр'а жи мала хвэ, кө

эw р'ийа Хөданда һәр'ын, р'астийе у һәдийе бькын, wәки Хөдан чь кө Бьраһимр'а соз дайэ бинэ сери». <sup>20</sup>Хөдан гот: «Чьмки qar'э-qar'a Содом у Гоморайе зедэ бунэ у гөнөд ван гэләки гьран бунэ, <sup>21</sup>эзе ньһа пәйа бьм дина хwэ бьдьме, к'а эw р'аст wәкэ we qar'э-qar'a хьрабийед ванэ кө гьһиштьнэ мьн дькын, һәгәр на, кө эз заньбьм».

<sup>22</sup>Эw мәрьвана жь wьр вәгәр'ийан, чунэ бәрбь Содоме. Ле Бьраһим һе ль бәр Хөдан сәкьни мабу. <sup>23</sup>Паше Бьраһим незик бу у гот: «Гәло т'эви нәқәнща те р'аста жи онда ки? <sup>24</sup>Бәлки wi бажарида пенщи кәсед р'аст һәбьн? Гәло те wi щийи онда ки у нәди хатьре ван пенщи кәсед р'астә кө we дәре нә? <sup>25</sup>һаша жь тә кө тө ве йәке бьки, wәки тө р'аста т'эви нәқәнща онда ки, йан жи өса бини сәре р'аста, чава сәре нәқәнща, һаша жь тә! Эв йәк набә кө һ'акьме т'эмамийа дьнйайе диwана р'аст нәкә?» <sup>26</sup>Хөдан готе: «Һәгәр эз Содомеда пенщи кәсед р'аст бьбиньм, эзе т'эмамийа wi щийи бьдьмә хатьре ван». <sup>27</sup>Бьраһим ле вәгәр'анд у гот: «Эз кө т'оз у к'ози мә, мьн төрөш кьр Хwәйир'а хәбәрда: <sup>28</sup>Бәлки жь пенщи кәсед р'аст пенщ кем бьн, һьнге те т'эмамийа бажер wеран ки, бона пенща?» Хөдан гот: «Һәгәр ль we дәре чьл пенщ кәс һәбьн, эз wеран нәкьм». <sup>29</sup>Бьраһим щарәкә дьн пьрси у гот: «Бәлки ль we дәре чьл кәс һәбьн?» Хөдан гот: «Бона чьли жи эз we йәке нәкьм». <sup>30</sup>Бьраһим гот: «Ле бәле бьра Хwәйе мьн ль сәр хәбәрдана мьн һерс нәк'әвә: Бәлки ль we дәре си кәс һәбьн?» Хөдан готе: «Һәгәр ль we дәре си кәс һәбьн, эз we йәке нәкьм». <sup>31</sup>Бьраһим гот: «Ва йә мьн төрөш кьр Хwәйир'а хәбәрда: Бәлки ль we дәре бист кәс һәбьн?» Хөдан готе: «Бона хатьре бист кәси жи эз wеран нәкьм». <sup>32</sup>Һьнге Бьраһим диса гот: «Ле бәле бьра Хwәйе мьн һерс нәк'әвә эзе ве щаре жи бьпьрсьм: Бәлки ль we дәре дәһә кәс һәбьн?» Хөдан готе: «Бона хатьре дәһә кәси жи эзе wеран нәкьм». <sup>33</sup>У Хөдан ль пәй хәбәрдана т'эви Бьраһимр'а чу, Бьраһим жи вәгәр'ийа щийе хwэ.

Бэла Содоме

**19** Эw һэр дө мьлйак'эт<sup>Ф</sup> бэре еваре чунэ Содоме. Лут ль бэр дэргэһе Содоме р'уньштыбу. Лут кө ч'эв ван к'эт, р'абу чу пешийа ван у һ'эта әрде дэвэр'уйа чу <sup>2</sup> гот: «Бэле хwэйед мьн! К'эрэм кьнэ ль мала хөламе хwэ, шэва хwэ дэрбаз кьн, ньгед хwэ бышон у сьбэһе зу р'абьн р'ийа хwэда һэр'ьн». Ле ван гот: «На, әме шэва хwэ ль дэрва дэрбаз кьн». <sup>3</sup> Лут бь лава-дилэка зор ль ван кьр, әw ль сэр вида вэгэр'ийан чунэ мала ви. Эви сьфьрэ ванр'а дани, нане шкэва лехьст у хварьн. <sup>4</sup> Ле һе нэк'этыбунэ нава щиньвина, меред бажер, аwа готи меред содомийа жь ч'ука һ'эта мэзьна, т'эмамийа щьмэ'те һэр алийава дора мале гьртьн. <sup>5</sup> Гази Лут кьрьн у готьне: «К'аненэ әw меред кө ве еваре һатьнэ мала тэ? Ван дэрхэ бьдэ мә, кө әм дэст бавежьнэ дохина ван». <sup>6</sup> Лут дерива дэрк'эт у дэри ль пэй хwэ гьрт, <sup>7</sup> ванр'а гот: «Гэли бьра, һиви дькьм, нәһәқийе нәкьн. <sup>8</sup> Ванэ дө қизед мьнэ бьк'ьр һәнэ, әз ван дэрхьм бьдьмэ wэ, дьле wэ чаwа дьхwазэ өса т'эви ван дэрбаз кьн, ле т'эне дэст нэдьнэ ван мэрьва, чьмки ван хwэ данэ ль бьн сийа бане мьн». <sup>9</sup> Ле wана гот: «Бьщэ'мэ!» У готьн: «Һэла ви хэриби кө дьхwазэ диwане жи бькэ? Әме ньһа жь сэре ван хьрабтьр ль сэре тэ бькьн». У һэвр'а-һэвр'а һатьнэ ви мэрьви, аwа готи Лут. У кьрьн кө дери бышкеньн. <sup>10</sup> Ле ван мэрьвед меван дэст авитьнэ Лут к'аши мале ль щэм хwэ кьрьн у дэри гьртьн. <sup>11</sup> Wана лехьст әw мэрьвед ль бэр дери сэкьни, жь ч'ука һ'эта мэзьна кор кьрьн, өса кө әwана һақаси дэри гэр'ийан wэстийан.

<sup>12</sup> Ынгге ван мэрьва готьнэ Лут: «Иди к'и тэ ль вьр һэйэ? Зэвед тэ бьн, көр'ед тэ бьн, қизед тэ бьн у бажерда к'и тэ һэбэ, һ'эмуйа жи жь ви щийи дэрхэ. <sup>13</sup> Әме ви щийи wеран кьн, чьмки қар'э-қар'а хьрабийед ван ль сэр Хөдан гьран бунэ у Хөдан әм шандьнэ кө әм ве wеран кьн». <sup>14</sup> Лут дэрк'эт чу зэвед хwэр'а, аwа готи дэргистийед қи-

зед хwэр'а гот: «Р'абьн жь ви щийи дэрен, чьмки Хөдане ви бажари wеран кэ». Ле зэ'вед wi т'ьре эw һ'энэка дькэ.

<sup>15</sup>Гава сьбэһ зэлал бу, мьльйак'эта Лут лэз хьстьн у готьне: «Р'абэ былэзинэ, жьна хwэ у һэр дө қизед ль щэм хwэ һьлдэ, wэки т'эви нэһэқийа бажер онда нэби».

<sup>16</sup>Лут кө ньгед хwэ пашда давит, ван мэрьва дэсте Лут, жьне, қизава гьртьн, бь р'эма Хөданэ кө ль ван кьр, эw жь бажер дэрхьстьнэ дэр у һьштьн. <sup>17</sup>У гава эw дэрхьстьнэ дэр, йэки жь ван гот: «Бьр'эwэ хwэ хьлаз кэ, ль пэй хwэ нэньһер'и у ве дэштеда жи т'ө щийи нэсэкьни. Бьр'эwэ сэре ч'ийа, нэбэ кө онда би!» <sup>18</sup>Һьнге Лут готэ ван: «На, хwэйе мьн! К'эрэмэ бькэ! <sup>19</sup>Аwа кө хөламе тэ ль бэр ч'э'вед тэ к'эрэм дитийэ у тэ эw қэнщийа хwэйэ мэзьн һьндава мьнда да к'ьфше, э'мьре мьн хьлаз кьр. Ле эз нькарьм бьр'эwьмэ ч'ийа, кө эw бэла нэгьһижэ мьн у нэмьрм. <sup>20</sup>Ва йэ эw гөнде һан незик у бьч'ук э. Бь изьна тэ эз бьр'эwьмэ wьр кө э'мьре мьн хьлаз бэ, чьмки эw гөндэки бьч'ук э». <sup>21</sup>У Эwi готэ wi: «Аwа эзе ве хwэстьна тэ жи бькьм, эw гөнде бона к'ижани тэ гот, сэробьниһэв накьм. <sup>22</sup>Дэ былэзинэ бьр'эwэ wьр, чьмки һ'эта кө тө нэгьһижи wьр, эз нькарьм тыштэки бькьм». Лэма жи наве wi гөнди Соһар\* һатэ данине.

<sup>23</sup>Тэ'ве ль сэр э'рде п'энщ дьда, Лут хwэ Соһарер'а гиһанд. <sup>24</sup>Һьнге Хөдан ль сэр Содом у Гоморайеда к'ьрк'утФ у агьр жорда жь Хөданда баранд, <sup>25</sup>у эw бажар у т'эмамийа дор-бэред ван, һ'эму бьнэлийед ван бажара у тыштед ль сэр э'рде шинбуйи қьр' кьр у сэробьниһэв кьр. <sup>26</sup>Ле жьна Лут пыштева ль пэй хwэ ньһер'и у бу һ'эйкэлэки хwe.

<sup>27</sup>Бьраһим сьбэһе зу р'абу чу wi щийе кө ль бэр Хөдан сэкьнибу. <sup>28</sup>Эwi дина хwэ да ль алийе Содом у Гоморайе у ль т'эмамийа дор-бэред ван ньһер'и, дит кө we жь

\* 19:22 Бь зьмане ибрани «Бьч'ук».

ми эрди дуки мина дуйе к'ура егър дэрдк'эт. <sup>29</sup>У чахе кө Хвэде бажаред we дэште we веран кьрана, Бьраһим һатэ бира Хвэде. Гава we эw бажаред кө Лут теда дьма веран кьра, Лут жь we хэзэбе хьлаз кьр.

### Лут у қизед ми

<sup>30</sup>Лут тьрсийа кө Зоаре бьминэ, эw т'эви һэр дө қизед хwэ жь Соһаре дэрк'этын, р'абунэ ч'ийе у ль шкэфтэкеда һеуьрин. <sup>31</sup>Р'ожэке қиза мэзын готэ йа бьч'ук: «Баве мэ кал буйэ у ль ви эрди жи мер т'өнэнэ кө мина эдэте дьне незики мэ бьн. <sup>32</sup>Wэрэ эм баве хwэ шэрабе бьдьнэ вэхварьне у сэре хwэ wir'a дайньн, жь баве хwэ бэдэна хwэ шин кьн». <sup>33</sup>We шэве баве хwэ шэраб данэ вэхварьне, йа мэзын чу сэре хwэ баве хwэр'a дани, ле бав п'алдан-р'абуна we пе нэһ'эсийа. <sup>34</sup>Р'ожа дьн қиза мэзын готэ йа бьч'ук: «Ва йэ мьн дөһө сэре хwэ баве хwэр'a данийэ, wэрэ we шэве жи эм шэраве ми бьдьнэ вэхварьне, тө һэр'э сэре хwэ wir'a дайнэ у эм жь баве хwэ бэдэна хwэ шин кьн». <sup>35</sup>We шэве жи баве хwэ шэраб данэ вэхварьне у қиза бьч'ук р'абу сэре хwэ wir'a дани, ле бав п'алдан-р'абуна we пе нэһ'эсийа. <sup>36</sup>Бь ви аwaiи һэр дө қизед Лут жь баве хwэ пе ман. <sup>37</sup>Қиза мэзын көр'эк ани у наве ми Моwаб\* дани. Эва һ'эта иро жи баве моwабийа йэ. <sup>38</sup>Қиза бьч'ук жи көр'эк ани у наве ми Бэн-Э'мми\* дани. Эва һ'эта иро жи баве амонийаФ йэ.

### Бьраһим у Абимэлэх

**20** Бьраһим жь we дәре к'оч' кьр чу бэр бь НэщэфеФ, ль навбэра Qадеше у Шуредa ма у Гераредa фьрари дэрбаз кьр <sup>2</sup>Ль we дәре Бьраһим бона жьна хwэ

\* 19:37 Бь зьмане ибрани «Жь баве».

\* 19:38 Бь зьмане ибрани «Көр'е мьлэте мьн» (Көр'е жь олк'а мала баве мьн).

Сэрайе гот: «Эва хушка мьн э». П'адше Гераре Абимэлэх шанд Сэрайи жь хвэр'а ани. <sup>3</sup> Ле Хвэде шэв hatэ хэв-на Абимэлэх у готе: «Ва те бона we к'олфэта кө тэ ани, те бьмьри, чьмки мере we һэйэ». <sup>4</sup> Абимэлэх he дэст нэдабуйе у гот: «Йа Хвэйе мьн, гэло те к'ока мьлэте бесущ бини? <sup>5</sup> Эви нэ гот: «Эва хушка мьн э?» У эве жи гот: «Эва бьрайе мьн э. Эв йэк мьн бь дьле сах у дэсте пацъж кьр». <sup>6</sup> У Хвэде хэвнеда шир'а гот: «Мьнва э'йан э, кө тэ эв йэк бь дьле хвэйи сах кьр, лэма жи мьн тө жь ви гөнэйе кө тэйе ль бэр ч'эве мьн бькьра хвэйи кьри у нэһшт кө тө дэст бьди we. <sup>7</sup> Ньһа жьне вэгэр'инэ бьдэ мере we, чьмки эв п'ехэмбэр<sup>Ф</sup> э у эве бона тэ дөа бькэ, те бьжийи. Ле һэгэр тө we вэнэгэр'ини, заньбэ кө тө у һ'эмуйед тэйе э'сэ бьмьрн».

<sup>8</sup> Абимэлэх сьбэһе зу р'абу, гази һ'эму бэрдэстийед хвэ кьрн у һэр тьшт ванр'а гьли кьр, эв мэрьвана гэлэки тьрсийан. <sup>9</sup> Ђһнге Абимэлэх гази Бьраһим кьр у готе: «Эв тэ чь ани ль сэре мэ? Мьн һьндава тэда чь нэһэқи кьрьбу, кө тэ гөнэки мэзньн ль сэр мьн у п'адшатийа мьнда ани? Тэ һьндава мьнда тьште нэбуйи кьр». <sup>10</sup> У Абимэлэх готэ Бьраһим: «Тэ чь р'е тер'а дит, кө тэ эв тьшт кьр?» <sup>11</sup> Бьраһим гот: «Чь р'аст э, эз фькьрим мьн гот: «Ль ве дэре хофа Хвэде т'өнэ, we р'уйе жьна мьнда мьн бькөжньн». <sup>12</sup> Йа дөда жи эва р'асти хушка мьн э, эм жь баве нэ ле нэ жь денэ, мьн эв стандийэ. <sup>13</sup> Чахе Хвэде эз жь мала баве хвэ дэрхьстьмэ хэрибийе, мьн готэ we: «Ве қэнцийе мьнр'а бькэ, һэр щийе кө эме һэр'һне, бона мьн бежэ, кө эва бьрайе мьн э»».

<sup>14</sup> Ђһнге Абимэлэх р'абу, пэз у дэвар, хөлам у щари анин данэ Бьраһим у жьна ви Сэрайи жи ле вэгэр'анд. <sup>15</sup> Ђса жи Абимэлэх готэ Бьраһим: «Ва йэ вэлэте мьн ль бэр тэ йэ, к'идэре дьхвази ль шьр жи бьминэ». <sup>16</sup> Сэрайер'а жи гот: «Ва эз һ'эзар зиви дьдьмэ бьрайе тэ, кө эв йэк ль бэр ч'эве һ'эмуйед т'эви тэ бьбэ хелийа нав-намусийе у р'успитийа ль бэр һ'эмуйа». <sup>17</sup> Ђһнге Бьраһим ль бэр Хвэде дөа кьр

у Хвэде Абимэлэх, жьна ви у щарийед ви қәнщ кърьн у зар'ок анин. <sup>18</sup> Чъмки Хөдан р'уйе жьна Бьраһим Сэрайеда, бэт'гне һ'эму к'өлфәтед мала Абимэлэхда дада бу.

### Буйина Ишақ

**21** Хөдан сәрик ль Сэрайе хьст, чава кө готьбу у созе бона Сэрайе дабу ани сери. <sup>2</sup> Сэрайи һ'эм-лэ дәрк'әт, Бьраһимр'а we мэзьнайа вида көр'әк ани, ви wәдәйида кө Хвэде жер'а готьбу. <sup>3</sup> Бьраһим наве ви көр'е хвәйи кө Сэрайе жер'а ани, Ишақ\* дани. <sup>4</sup> У Бьраһим чава кө Хвэде т'эми ви кърьбу, көр'е хвә Ишақ р'ожа һ'әйшта сьнәт кър. <sup>5</sup> Бьраһим сәд сали бу, гава көр'е ви Ишақ жер'а бу. <sup>6</sup> һьнге Сэрайе гот: «Хвэде әз дамә к'әнандьне, к'ижанед кө бона мын бьбьһен, әве жи т'әви мын бьк'әнһь». <sup>7</sup> Оса жи гот: «Қәт к'е we бьгота Бьраһим: «Сэрайи we дәргушед көр'ин бьмежинә?» Чъмки мын мэзьнайа вида вир'а көр' ани». <sup>8</sup> Көр'ьк мэзьн бу, жь шир һатә бьр'ине, Бьраһим we р'ожа кө Ишақ жь шир һатә бьр'ине, мәсрәфәкә мэзьн дани.

### Дәрхьстьна һащәре у Исмайил

<sup>9</sup> Сэрайе дина хвә даие, wәки әв көр'е һащәра мьсьри, йе кө we Бьраһимр'а анибу, қәрфе хвә Ишақ дыкә, <sup>10</sup> готә Бьраһим: «Бәри ве щарийе у көр'е we дә, чъмки көр'е ве щарийе гәрәке т'әви көр'е мын Ишақ war нәстинә». <sup>11</sup> Әв готьна һьндава көр'е ви Исмайилда, гәләки гьран ль сәр Бьраһим р'уһьшт. <sup>12</sup> Ле Хвэде готә Бьраһим: «Бьра әв готьна бона көр'ьке тә у щарийа тә ль сәр тә гьран р'унәни, чь кө Сэрайе тәр'а готийә гөһдарийа готьна we бькә, чъмки зөр'әта тәйе Ишақда бе навкърьне. <sup>13</sup> Әзе көр'е щарийе жи бькьмә мьләтәки, чъмки әв жи зөр'әта тә

\* 21:3 Бь зьмане ибраниФ «Әв дык'әнә».

йә». <sup>14</sup>Браһим сьбәһе зу р'абу, нан у мәшкә ав һьлда да һащәре, да ль сәр мьле we, көр'ьк жи пер'а дәрхьст. һащәр чу гһиштә чол-бәста Бир-Шева, р'е-дърб онда кьрын.

<sup>15</sup>Ава мәшкда хьлаз бу, әве көр'ьк бьне чалукеда һьшт <sup>16</sup>у чу wәкә дурайа тиравитьнәке, пешбәри wi дур р'у-ньшт у гот: «Әз мьрна көр'ьк нәбиньм». У әва пешбәри wi р'уньшт, зарин кьр у гьрийа. <sup>17</sup>Һьнге Хwәде дәнге көр'ьк бьһист, мьлйак'әте Хwәде жь ә'змен дәнг да һащәре у гот: «Чь буйә һащәр? Нәтьрсә! Хwәде дәнге көр'ьк жь wi щийи бьһист. <sup>18</sup>Ньһа р'абә, дәсте көр'ьк бьгьрә р'акә, чьмки әзе wi бькьмә мьләтәки мәзын». <sup>19</sup>Һьнге Хwәде ч'әве һащәре вәкьрын, әве бирәкә аве дит у чу мәшк ав дагьрт, көр'ьк да вәхварьне.

<sup>20</sup>Хwәде т'әви көр'ьк бу, әw мәзын бу, чол-бәстада ма у бу тиркәван. <sup>21</sup>Бәр'ийа Паранеда ма у дийа wi қизәкә жь Мьсьре жер'а хwәст.

### Ад-қьрара Браһим у Абимәләх

<sup>22</sup>У we һьнге Абимәләх у сәрәкәскәред wi Пихол, Браһимр'а готьн: «Хwәде һәр тыштида т'әви тә йә, чь кө тә дьки. <sup>23</sup>Ньһа ль ve дәре дәсте мьнда пе Хwәде сонд бьхwә, wәки те бебәхтийе ль мьн, көр'е мьн у зөр'әта мьн нәки, ле бьди хатьре we амьнийа мьнә һьндава хwәда, тә мьн у ви wәлатир'а бьки, к'ижанида кө тә хәриби дьмини». <sup>24</sup>Браһим гот: «Әз сонд дьхwьм». <sup>25</sup>Ле Браһим бона бирәке да р'уйе Абимәләх, йа кө хөламед wi бь зорбәтийе зәфт кьрьбун. <sup>26</sup>Абимәләх гот: «Әз һаш пе т'өнәбуне к'е әw йәк кьрийә, тә жи т'ә тышт мьнр'а нәготийә у һ'әта р'ожа иро жи мьн нәбьһистьбу». <sup>27</sup>Браһим пәз у дәвар анин данә Абимәләх у һәр дөйа жи һәвр'а пәйман гьредан. <sup>28</sup>Браһим жь кәре пез һ'әфт бәрхед ме вәқәтанд башқә кьрын. <sup>29</sup>Абимәләх жь Браһим пьрси: «Әв һәр һ'әфт бәрхед мейә кө тә вәқәтанд башқә кьрын, чь те һ'әсабе?» <sup>30</sup>Браһим готе: «Гәрәке



тö ван һәр һ'эфт бәрхед ме жь дэсте мьн быгъри, вәки бьбьнә шә'дед мьн, кө мьн әв бир к'ола йә». <sup>31</sup> Ләма жи наве ви щийи дани Бир-Шева\*, чьмки һәр дөйя жи ль вьр сонд хварьн. <sup>32</sup> Вана Бир-Шевайеда ад-қьрар кьрьн. Абимәләх у сәрәкәскәред ви Пихол р'абун вәгәр'ийан вәлате Фьльстине. <sup>33</sup> Бьраһим ль бәр бира Бир-Шевайе дарәкә кәнаре дач'ьканд у ль we дәре гази наве Хөдан, Хвәдейе һ'әта-һ'әтайе кьр. <sup>34</sup> Бьраһим вәхтәки дьреж ль вәлате фьльстинийеда хәрибийеда ма.

### Щер'ьбандьна Бьраһим

**22** Пәй ван йәкар'а, Хвәде Бьраһим щер'ьбанд у гот: «Бьраһимо!» Бьраһим гот: «Ләбе, эзи ва мә». <sup>2</sup> Хвәде готе: «Ньһа р'абә көр'е хвәйи тайе т'әнейи дәлал Ишақ һьлдә у һәр'ә вәлате Морийайе, ль we дәре ль сәре ч'ийаки, к'ижани әзе тәр'а бежьм, бькә дийарийа<sup>Ф</sup> т'әвайишәвате». <sup>3</sup> Бьраһим сьбәһе зу р'абу, бона дийарийа т'әвайишәвате дар шкенандьн, т'ер'а к'әре хвә гьреда, т'әви хвә дө хөлам у көр'е хвә Ишақ һьлдан, р'абу чу ви щийе кө Хвәде готьбуйе. <sup>4</sup> Р'ожа сьсийа Бьраһим сәре хвә бьльнд кьр, дурва әв щи дит. <sup>5</sup> У һьнге Бьраһим готә хөламед хвә: «һун к'әрева ль вьр бьминьн, әз у көр'ьква һ'әта дәра һан һәр'ьн, һ'әбандьна хвә бькьн у диса ль сәр вәда вәгәр'ьн». <sup>6</sup> Бьраһим қьрше дийарийа т'әвайишәвате һьлда, да пышта көр'е хвә Ишақ у хвәха жи агьр у к'ер гьртьнә дәсте хвә у һәр дө һәвр'а чун. <sup>7</sup> Р'еда Ишақ баве хвә Бьраһимр'а гот: «Баво!» Әви гот: «Ләбе, эзи ва мә, көр'е мьн». Ишақ гот: «Ва нә қьрш у агьр, ле бәрха бона дийарийа т'әвайишәвате к'ане йә?» <sup>8</sup> Ньнге Бьраһим готе: «Хвәде we хвәха бәрха дийарийа т'әвайишәвате бона хвә р'е тер'а бьбинә, көр'е мьн» У һәр дө һәвр'а р'ийа хвәда чун.

\* 21:31 Бь зьмане ибрани «Бира сонде» йан «Бира һәр һ'әфта».

<sup>9</sup>Гава гъиштънэ ви щийе кӧ Хвэде готьбуйе, Бъраһим ль вър горигәһФ чекър, қърш ль сәр we ши кърън у кӧр'е хвэ Ишақ гъреда, һьлда дани ль сәр қършед горигәһе. <sup>10</sup>У Бъраһим дэст авитә к'ере, кӧ кӧр'е хвэ сәржекә <sup>11</sup>ле мьльак'әте Хӧдан жь ә'змен дәнг даие у готе: «Бъраһим! Бъраһим!» Әви гот: «Ләбе, әзи ва мә». <sup>12</sup>Мьльак'әт готе: «Дэст нэдә кӧр'ьк у тыштәки ль ви нәкә, ньһа әз занъм кӧ тӧ жь Хвэде дьтърси, чьмки тә бона мьн кӧр'е хвәйи тайе т'әне на-на нәкър». <sup>13</sup>Бъраһим сәре хвэ бьльнд кър, дина хвэ даие we пышт вива, ва йә бәранәк стъруйед ви к'әтълунә дър'ийед сьх мабу. Бъраһим чу әв бәран ани у дәвса кӧр'е хвэ горишәвътанди кър. <sup>14</sup>Бъраһим наве ви щийи дани: «Хӧдане we р'е тер'а бьбинә». Чава һ'әта ньһа те готьне: Ль сәре ч'ийәие Хӧдан, we р'е тер'а бе дитьне.

<sup>15</sup>Мьльак'әте Хӧдан щара дӧда жь ә'змен дәнг да Бъраһим <sup>16</sup>у гот: «Әз бь нәфса хвэ сонд дьхвьм, Хӧдан дьбежә, чьмки тә кӧ әв тышт кър у кӧр'е хвәйи тайе т'әне бона мьн на-на нәкър, <sup>17</sup>әзе жи дӧәие ль сәр дӧа ль тә бькьм, зӧр'әта тә мина стәйркед ә'змен у мина қума дәве бәре гәләки зедә кьм у зӧр'әта тәйе бажаред нәйаред хвэ зәфти хвэ кьн <sup>18</sup>у бь зӧр'әта тә we дӧа ль һ'әму мьләтед дьнйәие бьбә, чьмки тә гӧһдарийа мьн кър». <sup>19</sup>У Бъраһим вәгәр'ийа щәм хӧламед хвэ у р'абун һәвр'а чунә Бир-Шевәие, Бъраһим Бир-Шевәиәда ма.

### Зӧр'әта Нәһор

<sup>20</sup>Пәй ван йәкар'а шаб данә Бъраһим у готьне: «Милк'әйе бьре тә Нәһорр'а зар' анинә, <sup>21</sup>Ньхӧрийе ви Ус у бьре ви Буз, Қьмуеле бавәшире Арам, <sup>22</sup>К'әсәд, һ'азо, Пилдаш, Идлаф у Бәт'уел». <sup>23</sup>Бәт'уелр'а Р'евета бу. Әв һәр һ'әйшт кӧр' Милк'әйе Нәһоре бьре Бъраһимр'а анин. <sup>24</sup>Щарийа ви Р'еумәйе жи, Тәвах', Гахам, Т'ахаш у Маһаха анин.

Мьрьна Сэрайе

**23** Сэрайе сэд бист h'эфт сали э'мьр кьр, э'мьре Сэрайе һақас сал бун. <sup>2</sup>Сэра ль wэлате Кэнане, Қирйат-Арбайеда, а́а готи ль һебронe, мьр. Бьраһим һат сэр Сэрайе гьрийа у шина we кьр. <sup>3</sup>Бьраһим жь мьрийа хwэ дур к'эт, т'эви зар'ед һ'итийа хэбэрда у гот: <sup>4</sup>«Эз нава wэда йэки р'еви у хэриб ьм, ньһа мьлк'эки бона мэхбэр бьдьнэ мьн, wэки эз мьрийа хwэ жь бэр ч'эве хwэ дэфьн кьм». <sup>5</sup>Һьнге зар'ед һ'итийа ль Бьраһим wэгэр'андьн у готьне: <sup>6</sup>«Хwэйе мэ, гөһ бьдэ мэ, тө мирэки Хwэдеи нава мэда, тө дькари мьрийа хwэ нава мэхбэред мэда, щийе һэри қәнщда дэфьн ки. Бона дэфьнкьрьна мьрийа хwэ, жь мэ т'ө кэсе мэхбэре хwэ на-на накэ». <sup>7</sup>Бьраһим р'абу хwэ ль бэр щьмэ'та wi wэлати, зар'ед һ'итийа та кьр <sup>8</sup>у ванр'а гот: «Һэгэр һун дьхwазьн, кэ эз мьрийа хwэ жь бэр ч'эве хwэ дэфьн кьм, кэ өса йэ бьбьһен у бона мьн Эфроне көр'е Сохарр'а хэбэрдьн бежьне, <sup>9</sup>wэки эw шкэфта Махпелайейэ сэре эрде хwэ, ча́а мьлк' ль бэр wэ чь һежа бэ, бона мэхбэр бьфьрошэ мьн». <sup>10</sup>Эфрон жи кө нава зар'ед һ'итийа р'уньшьтбу. Һьнге Эфроне һ'ити бь дэнг ль бэр зар'ед һ'итийа, а́а готи ль бэр һ'эмуйед кө дэргэһва\* дьк'этьнэ һьндөр', ль Бьраһим wэгэр'анд у гот: <sup>11</sup>«На, хwэйе мьн, бьбьһе эз чь дьбежьм: Эзе эрде жи бьдьмэ тэ, шкэфта феза weда жи. Эзе ль бэр ч'эве зар'ед мьлэте хwэ бьдьмэ тэ, мьрийа хwэ ль we дэре дэфьн кэ». <sup>12</sup>Диса Бьраһим хwэ ль бэр щьмэ'та wi wэлати та кьр <sup>13</sup>у бь дэнг ль бэр щьмэ'та wi wэлати, Эфронр'а хэбэрда у готе: «Һэгэр те т'эви мьн қайл би, эз һэде эрде тэ бьдьмэ тэ, тө жь дәсте мьн бьгьрэ, кө эз мьрийа хwэ ль wьр дэфьн кьм». <sup>14</sup>Эфрон ль Бьраһим wэгэр'анд

\* 23:10 Wi чахи мэйдана незики дэргэһе бажер эw щийе бона т'өщарэтийе, диwане у қьрара бу.

у гот: <sup>15</sup>«Хвэ́йе мьн! К'э́рама хвэ́ бьбь́е: Э́в э́рд бь хвэ́  
 нежайи чарсы́д ше́кьл\* зиви́ йэ, нава́ мьн у тэ́да мэт'а we  
 чи́ йэ? Мьри́йа хвэ́ дэ́фьн кэ́». <sup>16</sup>Бьра́хим готьна́ Э́фрон  
 қэбул кьр у Бьра́хим һа́қас зив к'ьшанд да Э́фрон, чь́қас  
 кө́ ви́ ль бэр зар'ед һ'ити́йа готьбу, чарсы́д ше́кьл\* зив,  
 кө́ э́в бу қимэ́те нава́ т'о́шарэти́йеда.

<sup>17</sup>Бь ви а́вайи э́рде Э́фрони, Махпела́да, пешба́ри  
 Ма́мре, э́в э́рд, шкэ́фта те́да у һ'э́му даред нава́ ви  
 э́рдида, <sup>18</sup>ль бэр ч'э́ве зар'ед һ'ити́йа у ль бэр һ'э́муйед  
 кө́ дэргэ́хва дьк'э́тьнэ́ һьндө́р'е ба́жер, бу мь́лк'е Бьра́-  
 һи́м. <sup>19</sup>Пэ́й ве йа́кер'а Бьра́хим жьна́ хвэ́ Сэ́райи шкэ́фта  
 э́рде Махпела́йеда дэ́фьн кьр. Э́ва э́рда ль вэ́лате Кэ́-  
 нане́да<sup>Ф</sup> пешба́ри Ма́мре бу (а́ва готи́ ль һе́бронe). <sup>20</sup>Жь́  
 зар'ед һ'ити́йа э́в э́рд у шкэ́фта те́да, ча́ва мь́лк'е бо́на  
 го́р'ьста́н, а́һа гь́һиштэ́ Бьра́хим.

### Зэ́ваща́ И́сһа́қ

**24** Бьра́хим иди́ кал бь́бу у р'о́жед хвэ́ дэ́рбаз  
 кьрьбу́н. Хо́дан<sup>Ф</sup> һэр а́лийада́ сэр Бьра́химда́  
 ба́рандьбу́. <sup>2</sup>Һь́нге Бьра́хим готэ́ хо́ламе мала́ хвэ́да́йи  
 мэ́зьн, кө́ вэ́к'иле́ һ'э́му һэ́бука ви́ бу: «һиви́ дь́кьм,  
 дә́сте хвэ́ бь́кэ́ ль бь́н р'э́не һета́ мьн\*», <sup>3</sup>э́з тэ́ бь́ Хо́дан  
 дь́дьмэ́ сонде, кө́ Хвэ́де́йе э́рде у Хвэ́де́йе э́́змен э́,  
 вэ́ки те́ ко́р'е мь́нр'а жь́ қизед кэ́нанийа́ нэхвэ́зи, нава́  
 к'ижа́нада э́з дь́миньм. <sup>4</sup>Ле́ һэр'и́ вэ́лате мь́н, жь́ нава́  
 пь́сма́мти́йа мь́н қизэ́ке ко́р'е мь́н И́сһа́қр'а́ бини́». <sup>5</sup>Хо́лам  
 готе́: «Бэ́лки қизы́к нахвэ́зэ́ ль пэ́й мь́н бе ви́ вэ́лати, то́  
 дь́хвэ́зи кө́ э́з ко́р'е тэ́ вэ́гэр'иньмэ́ ви́ вэ́лате кө́ то́ же  
 дэ́рк'э́ти?» <sup>6</sup>Бьра́хим готэ́ ви́: «Һ'э́вза хвэ́ бь́ки кө́ ко́р'е  
 мь́н вэ́нэ́гэр'ини́ вь́р. <sup>7</sup>Хо́дан, Хвэ́де́йе э́́змен, йе́ кө́ э́з

\* 23:15, 16 А́ва готи́ незики́ 4 килогра́м у нив (гь́рани́йа ше́кьлэ́ки  
 12 гь́рам бу).

\* 24:2 Ни́шана бь́ р'ь́к'нь́йата́ хвэ́ сондхва́рьне́ йэ.

жъ мала баве мьн у жъ ви вэлате эз теда бьбум дэрхьст  
 ьм у т'эви мьн хэбэрда у мьнр'а сонд хвар гот: «Эзе ви  
 вэлати бьдьмэ зөр'эта тэ», эве мьлийак'эте хвэ пешийа  
 тэва бьшинэ у те жъ вьр қизе көр'е мьнр'а бини. <sup>8</sup> Ле һэ-  
 гэр қизьк нахвазэ кө ль пэй тэ бе, тө жъ ве сонда мьн  
 аза йи, т'эне көр'е мьн вэнэгэр'ини вьр». <sup>9</sup> Ђынге хөлам  
 дәсте хвэ кьрэ бьн р'эне һета ахайе хвэ Бьраһим у жъ  
 бэр ве йәкева сонд хвар.

<sup>10</sup> Хөлем жъ дэвәйед ахе хвэ дәһә дэвә бар кьрн. Чьмки  
 һ'эму хер-хьзна ахайе ви дәсте вида бу. Эв р'абу чу  
 Арам-Наһараиме\*, ви бажаре кө Нәһор дьма. <sup>11</sup> Эви  
 бәре еваре, ви вәхте кө қиз у бук дәрдьк'этын ав дык'ь-  
 шандьн, дэвә жъ бажер дәр бәр бирәке данә мәхәле, <sup>12</sup> у  
 гот: «Йа Хөдан, Хвәдейе ахайе мьн Бьраһим! Эз р'эща  
 дыкьм, те иро р'ийа мьн р'аст ки, ахайе мьн Бьраһимр'а  
 һ'өба хвәйә амьн бьдә к'ьфше. <sup>13</sup> Эзе ва ль сәр канийа  
 аве бьсәкьным у қиз-букед бьнәлийед ви бажари ве бе-  
 нә аве, <sup>14</sup> эз к'ижан қизер'а бежым: «К'эрәма хвә, щер'е  
 хвә дайнә эз аве вәхьым» у гава эв бежә: «К'эрәм кә  
 вәхвә у эз дэвәйед тә жи авдьм», бьра һәма эв жи бьбә  
 эв қиза кө тә бона хөламе хвә Ишақ к'ьфшкьри йә. У  
 бь ве йәке эз бьзаньбьм, кө тә ахайе мьнр'а һ'өба хвәйә  
 амьн да к'ьфше».

<sup>15</sup> Эви һәла һе хэбәрда хвә к'өта нәкьрьбу, Р'евека қиза  
 Бәт'уеле көр'е Милк'а жьна Нәһоре бьрайе Бьраһим щер'  
 ль сәр мьла һат. <sup>16</sup> Қизьк йәкә гәләки бәдәв у бьк'ьр бу,  
 дәсте мера һе ле нәк'этьбу. Эва бәржери сәр канийе бу,  
 щер'е хвә дагырт у һәвраз һьлк'ьшийа. <sup>17</sup> Хөлам бь ләз чу  
 пешийа ве у готе: «К'эрәма хвә, авәке жъ щер'е хвә нади  
 эз вәхьым?» <sup>18</sup> Эве гот: «Вәхвә, хвәйе мьн». У ләзә-ләз  
 щер' жъ сәр мьле хвә дани у даје кө вәхвә. <sup>19</sup> Гава эви

\* 24:10 Парәкә Мәсопотамийае.

ав т'ер вэхвар, кәч'ьке готе: «Әз аве дәвәйед тәр'а жи бь-к'ьшиньм, ван жи т'ер авдьм». <sup>20</sup>У пер'а-пер'а ава щер'да валайи к'өр'н кър, диса бәзи чу жь бире аве бьк'ьшинә, әве бона һ'әму дәвәйед ви ав к'ьшанд. <sup>21</sup>Әв мәр'ва ль сәр we әщербмайи мабу, қәт дәнг нәдькър, дьфькьри дьгот: гәло р'аст Хөдан р'ийа ви р'аст кьрийә, йан на.

<sup>22</sup>У гава һ'әму дәва ава хвә вэхварьн, һынге ви мәр'ви қәрәфиләкә зер'инә гьранийа нив шекьли\* у дө базьнед зер'инә гьранийа дәһә шекьли\* бона зәнде we данә we <sup>23</sup>у же пьрси: «Бь к'әрәма хвә бәжә, тө қиза к'е йи? Гәло мала баве тәда щи һәйә, кө әм шәва хвә дәрбаз кьн?» <sup>24</sup>Әве готә ви: «Әз қиза Бәт'уеле көр'е Милк'айа жьна Нәһор ьм». <sup>25</sup>Өса жи готе: «Шькър ка у гиһайе мә гәләк ә у щийе шәвмайина wә жи һәйә». <sup>26</sup>Һынге әв мәр'ва дәвәр'уйа чу у шькьри да Хөдан <sup>27</sup>у гот: «Шькър жь Хөдан, Хвәдеие Бьраһиме ахайе мьн, кө әви т'ела ахайе мьн жь һ'өб у амьнийа хвә нәбьр'и! Гава әзи р'еда бум, Хөдан бәре мьн да мала бьрайед ахайе мьн». <sup>28</sup>Қизьк р'әви чу у әв йәка мала дийа хвәда гьли кър.

<sup>29</sup>Бьраки Р'евакуе һәбу наве ви Лабан. Лабан хвә ль канийе гьрт, бәзи чу щәм ви мәр'ви, <sup>30</sup>чьмки әви қәрәфил у әв базьнед дәстед хушка хвәда дитьбун, өса жи әв гьликьрьна хушка хвә Р'евакуе бьһистьбу кө готьбу: «Әви мәр'ви т'әви мьн аһа хәбәр дайә», хвә ви мәр'вир'а гиһанд. Дина хвә дайе ва йә әв дәвәйед хвәва we һе ль сәр канийе йә. <sup>31</sup>У готә ви: «К'әрәм кә вәрә, бьмбарәке Хөдан! Тө чьма ль дәрва сәкьни йи? Мьн бона тә мал һазьр кьрийә у щи жи бона дәвәйед тә». <sup>32</sup>Әв мәр'ва чу һьндөр', Лабан барә дәва данин, ка у гиһа кьрә бәр ван, ав жи да кө ньгед ви у йед т'әви ви бенә шуштьн. <sup>33</sup>Паше нан данин ль бәр ви, ле әви гот:

\* 24:22 Гьранийа шекьләки 12 гьрам бу.

«Һ'эта эз нет-мэрэме хwэ гъли нэкъм, эз нен нахwъм». Готьне: «К'эрэм кэ бежэ».

<sup>34</sup>Һьнге эви гот: «Эз холаме Бьраһим ым. <sup>35</sup>Хөдан гэлэки ль сэр ахайе мында баранди йэ, эw буйэ йэки дэwлэ-мэнд, Хөдан гэлэк пэз у дэwар, зер' у зив, холам у щари, дэwэ у к'эр данэ wi. <sup>36</sup>Сэрайа жьна ахайе мын, пиртийа хwэда ахайе мынр'а көр'эк ани, эви һ'эму һэбука хwэ да wi көр'и. <sup>37</sup>Ахайе мын эз дамэ сонде гот: «Нэби-нэби кө тэ жь қизед кэнанийа, wэлате к'ижанада эз дьминьм көр'е мынр'а бьхwази. <sup>38</sup>Ле һэр'и нава олк'а мала баве мын у пьсмамед мын, қизе көр'е мынр'а бьхwази. <sup>39</sup>Һьнге мын готэ ахайе хwэ: «Бэлки қизьк нэхwазэ т'эви мын бе» <sup>40</sup>Эви готэ мын: «Эw Хөдане ль бэр ч'эве к'ижани кө эз р'ийа wiда р'аст дьчъм, we мыляк'эте<sup>Ф</sup> хwэ т'эви тэ р'е дайне у эwe р'ийа тэ р'аст кэ, те көр'е мынр'а жь нава пьсмамтийа мын у олк'а мала баве мын қизе бьхwази, <sup>41</sup>wи чахи те жь wi сонде кө мын тэ дайи сонде аза би, ле гава тэ һэр'и нава пьсмамтийа мын у эw қизе нэдьне тэ, тэ иди жь wi сонде хwэ аза йи».

<sup>42</sup>Эз иро һатъмэ ль сэр канийе у мын гот: «Йа Хөдан, Хwэдейе ахайе мын Бьраһиме! һэгэр эw р'ийа кө эз нь-һа теда дьчъм тэ р'аст дьки, <sup>43</sup>эзе ва ль сэр канийа аве бьсэкьным у гава қизэк бе аве бьк'ьшинэ у эз wer'а бе-жъм: «К'эрэма хwэ, жь wi щер'е хwэ һьнэк ав бьдэ эз вэхwъм», <sup>44</sup>у к'ижан кө бежэ: «Тэ вэхwэ у эз аве дэwэйед тэр'а жи бьк'ьшиньм», бьра һэма эw жи бьбэ эw қиза кө Хөдан бона көр'е ахайе мын к'ьфш кьрийэ».

<sup>45</sup>Хэбэрдан һе дэве мында бу, ньшкева Р'евека щер' ль сэр мыла һат, бэржер чу канийе ав к'ьшанд, һьнге мын готе: «К'эрэма хwэ авэке нади мын?» <sup>46</sup>Эwe лэзэ-лэз щер' жь сэр мыле хwэ дани у гот: «Вэхwэ у эз дэwэйе тэ жи авдъм», аwa мын вэхwар у эwe дэwэйед мын жи авдан. <sup>47</sup>Һьнге мын же пьрси: «Тэ қиза к'е йи?» Эwe гот: «Эз қиза Бэт'уеле көр'е Милк'а жьна Нэһор ым», мын дэрхьст

қэрәфил кърә поза у базьн жи кърьнә дәста. <sup>48</sup>Ви чахи эз та бум у дәвәр'уйа чум бәр Хөдан, шькьри да Хөдан Хвәдейе ахайе хвә Брахим, wәки р'ийа мьн р'аст кър, кө эз нәбийа\* бьрайе ахайе хвә көр'е wir'a бьхвазьм. <sup>49</sup>Ньһа мьнр'а бежьн: «Тәме wә һәйә кө һун һ'об у амьнийе ахайе мьнр'а бьдьнә к'ьфше, йан на?» һәгәр на, мьнр'а бежьн кө эз йан р'аст һәр'ьм, йан жи ч'әп».

<sup>50</sup>Лабан у Бәт'уел ле вәгәр'андьн у готьне: «Әв йәк жь Хөдан ә, әм нә қәнщ дькарьн бежьн, нә хьраб. <sup>51</sup>Ва йә Р'евека ль бәр тә йә, р'абә һьлдә у һәр'ә, бьра wәкә готьна Хөдан, әw бьбә жьна көр'е ахайе тә». <sup>52</sup>Гава хөламе Брахим хәбәрдана ван бьһист, һ'әта әрде дәвәр'уйа чу, сәре хвә ль бәр Хөдан дани. <sup>53</sup>Паше хөлем хьшьред зер', зив у к'ьнщ дәрхьстьн данә Р'евейкайе, хәлатед қимәтә бьһа жи данә бьре у дийа we. <sup>54</sup>Һьнге хөлем т'әви ван мәрвьед кө пер'а һатьбун, хварьн вәхварьн у шәва хвә ль wьр дәрбаз кърьн. Сьбәһе зу р'абун, хөлем гот: «Мьн вәр'екьнә щәм ахайе мьн». <sup>55</sup>Бьре у дийа кәч'ьке готьне: «Бьра кәч'ьк чәндәки, һәма дәһә р'ожа ль щәм мә бьминә, паше һәр'ьн». <sup>56</sup>Ле хөлем готә ван: «Мьн дәрәңги нәехьн, Хөдан кө р'ийа мьн р'аст кьрийә, бьһельн әз һәр'ьм бьгьһижьмә ахайе хвә». <sup>57</sup>Вана гот: «Әм гази кәч'ьке кьн у хәбәра дәве we бьзаньбьн». <sup>58</sup>Һьнге гази Р'евейкайе кьрьн у готьне: «Те т'әви ви мәрвьи һәр'и?» Әwe гот: «Бәле». <sup>59</sup>Әвана хушка хвә Р'евека, хвәйкьрийа we, хөламе Брахим у мәрвьед wi вәр'екьрьн. <sup>60</sup>Дөа ль Р'евейкайе кьрьн у готьне:

«Хушка мә, тө бьби дийа һ'әзар-һ'әзара  
у зөр'әта тә бажаред нәйаред хвә  
зәфти хвә кьн».

<sup>61</sup>Р'евека у щарийед we р'абун, ль дәва сийар бун у ль пәй wi мәрвьи чун. Хөлем Р'евека һьлда у чу.

\* 24:48 Хәбәр бь хәбәр «қиз».



<sup>62</sup>Ишаq жь Бир-Лахай-Рои вэгэр'ийабу дьһат, чьмки эw ль НэщэфеФ дьма. <sup>63</sup>Ишаq бэре еваре дэрк'этьбу чо-ле к'этьбу нава мьтала, сэре хwэ бьльнд кьр, дина хwэ дайе, ва йэ дэвэ тен. <sup>64</sup>Р'евакуае кө сэре хwэ бьльнд кьр Ишаq дит, жь дэве пэйа бу. <sup>65</sup>У жь хөлем пьрси: «Эw мэ-рьве дэштедайи кө бэр бь мэ те, эw к'и йэ?» Хөлем готе: «Ахайе мьн э» У эве хелийа хwэ һьлда авитэ ль сэр хwэ. <sup>66</sup>Хөлем һэр тьштед кө wi кьрьбун Ишаqр'а гьли кьрьн. <sup>67</sup>Ишаq Р'евакуа бьрэ коне дийа хwэ Сэрайе, эw станд у эw бу кэванийа wi. Эwi эw һ'эз кьр. У барьстани к'этэ дьла, ль пэй мьрна дийа wir'а.

### Зөр'эта Бьраһимэ майин

**25** Бьраһим жьнэк жи станд, наве we Qьтура. <sup>2</sup>Эве эв көр' Зимран, Йоqшан, Мьдан, Мьдйан, Ишбаq у Шуах жер'а анин. <sup>3</sup>Йоqшанр'а Шьба у Дедан бун. Деданр'а ашури, льтуши у льуми бун. <sup>4</sup>Мьдйанр'а Эйфа, Эфэр, һэ-нох, Абида у Элдаһа бун. Эв һ'эму жи зар'ед Qьтурайе бун.

<sup>5</sup>Бьраһим һ'эму һэбука хwэ да Ишаq. <sup>6</sup>Ле п'ешк'еш данэ көр'ед щарийайэ жь wi у сахийа хwэда эw жь көр'е хwэ Ишаq дур хьстьн, бэре ванда р'оһьлате, эw шандьнэ алийе wэлатед р'оһьлате.

### Мьрн у дэфьнкьрна Бьраһим

<sup>7</sup>Р'ожед эмьре Бьраһимэ кө wi дэрбаз кьрьн, сэд һ'эф-те пенщ сал бун. <sup>8</sup>Бьраһим бу калэки эхтйар, жь эмьре хwэ т'ербуйи, р'оһ'е хwэ да у мьр, чу гьһиштэ щьмэ'та хwэ. <sup>9</sup>Көр'ед wi Ишаq у Исмайил, баве хwэ, шкэфта Махпелайейэ эрде Эфроне көр'е Сохаре һ'итида дэфьн кьрьн, йа кө пешбэри Мамре бу, <sup>10</sup>wи эр'дида, к'ижан кө Бьраһим жь зар'ед һ'итийа к'ьр'и бу. Ль wьр Бьраһим у жьна wi Сэрайи һатьнэ дэфьн кьрьне.

<sup>11</sup>Ль пэй мьрна Бьраһимр'а, Хwэде дөа көр'е wi Ис-һаq кьр. Ишаq незики Бир-Лахай-Роийе щи-вар бу, ма.

**Р'ьк'ьнийата Исмайил**

<sup>12</sup>Эв э сэрэщэма р'ьк'ьнийата Исмайиле көр'е Бьраһим, кө щарийа Сэрайийә һащэра мьсьри Бьраһимр'а ани. <sup>13</sup>Наве көр'ед Исмайил эв ын, бь навед хwэ у р'ьк'ьнийата хwэва. Ньхөрийе Исмайил Небайот бу, пәйр'а Qедар, Адбел, Мибсам, <sup>14</sup>Мишма, Дума, Масса, <sup>15</sup>Хадад, Тема, Йәтур, Нафиш у Qедьма бун. <sup>16</sup>Эв ын көр'ед Исмайил у навед ван, щи-варед хwэ у конед хwэва. Эвана ль гора ел-әширед хwэва донздәһ мир бун. <sup>17</sup>Салед ә'мьре Исмайил сэд си у һ'әфт сал бун у р'өһ'е хwэ да мьр, т'әви щьмә'та хwэ бу. <sup>18</sup>Исмайилийа жь һ'авилайе гьрти һ'әта Шуре щи-вар бун, кө пешбәри Мьсьре, ль сәр р'ийа кө дьчә Ашурйа. Эвана ль бәр ч'ә'ве һ'әму бьрайед хwэ щи-вар бун, әв ащьз кьрын.

**Буйина Әсау у Ақуб**

<sup>19</sup>Эв э сәрһатийа р'ьк'ьнийата кө пәй Ишаqе Бьраһим к'әт. Бьраһимр'а Ишаq бу. <sup>20</sup>Ишаq кө бу чьл сали, қиза Бәт'уеле арамиФ, жь Паддан-Араме\* Р'евека станд, хушка Лабане арами. <sup>21</sup>Ишаq бона жьна хwэ лава-диләк жь Хөдан кьрын, чьмки әве зар' нәданин. Хөдан дәнге wi бьһист, жьна wi Р'евека һ'әмлә дәрк'әт. <sup>22</sup>Көр'ә һе бәт'ьне веда бун һәвдөр'а шәр' дькьрын, һьнге әве гот: «Эв чь һатә сәре мьн?» У чу кө жь Хөдан бьпьрсә.

<sup>23</sup>Хөдан готә we:

«Бәт'ьне тәда дө мьләт һәнә,  
у жь бәдәна тә, дө щьмә'те жь һәв щьһе бьн,  
щьмә'тәке жь щьмә'та дьн қәваттьр бә.  
У йе мәзын we хөламтийе йе бьч'ук бькә».

\* 25:20 П'арәкә Мәсопотамийә.

<sup>24</sup>У гава р'ожа буйина ван пер'а гъишт, ва йэ эw ще-  
ви бун бэт'не веда. <sup>25</sup>Йе пешьн кө бу, йэки сори пьр'ч'  
бу мина к'өрк, наве ви Эсаw\* данин. <sup>26</sup>Пэй wir'а, бьре  
ви бу, дэст авити пэнийа Эсаw гърти, у наве ви данин  
Ақуб\*. һынге Ишаq шест сали бу, гава Р'евета эw анин.

<sup>27</sup>Эw зар' мэзын бун, Эсаw бу мэрвэки холе, неч'ирванийеда  
йэки жири сэрхwэ. Ле Ақуб мэрвэки дурэшэр' у жь  
кона қэт дэрнэдьк'эт. <sup>28</sup>Ишаq Эсаw һ'ыз дькър, чьмки  
эви неч'иред ви дьхварьн, ле Р'еветайе Ақуб һ'ыз дькър.

### Эсаw ньхөртийа хwэ дьфьрошэ

<sup>29</sup>Щарэке Ақуб шорбэ чедькър, Эсаw жь холе к'эсьри һат.  
<sup>30</sup>Эwi готэ Ақуб: «Бькэ қәнщи, жь we шорба бэрк'элейэ  
сор, мынр'а дагьрэ эз бьхwьм, дьле мын хава дьчэ». Лэма  
жи wir'а готьн: «Эдом\*». <sup>31</sup>Ле Ақуб готэ wi: «К'а ньһа  
ньхөртийа хwэ бьфьрошэ мын». <sup>32</sup>Һынге Эсаw гот: «Эз ва  
дьмьрьм, к'ара мын чь ньхөртийеда һэйэ?» <sup>33</sup>Ақуб готе:  
«Дэ ньһа дэсте мында сонд бьхwэ». Эwi дэсте вида сонд  
хвар у ньхөртийа хwэ фьротэ Ақуб. <sup>34</sup>Һынге Ақуб нан у  
шорба ниська да Эсаw, эwi хвар у вэхвар, р'абу чу. Бь  
ви авайи Эсаw ньхөртийа хwэ беһөрмэт кър.

### Ишаq Герареда дьминэ

**26** Ль wэлетда, ль сэр we хэлайа кө һена Бьраһим-  
да бьбу, хэлайикэ дьн бу, Ишаq чу Гераре щэм  
п'адше фьльстинийа Абимэлэх. <sup>2</sup>Хөдан wива хөйа бу  
у готе: «Бэржери Мьсьре нэбэ, wi wэлатида бьминэ,  
к'ижани эзе нишани тэ кьм. <sup>3</sup>Ви wэлатида хэрибийеда  
бьминэ, эзе т'эви тэ бьм у дөа ль тэ бькьм. Чьмки эзе  
т'эмамыйа ван wэлата бьдьмэ тэ у зөр'эта тэ у we сонда

\* 25:25 Бь зьмане ибрани мина сэwта хэбэра «Пьр'ч'».

\* 25:26 Бь зьмане ибрани «Пэ'нигьрти» йан «Һ'лэк'ар».

\* 25:30 Бь зьмане ибрани «Сор».

хвә, йа кө мьн баве тә Бьраһимр'а сонд хварийә, бинь-мә сери. <sup>4</sup>Әзе зөр'әта тә вәкә стәйркед әзмен зедә кьм у т'әмамийа ван вәлата бьдмә зөр'әта тә у бь зөр'әта тә we дөа ль һ'әму мьләтед дьнйайе бьбә. <sup>5</sup>Чьмки Бьраһим гөһдарийа дәнге мьн кьр, фәрманед мьн, т'әмийед мьн, әрф-әдәтед мьн у һинкьрьнед мьн қәдандьн».

<sup>6</sup>Ишақ Герареда щи-вар бу. <sup>7</sup>Бьнәлийед ви щийи кө пьрса жьна ви Р'евекайе же кьрьн, әви гот: «Хушка мьн ә». Чьмки әв тьрсийа кө ви бьгота: «Жьна мьн ә», дьгот: «Нәбә р'уйе Р'евекайе да мьн бькөжьн, чьмки Р'евека бәрбьч'әвә бәдәw бу». <sup>8</sup>У гава әw вәдәки дьреж ль вьр ма, п'адше фьльстинийа Абимәләх р'ожәке п'әнщәрер'а дина хвә дайе, we Ишақ т'әви жьна хвә Р'евекайе к'еф-һ'әнәк дькьрьн. <sup>9</sup>Һьнге Абимәләх гази Ишақ кьр у готе: «К'ьфш ә, кө әва жьна тә йә, тә чьма гот: «Әва хушка мьн ә?»» Ишақ ле вәгәр'анд у готе: «Мьн гот, кө нәбә р'уйе weда әз бемә көштьне». <sup>10</sup>Һьнге Абимәләх готе: «Әв тә чь дани ль сәре мә? һьндьк мабу кө жь нава щьмә'те йәки дәст бавита жьна тә у гөнә бьк'әта стуйе мә». <sup>11</sup>Абимәләх т'әми да т'әмамийа щьмә'та хвә у гот: «К'е қәдьре ви мәрьви, йан жьна ви к'әвә, we әсә бе көштьне».

<sup>12</sup>Ишақ ви вәлатида әрде хвә р'әшанд, Хөдан сәрда баранд, әви we сале сәд щар бәр һьлда. <sup>13</sup>Әви хвә р'ьнд гьрт, чьқас дьчу хвә дьгьрт у өса пешда дьчу, кө әви готьна тә хвә гьрт. <sup>14</sup>Бу хвәйе кәри у гар'анед пез-девер у гәләк хөламед ви һәбун, фьльстинийа<sup>Ф</sup> һ'әвсудийа ви кьрьн. <sup>15</sup>Һ'әму әw биред кө һена баве вида, хөламед баве ви Бьраһим вәдабун, фьльстинийа хьгьмандьн, т'ьжи хвәли кьрьн. <sup>16</sup>Абимәләх готә Ишақ: «Бьһелә жь мә дур к'әвә һәр'ә, чьмки тө жь мә дәрбазтьр буйи». <sup>17</sup>Ишақ жь вьр к'оч' кьр чу, конед хвә дәшта Герареда данин у ль вьр ма.

<sup>18</sup>Ишақ диса әw бир вәдан, йед кө һена баве ви Бьраһимда һатьбунә вәдане, к'ижан кө пәй мьрьна Бьраһимр'а

фьльстинийа т'џжи кърьбун, әви диса әw навед баве хwә данинә ль сәр ван. <sup>19</sup>Хөламед Ишаq we дәштеда вәдан, р'асти ава канийе һатън. <sup>20</sup>Шьванед Гераре т'әви шьванед Ишаq шәр' дькърьн, дьготън: «Әва ава мә йә». Ләма наве we бире дани Ә'сеq\*, чьмки бона we бире шәр' кърьн. <sup>21</sup>Бирәкә дьн вәдан, ль сәр we жи шәр' кърьн, наве we дани Ситна\*. <sup>22</sup>Әw жь вьр чу, бирәкә дьн вәда, ль сәр we шәр' нәкърьн, һынге әви наве we дани Р'әһ'обот\* у гот: «Чьмки Хөдан әм дәрхьстьнә фьреқәтийе у әме ль сәр ви әрди зедә бьн».

<sup>23</sup>Жь вьр жи Ишаq һәвраз чу Бир-Шевайе. <sup>24</sup>We шә-ве Хөдан вива хөйа бу у готә wi: «Әз Хwәдейе баве тә Бьраһим ьм, нәтърсә, чьмки әз т'әви тә мә, бона хатьре хөламе хwә Бьраһим, әзе дөа ль тә бькьм у зөр'әта та зедә кьм». <sup>25</sup>Ишаq ль вьр горигәһәк чекьр, гази наве Хөдан кьр. Конә хwә ль вьр вәгьрт, хөламед wi ль вьр жи бирәк к'олан.

### ПәйманаФ Ишаq у Абимәләх

<sup>26</sup>Wi чахи, Абимәләх бь т'әви ширәтк'аре хwә Аһузат' у сәрәскәре хwә Пихол жь Гераре чунә щәм Ишаq. <sup>27</sup>Ишаq готә ван: «Һун бона чь һатънә щәм мьн, нә wә жәнандә мьн у бәри мьн да, әз жь хwә дур хьстьм?» <sup>28</sup>Вана гот: «Әм баш дьбиньн кө Хөдан т'әви тә йә, ләма мә гот: «Әм у тә дәсте һәвда сонд бьхwi у т'әви тә пәймане гьредьн, <sup>29</sup>wәки тә хьрабийе ль мә нәки, чава кө мә дәст нәдайә тә, пештьри қәнцийе, өса жи мә тә сах-сьламәт вәр'екьр и, жь иро шунда тә бьмбарәке Хөдан и». <sup>30</sup>Һынге Ишаq ванр'а мәсрәфәк дани, вана хвар-вәхвар. <sup>31</sup>Сьбәһе зу р'абун, дәсте һәвда сонд хварьн, Ишаq әw вәр'екьрьн.

\* 26:20 Бь зьмане ибрани «Шәр'».

\* 26:21 Бь зьмане ибрани «Нәйарти».

\* 26:22 Бь зьмане ибрани «Фьреқәти».

Эвана бь дьле р'ьһ'эт жь щэм ви чун. <sup>32</sup>Һама we р'оже жи, хөламед Ишаq һатын бона we бира кө вэддан шаб дане у готьне: «Мэ ав дит». <sup>33</sup>Эви наве we Шива\* дани. Бона ве йэк жи наве ви бажари һ'эта ньһа Бир-Шева\*\* йэ.

### Жьнед Эсауэ нэ жь мьлэте ви

<sup>34</sup>Эсау чьл сали бу, гава ви Йеһудита қиза Берийе һ'ити у Басмэт'а Ейлоне һ'ити стандьн. <sup>35</sup>Эвана бунэ көла дьле Ишаq у Р'евакуае.

### Ақуб дөайе п'ара Эсау жь Ишаq дьстинэ

**27** Гава Ишаq кал бу у р'онайа ч'эвада мэр'ым бу, эви гази көр'е хвэйи мэзын Эсау кьр у готе: «Лауо!» Эви гот: «Эз ва мэ, баво!» <sup>2</sup>Ишаq готе: «Эзи ва кал бумэ, ньзаньм к'ижан р'оже эзе бьмьр'ым. <sup>3</sup>Ньһа ч'эке хвэ, тир у кэване хвэ һьлдэ дэре чоле, неч'ирэке бона мьн бькэ у <sup>4</sup>хварьна хвэшэ кө эз же һ'ыз дькьм, бона мьн чекэ бинэ эз бьхвьм, кө бэри мьр'на хвэ эз дөа ль тэ бькьм». <sup>5</sup>Р'евакуае дьбьһист, гава Ишаq эв йэк көр'е хвэ Эсаур'а дьгот. Гава Эсау чу чоле неч'ире бькэ бинэ, <sup>6</sup>Р'евакуае готэ көр'е хвэ Ақуб: «Мьн һежа бьһист, кө баве тэ чава т'эви бьре тэ Эсау хэбэрда у гот: <sup>7</sup>Неч'ирэке мьнр'а бинэ, пе хварьнэкэ хвэш чекэ, кө эз бьхвьм у бэри мьр'на хвэ, ль бэр Хөдан дөа ль тэ бькьм», <sup>8</sup>Ньһа бьбьһе лауо, гөһе хвэ бьдэ сэр мьн, эз чь тэр'а дьбежьм бькэ. <sup>9</sup>Р'абэ һэр'э нава кери, мьнр'а дө каред бьзьнайэ р'ьнд бинэ у эз пе ван баве тэр'а we хварьна хвэшэ кө эв же һ'ыз дькэ чекьм, <sup>10</sup>тө жи бьбэ бьдэ баве хвэ, кө эв бьхвэ у бэри мьр'на хвэ дөа ль тэ бькэ». <sup>11</sup>Ақуб готэ дийа хвэ Р'евакуае: «Эсауе бьре мьн йэки пьр'ч' э, эзи р'ути нэпьр'ч' ьм, <sup>12</sup>бэлки баве мьн бь дэста мьн

\* 26:33 Бь зьмане ибрани «Сонд» йан «һ'эфт».

\*\* 26:33 Бь зьмане ибрани «Бира Сонде» йан «Бира һ'эфта».

бьп'элинэ, эз бэр ч'эве ви дэрэw дэрем, һынге эзе ль сэр хwэдa ньфьр'е биньм нэ кö дöайе». <sup>13</sup> Де готе: «Лawo! Эw ньфьр'а бьра ль сэр мьнда бе, г'эне тö гөр'а мьн бькэ, һэр'э кара бинэ». <sup>14</sup> Аqуб чу кар анин данэ дийа хwэ. Де пе wан эw хварьна хwэшэ кö баве ви же һ'эз дькьр чекьр. <sup>15</sup> Р'еvекайе к'ьнща Эсаwе р'ьнд, йа көр'е хwэйи мэзын, кö малда ль щэм we бу, һьлда ль көр'е хwэйи бьч'ук Аqуб кьр, <sup>16</sup> у п'осте кара жи авитэ ль сэр дэста у стököра вийэ р'утэ нэпьр'ч', <sup>17</sup> хварьна хwэшэ чекьри, нане кö лехьстьбу да дэсте көр'е хwэ Аqуб.

<sup>18</sup> Аqуб чу щэм баве хwэ у гот: «Баво!». Эwi гот: «Эз ва мэ, тö к'и йи лawo?» <sup>19</sup> Аqуб готэ баве хwэ: «Эз ньхö-рийе тэ Эсаw ьм, тэ чаwа мьнр'а гот, мьн öса жи кьр, к'эрэм кэ, р'абэ р'уни неч'ира мьн бьхwэ у дöа ль мьн бькэ». <sup>20</sup> Ишаq готэ көр'е хwэ: «Тэ чаwа öса зу неч'ир дит, лawo?» Аqуб готе: «Хöдан, Хwэдейе тэ неч'ир р'асти мьн ани». <sup>21</sup> Ишаq готэ Аqуб: «Незик wэрэ, эз бь дэста тэ бьп'элиньм, лawo, һэла к'а тö көр'е мьн Эсаw и, йан на?» <sup>22</sup> Аqуб незики баве хwэ бу, баве бь дэста эw п'эланд у готе: «Дэнг дэнге Аqуб э, ле дэст дэстед Эсаw ьн». <sup>23</sup> Эwi те дэрнэхьст к'ижан э, чьмки дэстед ви жи мина дэстед бьре ви Эсаw пьр'ч' бун, һынге дöа ль ви кьр <sup>24</sup> у готе: «Тö р'аст көр'е мьн Эсаw и?» эwi гот: «Эз ьм». <sup>25</sup> Баве готе: «К'а бьдэ неч'ира көр'е хwэ эз бьхwьм, wэки дöа ль тэ бькьм». Аqуб дайе, эwi хвар, шэраб жи ани дайе эwi вэхвар. <sup>26</sup> Баве ви Ишаq готе: «Ньһа wэрэ незик у мьн р'амусэ, лawo». <sup>27</sup> Аqуб чу незик, бав р'амуса. Ишаq к'ьнще ви бин кьр, дöа ль ви кьр у гот:

«Ва йэ бина көр'е мьн,

мина бина мерга Хöдан дöа ле кьри йэ.

<sup>28</sup> Бьра Хwэде жь qьр'авийа э'змен,

у жь qьнийата э'рде,

гэньм у шэрабеда тэ хьне кэ.

<sup>29</sup> Бьра мьлэт тэр'а хöламтийе бькьн,

щъмэ'т жи ль бэр тэ дэвэр'уйа һэр'һн.  
 Тө бьби ахе бьратийа хwэ,  
 зар'ед дийа тэ жи ль бэр тэ дэвэр'уйа һэр'һн.  
 Йе ньфьр'а ль тэ бькэ, ньфьр' ль ви бэ,  
 йе дөа ль тэ бькэ, дөа ль ви бэ».

<sup>30</sup>Гава Ишаq дөа Аqуб кьр хьлаз кьр у эw гавэк бу кө эw жь баве хwэ Ишаq дур к'этьбу, бьре ви Эсаw жь неч'ире һат. <sup>31</sup>Эви жи хварьна хwэш чекьр, ани да баве хwэ у гот: «Дэ бьра баве мьн р'абэ у жь неч'ира көр'е хwэ бьхwэ, wэки дөа ль мьн бькэ». <sup>32</sup>Баве ви Ишаq готэ ви: «Тө к'и йи?» Эви гот: «Эз көр'е тэ, ньхөрийе тэ, Эсаw ьм». <sup>33</sup>Ишаq бь хофэкэ мэзын ль сэр һэвда лэрзыи у гот: «Эwe кө неч'ир кьр у ани да мьн эw к'и бу? Мьн бэри һатьна тэ, жь wан һ'эмуйа хвар у дөа ль ви кьр. Эwe жи дөакьри бэ». <sup>34</sup>Гава Эсаw эв готьнед баве хwэ бьһистьн, кур'ин к'эте, к'эсэр-к'эсэр гьрийа у готэ баве хwэ: «Мьн жи баво! Дөа ль мьн жи бькэ!» <sup>35</sup>Баве готе: «Бьре тэ һат бь һ'ьлэк'арийе дөайе п'ара тэ һьлданэ ль сэр хwэ». <sup>36</sup>Эсаw гот: «Лэма наве ви данэнинэ Аqуб! \* Эва дө щарэ эw ньг дьдэ бэр мьн һэqе ньхөртия мьн жь мьн станд у ньһа жи дөайе п'ара мьн жь мьн станд». У дьгот: «Тэ qэт бона мьн дөа нэһьштийэ?» <sup>37</sup>һьнге Ишаq ль Эсаw вэгэр'анд у готе: «Ва йэ мьн эw кьрэ ахайе тэ, у һ'эму бьратийа ви жи wir'а кьрьнэ хөлам, гэньм у шэрабева жи эw хьне кьрьн. Иди ньһа эз тэ чава бькьм лаво». <sup>38</sup>Эсаw готэ баве хwэ: «Баво! Гэло һэма дөаки тэ т'эне һэбу? Мьн жи баво! Дөа ль мьн жи бькэ!» Эсаw кур'э-кур' дани гьрийа.

<sup>39</sup>һьнге Ишаqе баве ви ль ви вэгэр'анд у готе:  
 «Аwa те идара хwэ жь qьнийата э'рде  
 у qьр'авийа э'змен бьки.

\* 27:36 Бьньһер'э Дэстпелун 25:26.



<sup>40</sup> Идара тэ бь шуре тэ бэ,  
хёламтийе бьре хвэр'а бьки,  
у вэхт жи кё бе, гава тó жь ве йёкеда сэри һьлди,  
нире ви жь стуйе хвэ бавежи».

<sup>41</sup> У бона ви дóайе кó баве дóа бьре ви кьрьбу, Ақуб жь бэр ч'эве Әсау к'этыбу у дьле хвэда дьгот: «Р'ожед шина баве мьн незик бунэ, эзе пэйр'а бьре хвэ Ақуб бькóжьм». <sup>42</sup> Әв готьнед Әсауэ кóре Р'евакуайеий мэзын, гиһандьнэ ве. Әве жи шанд гази кóре хвэйи бьч'ук Ақуб кьр у готе: «Ва йэ Әсауе бьре тэ, гэф ль тэ хварийэ, вэки тэ бькóжэ. <sup>43</sup> Ньһа бьбьһе лауо эз чь тэр'а дьбежьм, р'абэ бьр'эвэ һэр'э һ'аране, бьгьһижэ бьре мьн Лабан, <sup>44</sup> вэ'дэки ль щэм ви бьминэ, һ'эта һерса бьре тэ датинэ. <sup>45</sup> Гава һерса бьре тэ дайнэ у эв кьрна кó тэ ль сэре ви кьрийэ бир бькэ, паше эзе һынге бышиньмэ пэй тэ, тэ жь вьр биньм, чьма нава р'ожэкеда эз вэ һэр дóйа онда кьм?»

### Исһақ Ақуб дьшинэ щэм хале ви Лабан

<sup>46</sup> Паше Р'евакуайе готэ Исһақ: «Р'уйе ван қизед һ'итиада, эз жь ә'мьре хвэ т'ер бумэ, һэгэр Ақуб жи қизед һ'итийайэ мина ванэ ви вэлати бьстинэ, иди эз чьма дьжим?»

**28** һынге Исһақ гази Ақуб кьр, дóа ль ви кьр, т'эми да ви у гот: «Қизед кэнани<sup>Ф</sup> нэстини. <sup>2</sup> Ле р'абэ һэр'э Паддан-Араме, мала баве дийа хвэ Бэт'уел у жь вьр жь қизед хале хвэ Лабан, қизе хвэр'а бьхвазэ. <sup>3</sup> У бьра Хвэдеие һэри Зор тэ бэрэк'эт кэ, тэ шин кэ у ль һэв зедэ кэ, жь тэ мьхóлқэт пешда бен. <sup>4</sup> Дэ бьра эв хер-бэрэк'эта сэр Бьраһим ль сэр тэ у зóр'эта тэда бьбаринэ, вэки эв вэлате кó тэ теда хэриби дэрбаз кьрийэ, бьбэ мьлк'е тэ, к'ижан кó Хвэде дабу Бьраһим». <sup>5</sup> Исһақ Ақуб шанд, эв чу Паддан-Араме щэм хале хвэ Лабане кóре Бэт'уеле арами\*.

\* 28:5 Ибрани хэбэр бь хэбэр: «Щэм Лабане кóре Бэт'уеле арами, бьре Р'евакуа дийа Ақуб у Әсау».

### Эсау қиза Исмайил дьстинэ

<sup>6</sup> Эсау дит кө Ишақ дөа Ақуб кър у эв шандэ Паддан-Араме, кө жь вьр хвэр'а қизе бьхвазэ, дэма кө дөа ви дькър, т'эми да ви у гот: «Жь қизед кэнанийа хвэр'а нэхвази», <sup>7</sup> Ақуб жи гөр'а де у баве хвэ кър, чу Паддан-Араме. <sup>8</sup> Эсау к'ьфш кър, кө Ишақе баве ви қизед кэнанийа бэгэм накэ, <sup>9</sup> һынге Эсау чу щэм Исмайил у қиза Исмайиле көр'е Брахим, Маһ'алата хушка Небайот хвэр'а хвэст, ани сэр жьнед хвэ.

### Хэвна Ақуб

<sup>10</sup> Ақуб жь Бир-Шевайе дэрк'эт, чу бэр бь һ'аране. <sup>11</sup> Эв гьһиштэ щики, р'о ле чу ава, эви кэвьрэки ван дэра һьлда дани бэр сэре хвэ у ль ви щийи п'алда р'аза, шэва хвэ ль вьр дэрбаз кър. <sup>12</sup> Эви хэвнэк дит, дина хвэ дайе we п'епэлингэк сэр э'рде данийэ у сэре we гьһиштийэ э'змен. У ва йэ мьлйак'этед Хвэде сэр wer'а һьлдк'ьшийан у пэяа дьбун. <sup>13</sup> У ава Хөдан сэр wir'а сэкьнибу у дьгот: «Эз Хөдан Хвэдейе кал-баве тэ Брахим у Хвэдейе Ишақ ьм. Эзе ви э'рде кө тэ ль сэр п'алдайэ бьдьмэ тэ у зөр'эта тэ. <sup>14</sup> Зөр'эта тэе вэкэ т'оза э'рде зедэ бэ, we бэрбь р'оһьлат у р'оавайе, бакөр у башуре бэла бэ. Бь тэ у зөр'эта тэ we дөа ль һ'эму бэрэкед дьнийае бьбэ. <sup>15</sup> Ава эз т'эви тэ мә, тө к'өда жи һэр'и эзе тэ хвэйи кьм у тэ диса вэгэр'иньмэ ви вэлати. Чьмки эз жь тэ дур нак'эвьм, һ'эта кө эв тыште мьн тэр'а готийэ нэйньмэ сери». <sup>16</sup> Ақуб жь хэва хвэ һ'ьшйар бу у гот: «Р'асти Хөдан ль вьр э, ле мьн ньзаньбу!» <sup>17</sup> һынге эв тьрсийа у гот: «Эв дэр чьқаси сау э! Эв тыштэки дьн нинэ, ле мала Хвэде йэ у дэр-гәһе э'змана йэ».

<sup>18</sup> Ақуб сьбәһе зу р'абу, эв кэвьре бэр сэре хвэ һьлда һ'эйкэл да сэкьнандьне бь р'ун кельк р'ун кър. <sup>19</sup> Наве

ви щийи дани «Бет'-Ел\*», ле бәре наве ви бажари Луз бу. <sup>20</sup>Һынге Ақуб ад-қырар кыр у гот: «Һәгәр Хвәде т'әви мьн бә у ве р'ейеда мьн хвәй кә, йа кә эз теда дьчъм, өса жи нане хварьна мьн у к'ьнща ль хвәкьрьна мьн бьдә, <sup>21</sup>у сах-сьламәт вәгәр'ьмә мала баве хвә, бьра Хөдан бьбә Хвәде мьн, <sup>22</sup>у әв кәвьре кә мьн чава һ'әйкәл да сәкьнандьне жи бьбә мала Хвәде. У жь һәр тыштед кә тә бьди мьн, әзе р'аст жь дәһа\* йәки бьдьм тә».

### Ақуб р'асти Р'аһеле те

**29** Ақуб р'абу чу вәлате щьмә'тед ль р'оһьлате. <sup>2</sup>Дәштеда әв р'асти бирәке һат, дина хвә дайе ва йә се кәри пәз доре мәхәл ьн, чьмки жь ве бире пәз дьһатә авдане. Кәвьрәки мәзьн жи ль сәр дәве бире бу. <sup>3</sup>Чахе һәр кәрийед пез ль вьр т'оп дьбун, һынге кәвьре дәве бире хол дькьрьн, пәзе хвә ав дьдан, кәвьр диса дьданә ль сәр дәве бире.

<sup>4</sup>Ақуб готә ван: «Гәли бьра һун жь к'ө нә?» Вана ле вәгәр'анд: «Әм жь һ'аране нә». <sup>5</sup>Әви диса готә ван: «Һун Лабане кәр'е Нәһор нас дькьн?» Әвана гот: «Әм нас дькьн». <sup>6</sup>Әви готә ван: «Әв сах-сьламәт ә?» У вана гот: «Сахи-сьламәт ә, ва йә Р'аһела қиза ви т'әви пез те». <sup>7</sup>Һынге ви гот: «Һе р'ож гәләк майә, нә вәхт ә кәри т'оп бьн, пәзе хвә авдьн, бьбьн бьч'ериньн». <sup>8</sup>Ле вана гот: «Әм нькарьн, һ'әта һ'әму кәрийед пез т'оп нәбьн, әм һынге бь һәвр'а кәвьре ль сәр дәве бире хол дькьн, пез ав дьдьн».

<sup>9</sup>Әви һе т'әви ван хәбәр дьда, Р'аһел бь т'әви пәзе баве хвә һат, чьмки әве шьванти дькьр. <sup>10</sup>Гава Ақуб ч'әв Р'аһела қизхал у пәзе хале хвә Лабан к'әт, чу кәвьр жь дәве бире хол кыр у пәзе хале хвә Лабан авда. <sup>11</sup>Һынге

\* 28:19 Бь зьмане ибрани «Мала Хвәде».

\* 28:22 Бьньһер'ә Қануна Дөщари 14.22-29; 26.12-15.

Ақуб чу р'уйе Р'аһеле, кур'ин к'эте гьрийа. <sup>12</sup> Паше Ақуб готэ Р'аһеле кө эw пьсмаме баве we йэ, көр'е Р'евекайе йэ. Эwa жи р'эви чу баве хwэр'а гьли кьр.

<sup>13</sup> Гава Лабан эв мьзгинийа һатна көр'е хушка хwэ Ақуб бьһист, р'эви чу пешийа wi. Эw һ'эмез кьр, чу р'уйе wi у эw бьрэ мала хwэ. Ақуб жи эв йэк гьшк Лабанр'а гьли кьр. <sup>14</sup> Лабан готэ wi: «Тө р'аст жь хун у қьнета мьн и!» Ақуб т'эмамийа мәһәке щәм wi ма.

### Хөламтийа Ақубэ бона Леае у Р'аһеле

<sup>15</sup> Пәй ван йәкара, Лабан готэ Ақуб: «Зә'ф жи тө пьсмаме мьн и, гәрәке беһәқ мьнр'а хөламтийе бьки? Мьнр'а бежә, һәқе тә чи йә?» <sup>16</sup> Дө қизед Лабан һәбун. Наве йа мэзын Леа у наве йа бьч'ук Р'аһел бу. <sup>17</sup> Леа ч'эвада назьк\* бу, ле Р'аһел бәжын-бале у сьфәтда хас у бәдәw бу. <sup>18</sup> Дьле Ақуб к'этэ Р'аһеле у гот: «Эз бона қиза тәйә бьч'ук Р'аһеле һ'әфт сала тәр'а хөламтийе бькьм». <sup>19</sup> Лабан гот: «Йа п'акә эз we бьдьмә тә, нә кө бьдьмә мәрвьәки дьн. Щәм мьн бьминә». <sup>20</sup> Ақуб һ'әфт сала бона Р'аһеле хөламти кьр. Бәр ч'әве wi мина чәнд р'ожа дәрбаз бун, һақаси же һ'эз дькьр. <sup>21</sup> һьнге Ақуб готэ Лабан: «К'а дәрғистийа мьн бьдә мьн, чьмки р'ожед мьн т'эмам бунә, кө эз һә-р'ьмә щәм we». <sup>22</sup> Лабан мәрсрәфәк дани, һ'әму мәрвьед we дәрә щьвандьн. <sup>23</sup> Ле гава бу евар қиза хwэ Леа бьр да Ақуб, әви сәрә хwэ wer'а дани. <sup>24</sup> Лабан щарийа хwэ Зилпа жи чаwa щари да қиза хwэ Леае. <sup>25</sup> Сьбәһе зу, ва йә: эва Леа йә. һьнге Ақуб готэ Лабан: «Тә әв чь сәрә мьн кьр? Мьн бона Р'аһеле тәр'а хөламти нәкьр? Тә чьма эз хапандьм?» <sup>26</sup> Лабан гот: «Ль щәм мә әв нә ә'дәт ә, кө йа бьч'ук бәри йа мэзын бьдьнә мер. <sup>27</sup> һ'әфтийе т'эмам кә, эзе йа дьн жи бьдьмә тә, ль бәр һ'әфт салед дьнва кө тө

\* 29:17 Аһа жи те фә'мкьрьне: «Ч'эвада мәр'ьм».

мьнр'а хөламтийе бьки». <sup>28</sup> Ақуб өса жи кър, әви һ'эфте т'эмам кър, Лабан қиза хwә Р'аһел жи чава жьн да ви. <sup>29</sup> Лабан щарийа хwә Билһа жи чава щари да қиза хwә Р'аһеле. <sup>30</sup> Ақуб сәре хwә Р'аһелер'а дани у Р'аһел жь Леае зәфтър һ'ыз кър. У Ақуб һ'эфт салед дьн жи хөламти Лабанр'а кър.

### Зар'ед Ақуб

<sup>31</sup> Хөдан дит кө Леа бәр ч'әва р'әш ә, бәт'ьне we вәкър. Ле Р'аһел бебәр бу. <sup>32</sup> Леа пе ма көр'әк ани у наве ви дани Р'убен\*, чьмки we гот: «Хөдан зәлулийа мьн дит, иди ньһа мере мьне мьн һ'ыз кә». <sup>33</sup> Диса пе ма, көр'әки дьн ани у гот: «Чьмки Хөдан бьһист кө әз найемә һ'ызкърьне, ләма әв көр' жи да мьн». У наве ви дани Шьмһ'ун\*. <sup>34</sup> Диса пе ма көр'әки дьн жи ани у we гот: «Ньһа иди мере мьне т'әви мьн йәк бә, чьмки мьн се көр' жер'а анин» бона ве йәке наве Леви\* һатә данин. <sup>35</sup> Диса пе ма көр'әки дьн ани у гот: «Ньһа әзе пәсьне Хөдан бьдьм». Ләма наве ви дани Щьһуда\*. У жь зар'анине һатә бьр'ине.

**30** Р'аһеле дина хwә дае кө әw Ақубр'а зар'а найнә, һ'әвсуди хушка хwә кър у готә Ақуб: «К'а зар'а бьдә мьн, йан на әзе щандьм». <sup>2</sup> һерса Ақуб ль Р'аһеле р'абу у готе: «Чьма стәхөла әз дәwса Хwәде дьгьрьм, кө бәре зька жь сәр тә бьр'ийә?» <sup>3</sup> Әwe гот: «Ва йә щарийа мьн Билһа, һәр'ә щәм we, бьра әw ль сәр чоке мьн бьwәльдә, кө зар'е мьн жь we һәбьн». <sup>4</sup> У we щарийа хwә Билһа ча-

\* 29:32 Бь зьмане ибрани наве Р'убен те фә'мкърьне: «Дина хwә бьдьне көр' ә» у дәнге хәбәра Р'убен незики «(Хөдан) зәлулийа мьн дит».

\* 29:33 Бь зьмане ибрани «Бьһистьн».

\* 29:34 Бь зьмане ибрани «Йәкти».

\* 29:35 Дәнге we мина: «Пәсьндар».

wa жын да wi. Ақуб сәре хwә wep'a дани. <sup>5</sup>Билһа пе ма у Ақубр'a көр'әк ани. <sup>6</sup>Һынге P'аһеле гот: «Хwәде ль сәр һәқи у нәһәқида нһер'и, дәнге мьн жи бһист у көр'әк да мьн». Ләма наве wi дани Дан\*. <sup>7</sup>Щарийа P'аһеле Билһа диса пе ма көр'е дөда Ақубр'a ани. <sup>8</sup>P'аһеле гот: «Әз хушка хwәр'a к'әтымә һ'өщәте у мьн зора we бър». У Наве wi дани Нәфтәли\*.

<sup>9</sup>Леае гава дит кө жь зар'a һатә бър'ине, щарийа хwә Зилпа чава жьн гьрт да Ақуб. <sup>10</sup>Щарийа Леае Зилпайе Ақубр'a көр'әк ани. <sup>11</sup>Леае гот: «Әз бәхтәвар ьм!» У наве wi дани Гад\*. <sup>12</sup>Щарийа Леае Зилпайе көр'е дөда Ақубр'a ани. <sup>13</sup>Леае гот: «Әз хwәзъли мә! К'өлфәте хwәзийа хwә ль мьн биньн». У Наве wi дани Ашер\*.

<sup>14</sup>P'ожед нандъруне P'убен чу нава зәвийа, әви гьзеред бәйани\* дитьн у ани да дийа хwә Леае. һынге P'аһеле готә Леае: «К'әрәма хwә, һьнәк жь ван гьзеред бәйанийә көр'е хwә бьдә мьн жи». <sup>15</sup>Ле Леае гот: «Тә мере мьн жь мьн стандийә бәс нинә, гьзеред көр'е мьнә бәйани жи дьхwази?» P'аһеле готе: «Бьра ишәв әв т'әви тә р'азе, жь бәр гьзеред көр'е тәйә бәйанива». <sup>16</sup>Еваре Ақуб жь к'әw-шен дьһат, Леа пешийа wiда чу у готе: «Тө гәрәке т'әви мьн р'азейи, чьмки мьн тө бь гьзеред көр'е хwәйә бәйани к'ьрекьри йи». У әв we шәве т'әви we р'аза. <sup>17</sup>Хwәде дәнге Леае бһист у Леа пе ма көр'е пенща Ақубр'a ани. <sup>18</sup>Һынге Леае гот: «Хwәде һәфе мьн да мьн, чьмки мьн щарийа хwә да мере хwә». У наве wi дани Исахар\*. <sup>19</sup>Леа диса пе

\* 30:6 Бь зьмане ибрани дәнге we мина «Диванкьрын» ә.

\* 30:8 Бь зьмане ибрани «Һ'өщәта мьн».

\* 30:11 Бь зьмане ибрани «Бәхтәвари».

\* 30:13 Бь зьмане ибрани «Хwәзъли».

\* 30:14 Аwa готи «Мандрагор» кө к'окәкә бьн әрд ә, дьхwарьн кө жь жьнти у мертийе нәк'әвьн.

\* 30:18 Бь зьмане ибрани дәнге we мина «Һәқ» ә.

ма у Ақубр'а көр'е шәша ани. <sup>20</sup>Һынге Леайе гот: «Хwәде п'ешк'ешәкә баш да мьн, мере мьне иди щәм мьн бьминә, чьмки мьн wir'a шәш көр' анинә». У наве ви дани Зәбулон\*. <sup>21</sup>Хьлазийе қизәк ани у наве we дани Дина.

<sup>22</sup>Хwәде P'ahel бир ани у Хwәде дәнге we бьхист бәг'не we вәкьр. <sup>23</sup>Әw пе ма көр'әк ани у гот: «Хwәде қара мьн да һьлдане». <sup>24</sup>Наве ви дани Усьв\* у гот: «Дә бьра Хөдан көр'әки дьн жи ль мьн зедә кә».

### Пәймана нава Лабан у Ақубда

<sup>25</sup>Пәй ве йәкер'а, гава P'ahеле Усьв ани, Ақуб готә Лабан: «Изьна тә һәбә, кө әз һәр'ымә ши у wat'ане хwә. <sup>26</sup>Жьн у зар'ед мьн бьдә мьн, бона к'ижана мьн тәр'а хөламти кьр у әз һәр'ым, чьмки хөламтийа мьн тәва әйан ә, мьн чь хөламти тәр'а кьрийә». <sup>27</sup>Лабан готе: «Һәгәр мьн бәр ч'әве тә к'әрәм дит, һиви дькьм! Мьн те дәрхьстийә кө Хөдан бона хатьре тә ль сәр мьнда барандийә». <sup>28</sup>У гот: «Һәде хwә бежә әз бьдьм». <sup>29</sup>Һынге Ақуб готе: «Тө зани мьн чава тәр'а хөламти кьрийә у һ'әйванед тәйә ль бәр мьн чава бунә. <sup>30</sup>Чьмки бәри һатьна мьн, мале тә һьндьк бу, ле ль һәв зедә бу, Хөдан бь һатьна мьн ль сәр тәда баранд. Иди әзе к'әнге бона мала хwә бьхәбьтьм?»

<sup>31</sup>Лабан пьрси: «Әз чь бьдьмә тә?» Ақуб готе: «Тө тыштәки нәдә мьн. һәгәр тө ве готьна мьн бьки, әзе диса кәрийе пәзе тә хwәй кьм у бьч'ериньм. <sup>32</sup>Әз иро бьк'әвьмә нава г'әмамайя кәре тә, чьқас пәзе дәқ-дәқи у бәләк һәнә, өса жи нава бәрха чьқас қәр һәнә у нава бьзьнада жи чьқаси бәләк у дәқ-дәқи һәнә, әз вәқәтиньм. Бьра әвана бьбьнә һәде мьн. <sup>33</sup>Иро шунда р'астийа мьне ль бәр тә к'ьфш бә, гава тө бейи дина хwә бьди һәде мьн. һәгәр нава кәрийе ль бәр мьнда, бьзьнәк нә дәқ-дәқи у нә бәләк бә

\* 30:20 Бь зьмане ибрани «Щәммайин» йан «Qәдьр».

\* 30:24 Бь зьмане ибрани «Бьра әw зедә бә».

у бэрх нэ қэр бэ, эw ль щэм мьн чава йед дъзийе бьн». <sup>34</sup>Лабан готе: «Баш э! Бьра wэкэ готьна тэ бэ». <sup>35</sup>Ле we р'оже Лабан\* чьқас нерийед шьв-шьви у бэлэк у чьқас бьзьнед дэқ-дэқи у бэлэк, ава готи чьқас йед дэқ-дэқийэ сьпи у бэрхед қэр һэбун, вэқэтандьн данэ көр'ед хwэ, <sup>36</sup>у эw р'ийа се р'ожа дури Ақуб хьстьн. Ақуб кэрийе пэзе Лабани майин хwэй кьр.

<sup>37</sup>Ақуб хwэр'а жь дара сьпндаре, бəһиве\* у чинаре шьвдаред тэр' чекьрьн, эwi қалькед wан щи-щийа дат'эр'аштьн сьпи нэхш кьрьн, өса кө ль сэр шьвдара сьпикайи к'ьфш дьбу. <sup>38</sup>Һьнге эwi шьвдаред хwэйэ дат'эр'эшанди, данинэ нава һ'эwзед аввэхwарьне, кө гава кэри бен аве вэхwьн, эw ль бэр пез бьн, дэма аввэхwарьне пэз бе ф'эла. <sup>39</sup>Пэз ль бэр шьвдара дьһатьнэ ф'эла у дьзан бэрхед шьв-шьви, дэқ-дэқи у бэлэк данин. <sup>40</sup>Ақуб бэрх вэдьқэтандьн у бэре пез дьданэ алийе йед шьв-шьви у қэрэ кө нава кэре Лабанда һэбун. Ақуб кэре хwэ вэқэтанд, т'эви пэзе Лабан нэкьр. <sup>41</sup>У гава wэхте ф'эле пэзе к'окэ-р'ьнд дьһат, Ақуб эw шьвдар даданинэ нава һ'эwзе аве ль бэр ч'эве пез, wэки эw ль бэр шьвдара ф'эле хwэ бьстиньн. <sup>42</sup>Ле ль бэр пэзе жарэ-һур данэданин у йед хьрабэ бь кемаси п'ара Лабан к'этьн, йед к'окэ-р'ьнд п'ара Ақуб. <sup>43</sup>Өса эва мэрьва гэлэки пешда чу. Бу хwэйе кэрийед пезэ мэзьн, щарийа, хөлама, дэва у к'эра.

### Ақуб жь хале хwэ дьр'эвэ

**31** Ақуб хэбэрдана көр'ед Лабан бьһистьн кө дьготьн: «Ақуб һ'эму һэбука баве мэ бьр у жь һэбука баве мэ һақас һэбук т'оп кьр». <sup>2</sup>У Ақуб ч'эв Лабан к'эт, дина хwэ дайе кө Лабани һьндава wiда нэ йе бэре йэ.

\* 30:35 Бь зьмане ибрани «Сьпи».

\* 30:37 Дарэкэ кө дьк'эвэ ль нава к'ома даред гузе, дэндькед we мина дэндькед зэрдэла нэ.



<sup>3</sup> Һынге Хөдан готә Ақуб: «Вәгәр'ә вәлате кал-бавед хвә, ль щи-мьск'әне хвә, эзе т'әви тә бьм». <sup>4</sup> Ақуб чоле ль бәр пез бу, әви шанд гази Р'аһеле у Леаһе кьр <sup>5</sup> у готә ван: «Әз дина хвә дьдьмә мьр'узе баве вә, әв һындава мьнда нә йе бәре йә. Ле Хвәдейе баве мьн, т'әви мьн буйә. <sup>6</sup> Вәва жи ә'йан ә, кө мьн бь т'әмамийа қәвата хвә баве вәр'а хөлашти кьрийә. <sup>7</sup> Ле баве вә әз дьхапандьм, дәһә щара һәқе мьн гөһаст, ле Хвәде нәһьшт кө әв зийанәке бьдә мьн. <sup>8</sup> Гава ви дьгот: «Бьра йед дәқ-дәқи бәр һәқе тәва бьн», һынге т'әмамийа пез, дьза дәқ-дәқи данин. Ле гава ви дьгот: «Бьра йед шьв-шьви бәр һәқе тәва бьн», һынге т'әмамийа пез, дьза шьв-шьви данин. <sup>9</sup> Бь ви авайи Хвәде һ'әйванед баве вә жь ви стандьн у данә мьн. <sup>10</sup> Щарәке вәхте пез фә'ла бу, мьн сәре хвә бьльнд кьр у хәвнеда дина хвә даһе, ва йә кәри бь нерийед шьв-шьви, дәқ-дәқи у бәләк дьһатьнә фә'ла. <sup>11</sup> Һынге мьльак'әте Хвәде хәвнеда мьнр'а гот: «Ақуб!» У мьн гот: «Ләбе, әзи ва мә». <sup>12</sup> Әви гот: «К'әрәма хвә, сәре хвә бьльнд кә у дина хвә бьде, ванә һ'әму нерийед кө пәз бь ван тенә фә'ла, шьв-шьви, дәқ-дәқи у бәләк ьн, чьмки мьн дит һәр тыштед кө Лабан сәре тә кьрын. <sup>13</sup> Әз Хвәдейе Бет'Еле мә, we дәра кө тә һ'әйкәл р'ун кьр у ль вьр мьнр'а ад-қьрар кьр, ньһа р'абә жь ви вәлати дәре у вәгәр'ә ль щи-мьск'әне хвә». <sup>14</sup> Һынге Р'аһеле у Леаһе ле вәгәр'андьн у готьне: «Гәло иди мала баве мәда, п'ар у вартийа мә һәйә? <sup>15</sup> Гәло бона ви әм һ'әсаб набьн мина хәриба? Чьмки әви әм фьротьн у п'әре мә жи хварьн. <sup>16</sup> Ләма жи әв һ'әму һәбука кө Хвәде жь баве мә станд, йа мә у зар'окед мә йә, ньһа һәр тыштед кө Хвәде готийә, бькә». <sup>17</sup> Ақуб р'абу, жьн у зар'ед хвә ль дәва сийар кьрын. <sup>18</sup> Әви һ'әму һ'әйванед хвә, һ'әму һәбука хвәйә кө қазьнщ кьрьбу у һ'әйванед хвәйе кө ль Паддан-Арамеда қазьнщ кьрьбу, һьлдан р'ек'әт, кө һәр'ә щәм баве хвә Ишақ, вәлате Кәнане. <sup>19</sup> Лабан чубу кө пәзе хвә бьбьр'ә,

Р'аһел п'утед мала баве хwә дьзин. <sup>20</sup>Ақуб жь Лабане арамиФ хwә вәдьзи р'әви, чьмки вива әйан нәкьрьбу, кө we һәр'ә. <sup>21</sup>У бь ви авайи әw бь һ'әму һәбука хwәва р'әви у р'абу жь ч'әме Фьрате дәрбаз бу у бәре хwә да алийе ч'ийае Гилә'де.

### Лабан пәй Ақуб дьк'әвә

<sup>22</sup>Р'ожа сьсийа щаб данә Лабан, кө Ақуб р'әвийә. <sup>23</sup>Лабан бьратийа хwә жи т'әви хwә һьлда у һ'әфт р'ожа ль пәй ви к'әт. Ль алийе ч'ийае Гилә'де хwә шир'а гиһанд. <sup>24</sup>Хwәде шәв һатә хәвна Лабане арами у готә ви: «Мьқати хwә би, кө тыштәки қәнщ йан хьраб Ақубр'а нәбежи».

<sup>25</sup>Лабан хwә Ақубр'а гиһанд. Ақуб коне хwә ль ч'ийе вәгьртьбу. Лабан у бьратийа хwә жи конед хwә ль ч'ийае Гилә'де вәгьртьн. <sup>26</sup>У Лабан готә Ақуб: «Әв тә чь кьр? Чьма тә хwә жь мьн вәдьзи р'әвийи у тә қизед мьн чава һесиред бьн шур бьрьн? <sup>27</sup>Тә чьма жь мьн вәшарт, дьзива р'әвийи у мьнр'а нә гот? Мьне тө бь дьле ша вәр'екьрайи, пе стьрана, дәфа у чәнге зис. <sup>28</sup>Тә нәһьшт кө әз бьһатама р'уйе қизед хwә у нәбийед хwә. Тә бе ақьли кьр. <sup>29</sup>Дәсте мьнда қәват һәйә, кө хьрабийе ль wә бькьм. Ле Хwәдейе баве wә шәва дәрбазбуи т'әви мьн хәбәрда у гот: «Мьқати хwә би, кө тыштәки қәнщ йан хьраб Ақубр'а нәбежи». <sup>30</sup>Ле бәле тө дьчи-дьчи, фәмдарийә wәки тә гәләки бира мала баве хwә кьрийә, ле чьма хwәдейед мьн дьзин?» <sup>31</sup>Ақуб ль Лабан вәгәр'анд у гот: «Чьмки әз тьрсийам, мьн гот бәлки те қизед хwә жь мьн бьстини. <sup>32</sup>Ле хwәдейед хwә ль щәм к'е бьбини, бьра әw нәжи. Ньһа ль бәр бьратийа мә бьгәр'ә у чи тә ль щәм мьн һәбә һьлдә хwәр'а». Чьмки Ақуб ньзаньбу кө Р'аһеле әw дьзинә. <sup>33</sup>Лабан к'әтә коне Ақуб, коне Леае у коне һәр дө щарийа, ле әw нәдितьн. Жь коне Леае дәрк'әт, к'әтә коне Р'аһеле. <sup>34</sup>Р'аһеле әw п'ут һьлдан кьрьнә т'ер'а дәве у ль сәр ван р'уньшт. Лабан т'әмаийа кон ль һәв хьст гәр'ийа, ле әw нәдитьн.

<sup>35</sup> P'аһеле готә баве хwә: «Бъра хwәйе мьн һерса хwә ль мьн р'анәкә, wәки әз нькарьм ль бәр р'абьм, чьмки әз нә-хwәшийа к'олфәтада мә». Лабан гәр'ийа ле п'ут нәдитьн.

<sup>36</sup> Ђынге Ақуб һерс к'әт у бәзи Лабан. Ақуб ль Лабан вә-гәр'анд у готе: «Суще мьн чи йә, гөне мьн чи йә, wәки тә пәй мьн к'әт йи? <sup>37</sup>Тә ль нав т'әмамияа һур-муред мьнда гәр'ийайи, тә тыштәки жь мала хwә дит? Дәрхә дайнә ль бәр бьратийа мьн у бьратийа хwә, бьра әw ве пьрсе нава мә һәр дөйада сафи кьн. <sup>38</sup>Әва бист сал ә, кә әз ль щәм тә дьмам, ми у бьзьнед тә бәрнәавитьнә у мьн бәранед кәрийе тә жи нәхварьнә. <sup>39</sup>Йед дә'ва дьгьртьн, мьн нәдани ль щәм тә, зьрара we мьн дьк'ьшанд, р'оже бьһата дьзин, шәве бьһа-та дьзин тә жь мьн дьхwәст. <sup>40</sup>Р'оже жь гәрме, шәве жи жь сәрме дьһ'әлийам-дьмашийам. Хәw жь ч'ә'ве мьн дьт'әқьси. <sup>41</sup>Бист сали һ'але мьн мала тәда аһа буйә. Мьн чардәһ сала бона һәр дө қизед тә тәр'а хөламти кьр, шәш сала жи бона пәзе тә. Ле тә дәһә щара һәқе мьн гөһаст. <sup>42</sup>Һәгәр Хwәдейе баве мьн, Хwәдейе Бьраһим у Хофа Ишақ нә т'әви мьн буйа, тәйе ньһа әз р'аст дәствала вәр'екьрама. Хwәде зәлулийа мьн у хәбат дәсте мьн дит у шәва дәрбазбуйи ль тә һьлат».

### Пәймана Лабан у Ақуб

<sup>43</sup> Лабан ль Ақуб вәгәр'анд у готе: «Әв қиз қизед мьн ьн, әв зар' зар'ед мьн ьн, әв кәри кәрийед мьн ьн у һәр тыш-тед кә тә дьбини, әв т'әв йед мьн ьн. Әз иро чь дькарьм ль қизед хwә бькьм, йан жи ль зар'ед кә жь ван бунә? <sup>44</sup>Ньһа wәрә әз у тә пәймане гьредьн у бьра нава мьн у тәда бьбә шә'дәти». <sup>45</sup>Ақуб кәвьрәк һьлда у әw һ'әйкәл да сәкьнандьне. <sup>46</sup>Ақуб готә бьратийа хwә: «Кәвьра т'оп кьн». Ван кәвьр анин қуч' кьрьн у ль wьр щәм қуч'е нан хварьн. <sup>47</sup>Лабан наве we қуч'е дани Йьгар-Саһадут'а\*.

\* 31:47 Бь зьмане арами «Қуч'а шә'дәтийе».

Ақуб наве we дани Галед\*. <sup>48</sup>Һынге Лабан гот: «Эва қуч'а иро нава мьн у тэда шә'дә йә». Ләма наве we Галед һатә данине, <sup>49</sup>оса жи Миспах\* чьмки wi гот: «Хөдан ль сәр мьн у тэда бьньһер'ә, гава р'уйе мә һәв дө нәк'әвә. <sup>50</sup>Һәгәр тө дьле қизе мьн бешини, йан жи жьнед башқә сәр қизед мьнр'а бьстини, кәс нава мәда т'өнә, ле Хвәде нава мьн у тэда шә'дә йә». <sup>51</sup>Лабан сәрда зедә кьр у готә Ақуб: «Ва йә әв қуч'а у әв һ'әйкәле кө мьн нава хвә у тэда да сәкьнандьне. <sup>52</sup>Эва қуч'а шә'дә йә, әва һ'әйкәла шә'дә йә, кө әз жь ве қуч'е дәрбаз нәбьм, тө жи жь ве қуч'е у һ'әйкәли дәрбаз нәби бона хьрабийе. <sup>53</sup>Бьра Хвәдейе Бьраһим у хвәдейе Нәһор (хвәдейе баве ван) нава мәда һ'акьм бьн\*». Ақуб пе Хофа баве хвә Ишақ ад-қьрар кьр. <sup>54</sup>Ақуб ль сәре wi ч'ийайи қөрбан да у гази бьратийа хвә ль сәр нан кьр. Нан хварьн у we шәве манә ль ч'ийе. <sup>55</sup>Лабан сьбәһе зу р'абу, чу р'уйед нәвийед хвә у қизед хвә у дөа ль ван кьр, Лабан вәгәр'ийа чу щийе хвә.

**Ақуб р'ева р'асти мьлйак'эта те,  
паше жи р'асти Әсау**

**32** Ақуб р'ийа хвәда чу. Мьлйак'әтед Хвәде р'асти wi һатьн. <sup>2</sup>Гава Ақуб әв дитьн, гот: «Эва зомардийа Хвәде йә». Наве we дәре дани Маһ'анайим\*.

<sup>3</sup>Ақуб пешийа хвә қасьд шандьнә вәлате Сеһире, т'опрахе ӘдомеФ, щәм бьре хвә Әсау. <sup>4</sup>У т'әми да ван у гот: «Аһа бежьнә хвәйе мьн Әсау, кө хөламе тә Ақуб аһа дьбежә: «Әз ль щәм Лабан бумә, һ'эта ньһа жи щәм wi хәрибийеда мамә. <sup>5</sup>Га, к'әр, кәрийед пез, хөлам у

\* 31:47 Бь зьмане ибрани «Қуч'а шә'дәтийе».

\* 31:49 Бь зьмане ибрани «Сәрда бьньһер'и».

\* 31:53 Эва фькьра Лабан бу, чьмки нава ванда гәләкхвәдети бу.

\* 32:2 Бь зьмане ибрани «Дө зомед ордийа».

щари мьн қазьнщ кьрьнэ. Ньһа эз дышиньм, хwэ хwэйе хwэва дьдьмэ һ'эсандьне, кө эз бэр ч'эвед тэ к'эрэме бьбиньм»».

<sup>6</sup>Қасьд ль сэр Ақубда вэгэр'ийан у готье: «Әм чунэ щәм бьре тэ Әсау, ва йэ әу чарсьд мәрвива пешийа тәда те». <sup>7</sup>Ақуб гәләки тьрсийа у т'эвиһэв бу у р'абу мәрьвед т'эви хwэ, пэз у дәуар, дэвэ кьрьнэ дө п'ара. <sup>8</sup>Дьгот: «Һәгәр Әсау ль сэр п'арәкеда бьгьрә у лехә, һәма п'ара дьн же хьлаз бә».

<sup>9</sup>Һьнге Ақуб гот: «Йа Хwәдейе баве мьн Бьраһим у Хwәдейе баве мьн Исһақ, Хөдано! Кө тэ мьнр'а гот: «Вәгәр'э вәлате хwэ, ль ват'ане хwэ, эзе қәнщийе ль тэ бькьм!» <sup>10</sup>Эз нә һежайи т'әмамияа һ'өб у амьнийа тәйә қәдим ьм, к'ижан кө тә қуле хwәр'а кьрьнэ, чьмки эз бь шьвдара дәсте хwэ жь ве Урдөне дәрбаз бум у ньһа бумә хwэйе дө п'ара. <sup>11</sup>К'эрәма хwэ, мьн жь дәсте бьре мьн Әсау хьлаз кә, чьмки эз же дьтьрсьм, нәбә кө әу бе, мьн, де у зар'окава хә. <sup>12</sup>Нә тә готийә: «Эзе әсәйи қәнщийе ль тә бькьм у зөр'әта тә бькьмә вәкә қума бә'ре, кө жь гәләкбуне ве нәйе жьмаре»».

<sup>13</sup>Ақуб шәва хwэ ль ве дәре дәрбаз кьр, р'абу жь һәр тьште хwэ, бьре хwэ Әсаур'а п'ешк'еш һазьр кьрьн. <sup>14</sup>Дөсьд бьзьн, бист нери, дөсьд ми, бист бәран, <sup>15</sup>си дәвед зайи щә'шькед ванва, чьл ч'еләк, дәһә бохә, бист к'әре ме у дәһә йе нер вәқәтандьн. <sup>16</sup>Һәр кәри, башқә-башқә, данә дәсте хөламед хwэ у готә хөлама: «Пешийа мьн һәр'ьн, бьра һәр кәри дури һәв, ль пәй һәв һәр'ьн». <sup>17</sup>Ә'мьр ль йе пешийе кьр у готе: «Гава бьре мьн Әсау р'асти тә бе у жь тә бьпьрсә: «Тө к'е йи у те к'өда һәр'и? У әвед ль пешийа тә йед к'е нә?» <sup>18</sup>Һьнге тө бежә: «Әв йед хөламе тә Ақуб ьн, әвана п'ешк'еш хwэйе хwэ Әсаур'а шандьнә, ва йә әу хwәха жи ль пәй мә те»». <sup>19</sup>Аһа жи т'әми да йе дөда, йе сьсийа у һ'әмуйед кө ль пәй кәрийа дьчун у гот: «Аһа бежьне гава һун р'асти Әсау бен <sup>20</sup>у бежьне:

«Ва йэ хөламе тэ Ақуб жи ль пэй мә те». Чьмки эви хвэха хвэр'а дьгот: «Бь ван п'ешк'ешед кө эз бэри хвэ дьшиньм, эзе дьле ви бьк'ьр'ьм, паше р'уйе ви бьбиньм, бэлки эв мьн қэбул кэ». <sup>21</sup> П'ешк'еш пешийа ви чун, ле Ақуб шэва хвэ зомеда дэрбаз кьр.

### Дэстэгөлаша Ақуб

<sup>22</sup> Ақуб we шэве р'абу, һэр дө жьнед хвэ, һэр дө шарийед хвэ у һэр йанздәһ көр'ед хвэ һьлдан у тәнькаийа Йа-боқр'а дэрбаз бу <sup>23</sup> у эв һьлдан аве хьстьн дэрбаз кьрын, һэр тыштед хвэ, чи ви һэбу дэрбаз кьрын. <sup>24</sup> Ақуб т'эне ма. Мэрвьэк һ'эта саре сьбэһе жер'а к'этэ дэстэгөлаше. <sup>25</sup> Эви дит кө ль Ақуб нькарэ, эв ль севька қарч'ька ви к'эт у дэма дэстэгөлаше Ақуб қарч'ькеда сьст бу. <sup>26</sup> һынге эви готэ Ақуб: «Мьн бэр'дэ эз һэр'ьм, чьмки ва йэ сьбэһ зэлал дьбэ». Ақуб гот: «Һ'эта тө дөа ль мьн нэки эз тэ бэр'надьм». <sup>27</sup> Эви готэ ви: «Наве тэ чи йэ?» Ақуб гот: «Ақуб э». <sup>28</sup> Эви гот: «Иди наве тэ Ақуб нэје готьн, ле Израел\*, чьмки тө Хвэде у мэрьвар'а к'эти һ'ощэте у тө сэр к'эти». <sup>29</sup> һынге Ақуб пьрси у гот: «Һиви дькьм, наве хвэ бежэ». Эви гот: «Тө чьма наве мьн дьпьрси?» У ль ви щийи дөа ль ви кьр. <sup>30</sup> Ақуб наве ви щийи дани Пьнийел\* у гот: «Чьмки мьн Хвэде р'у бь р'у дит у эз сах мам».

<sup>31</sup> У гава эв жь Пьнөеле дэрбаз бу, р'о дэрк'эт у Ақуб қарч'ькеда дькөлийа. <sup>32</sup> Лэма жи һ'эта р'ожа иро, зар'ед Израелеф ч'иле сэр севька қарч'ьке нахвьн. Чьмки ль ч'иле севька қарч'ька Ақуб к'эт.

\* 32:28 Бь зьмане ибрани «Г'эви Хвэде к'этийи һ'ощэте».

\* 32:30 Чава наве Ақуб һатэ гөһастьне өса жи наве ви щийи һатэ гөһастьне. Наве кэвьн «Пьнөел» бу ле наве ну «Пьнийел» фэ'мина we «Р'уйе Хвэде».

Льхэвхатъна Агуб у Эсау

**33** Агуб сэре хwэ бьльнд кър, дина хwэ даие we Эсау те, чарсэд мер жи пер'а. Ђнге эви зар' бэлайи ль сэр Леаие, Р'аһеле у һэр дө щарийа кърьн. <sup>2</sup>Щари зар'ед ванва авитънэ пешийе, Леа зар'ед weва авитънэ пэй ван, Р'аһел у Усыв жи авитънэ пашийе. <sup>3</sup>Агуб да пешийа ван у һ'эта гъһиштэ бьре хwэ, һ'эфт щара һ'эта эрде дэвэр'уйа чу. <sup>4</sup>Ђнге Эсау бэзи чу пешийа ви, эв һ'эмез кър, дэсте хwэ стөкөра wir'а бър, эв р'амуса у ль сэр һэвда гърийан. <sup>5</sup>Эсау сэре хwэ кө бьльнд кър, ч'эв к'өлфэта у зар'а к'эт, гот: «Эв чи тэ нэ?» Агуб гот: «Эвана зар'ед кө Хwэде бь р'эма хwэ данэ хөламе тэ эв ьн». <sup>6</sup>Ђнге щари зар'ед хwэва незик буне у дэвэр'уйа чун. <sup>7</sup>Леа зар'ед хwэва жи незик буне у дэвэр'уйа чун. Паше жи Р'аһел у Усыв незик буне у дэвэр'уйа чун. <sup>8</sup>Эсау пьрси: «Мэрэме ван к'омед кө эз р'ева р'асти ван һатъм чи йэ?» Агуб гот: «Бона ль бэр ч'эве хwэие хwэ к'эрэм дитънейэ». <sup>9</sup>Эсау гот: «Һэбука мын гэлэкэ бьре мын, йа тэ бьра тэр'а бэ». <sup>10</sup>Агуб гот: «На, һиви дькым, һэгэр мын ль бэр ч'эве тэ к'эрэм дитийэ, п'ешк'еша мын жь дэсте мын бьгрэ. Чьмки мын р'уйе тэ өса дит, те бежи йэк р'уйе Хwэде бьбинэ у тэ жь мын р'ази йи. <sup>11</sup>Һиви дькым, ве бьмбарэкийе, йа кө мын тэр'а анийэ қэбул кэ, эва дайина жь р'эма Хwэде йэ, һэр тыште мын һэнэ». У зор ле кър эви жи һьлда. <sup>12</sup>Эсау гот: «Эм р'абын р'ек'эвын, эзе ль пешийа тэ һэр'ьм». <sup>13</sup>Агуб готэ ви: «Хwэие мынва э'йан э, кө зар'ок назьк ьн у пэз дэвар жи зайи йэ, һэгэр р'ожэке зу-зу бажон, һ'эму кэрийе қыр' бьн. <sup>14</sup>Һиви дькым, бьра хwэие мын пешийа хөламе хwэ һэр'э, эзе хwэр'а һеди-һеди ньге һ'эйванед ль бэр хwэ у ньге зар'ар'а бем, һ'эта бьгъһижьмэ Сеһире щэм хwэие хwэ».

<sup>15</sup>Эсау гот: «Wэки өса йэ, эз чэнд мэрьвед т'эви хwэ, ль щэм тэ бьһельм». Агуб гот: «Бона чь? Т'эне бьра эз

бэр ч'э'ве хwэйе хwэ к'эрэме бьбиньм». <sup>16</sup>We р'оже Эсау р'ийа хwэда вэгэр'ийа Сегире. <sup>17</sup>Ақуб к'оч' кьр чу Сукоте у хwэр'а мал чекьр, һ'эйванед хwэр'а һ'ольк\* чекьрын. Бона ве йэке наве ви щийи дани Сукот\*\*.

<sup>18</sup>Гава Ақуб жь Паддан-Араме һат у сах-сьламэт гь-һиштэ wэлате Кэнане, бажаре Шьхэме, ль бэр бажер кон вэгьртън. <sup>19</sup>Әв әрде кө кон ле вэгьртъбу, әв жь дәсте зар'ед һаморе баве Шьхэм, бь сэд нале п'эра к'ьр'и. <sup>20</sup>Ль wьр горигәһэк чекьр у наве we дани Ел-Әлоһе-Исраел\*.

### Дина у Шьхэм

**34** Дина, қиза Леае бу, кө Ақубр'а ани бу, әв дәрк'әт кө қизед ви wэлати бьбинә. <sup>2</sup>Шьхэме көр'е һаморе һиwi, ахе ви wэлати әв дит, дәст авитә we у бь дәсте зоре әв р'ур'әш кьр. <sup>3</sup>Дьле ви к'әтә қиза Ақуб Динае, бь дьл у щан әв бәгәм кьр у дьле wer'а хәбәрда. <sup>4</sup>Шьхэм готә һаморе баве хwә: «Ве қизьке мьнр'а бьхwазә». <sup>5</sup>Ақуб бьһист кө әви қиза ви Дина р'ур'әш кьрийә, ле чьмки көр'ед ви чоле ль бэр кәрийа бун, қәт дәнг нәкьр һ'әта кө әв һатън. <sup>6</sup>Һаморе баве Шьхэм, чу Ақубр'а кө хәбәр дә. <sup>7</sup>Көр'ед Ақуб гава бьһистън әв жи жь чоле һатън, бина хwә тәнг кьрын у гәләки һерс к'әтън. Чьмки әви намуса Исраелер'а лист, wәки дәст авитә қиза Ақуб. Әви тыштәки нәбуийи кьр. <sup>8</sup>Һамор wанар'а к'әтә хәбәрдане у гот: «Дьле көр'е мьн Шьхэм к'әтийә қиза wә, һиви дькьм, әве бьдънә ви. <sup>9</sup>Бьбьнә хьзьме мә. Қизед хwә бьдънә мә, қизед мә жи хwэр'а бьбьн. <sup>10</sup>Т'әви мә бьминьн, әв wэлате бәр wә бә, навда бьминьн, т'ошарәтийе бькьн, навда хwэр'а хьзне қазьнщ кьн». <sup>11</sup>Шьхэм готә бав у бьрайед кәч'ьке: «Бьра әз ль бәр ч'э'ве wә к'эрэме

\* 33:17 Ахьл, әрзел.

\*\* 33:17 Бь зьмане ибрани «һ'олька».

\* 33:20 Бь зьмане ибрани «Ел, Хwәдейе Исраел». «Ел» навәки Хwәде йә.



бббиньм, һун чь жь мьн бьхвазьн, эзе бьдьм. <sup>12</sup>Qәлән у хәлатед гьран бькьнә сәр стуйе мьн, дәве вә чь бьхвазә жи эзе бьдьм, т'әне we қизе бьдьнә мьн». <sup>13</sup>Әви кә хушка ван Дина р'ур'әш кьрьбу, кәр'ед Ақуб бь һ'ләк'ари щаба Шьхәм у баве ви һамор дан <sup>14</sup>у готьнә ван: «Әм нькарьн ве йәке бькьн, кә хушка хвә бьдьнә йәки нәсьнәт. Әва мәр'а қарәкә гьран ә. <sup>15</sup>Ле бәле әме т'әне бь ви шәрти т'әви вә қайл бьн, һәгәр һун бьбьнә мина мә, жь вә һәр қьсьме мер бе сьнәткьрьне, <sup>16</sup>һьнге әме қизед хвә бьдьнә вә у қизед вә жи хвәр'а биньн, әме т'әви вә бьминьн у бьбьнә щьмә'тәк. <sup>17</sup>Ле һәгәр һун гөһдарийа мә нәкьн, нәйенә сьнәткьрьне, әме қиза хвә һьлдьн у һәр'ьн». <sup>18</sup>Әв готьна ван ль һамор у кәр'е ви Шьхәм хвәш һат. <sup>19</sup>Әви хорти әв йәк дәрәңги нәехьст, чьмки әви гәләки қиза Ақуб бәгәм кьрьбу. Әв мала баве хвәда, йе һәри хвәйиқәдър бу. <sup>20</sup>Һамор, кәр'е хвә Шьхәмва һатьнә ль бәр дәргәһе\* бажаре хвә, т'әви меред бажер хәбәрдан у готьн: <sup>21</sup>«Әв мәрьвана мәр'а достийе дькьн, ава бьра вәлетда бьминьн, т'өщарәтийе теда бькьн, ва йә вәлати ль бәр ван мәзьн ә. Вәрьн әм қизед ван хвәр'а биньн, қизед хвә жи бьдьнә ван. <sup>22</sup>Ле т'әне әв ви шәртида т'әви мә қайл ьн бьминьн у бьбьнә щьмә'тәк, һәгәр жь мә һәр қьсьме мер бе сьнәткьрьне, чава кә әв тенә сьнәткьрьне. <sup>23</sup>Гәло кәрийед ван, һәбука ван, һ'әму һ'әйванед ван we нәбьнә йед мә? Т'әне дьминә кә әм ванр'а қайл бьн, әве т'әви мә бьминьн». <sup>24</sup>Һ'әмуийед кә жь дәргәһе бажаре вива дәрдык'әтьн, гөһдарийа һамор у кәр'е ви Шьхәм кьрьн у һ'әму зар'ед нерин кә жь дәргәһе бажаре вива дәрдык'әтьн, һатьнә сьнәткьрьне.

<sup>25</sup>Р'ожа сьсийа, гава әвә һе ешеда бун, дө кәр'ед Ақуб, бьред Динайе, Шьмһ'ун у Леви, һәр йәки шуре хвә һьлда у к'әтьнә бажер, т'ө кәс дәрнәк'әтә пешийа ван, һ'әму

---

\* 34:20 Ви чахи мәйдана незики дәргәһе бажер әв щийе бона т'өщарәтийе, диwane у қьрара бу.

зар'ед нерин көштүн. <sup>26</sup> Намор у көр'е ви Шьхэм авитьнэ ль бэр дэве шура көштүн, жь мала Шьхэм Дина һьлдан у дэрк'этын. <sup>27</sup> Көр'ед Ақуб сэр көштийда вэгэр'ийан, бажар т'алан кьрын, бона кө хушка ван р'ур'эш кьрьбун. <sup>28</sup> Р'аһьштынэ пэз у дэваред ван, к'эр у һэр тыштед ванэ кө ль бажер у зэвийада һэбу бьрын. <sup>29</sup> Н'эму һэбука ван, зар' у жьнед ван һесир һьлдан у һэр тыштед малада т'алан кьрын. <sup>30</sup> Ақуб Шьмһ'ун у Левир'а гот: «Wэ эз ль бэр ч'э'ве бьнэлийед кэнанийа у пьриззи йа авитьм, эв бэла ани сэре мьн. Мэр'вед мьн һьндьк ьн, we т'опи сэр мьн бьн у мьн хьн, эзе мала хwэва дэст у п'ийа һэр'ьм». <sup>31</sup> Wана гот: «Ле щайиз бу кө мина қавэке анинэ сэре хушка мэ?»

### Ақуб дьчэ Бет'-Еле

**35** Хwэде готэ Ақуб: «Р'абэ һьлк'ьшэ һэр'э Бет'-Еле, ль wьр бьминэ у горигәһәке<sup>Ф</sup> чекэ бона Хwэдейе кө тэва хойа бу, гава тө жь бэр бьрайе хwэ Әсау р'эвийи». <sup>2</sup> Ақуб готэ нәфәред хwэ у һ'эмуйед т'эви хwэ: «Хwэдейед хәрибэ нава хwэда бьгьрын бавежьн, пақьж бьн у к'ьнще хwэ бьгөһезьн. <sup>3</sup> У әм р'абьн бәрбь жор һәр'ьнэ Бет'-Еле, ль wьр горигәһәке ви Хwэдейир'а чекьм, йе кө р'ожа тәнгасийа мьнда дәнге мьн бьһист у we р'ийа кө эз теда чум т'эви мьн бу». <sup>4</sup> һьнге ван һ'эму хwэдейед хәриб, чь дәстед ванда һэбун у гөһаред гөһед хwэда данэ Ақуб. Ақуб әw ль бьн дара мэ'зейә\* незики Шьхэме ч'өл кьр. <sup>5</sup> У әw р'ек'этын, сава Хwэде к'этэ ль сэр бажаред дәр-доред ван у пәй көр'ед Ақуб нәк'этын. <sup>6</sup> Ақуб хwэха у һ'эму щьмэ'та пер'а һатэ Лузе, ава готи Бет'-Еле, әрде Кәнәне. <sup>7</sup> Ль wьр горигәһәк чекьр у наве we дани Ел-Бет'-Ел\*. Чьмки ль wьр Хwэде вива хойа бьбу, гава әw жь бэр бьрайе хwэ р'эви бу.

\* 35:4 Дара хьрнуфе.

\* 35:7 Бь зьмане ибрани «Хwэдейе Бет'-Еле».

<sup>8</sup> Хвэйкьрийа Р'еветаке, Дьвора мър, эв бьнийа Бет'-Еле, бьн мэ'зеда хатэ дэфьнкьрыне у наве вьр хатэ данин Алон-Багут\*.

<sup>9</sup> Гава Ақуб жь Паддан-Араме дьхат, Хвэде диса вива хойа бу у дёа ль ви кьр. <sup>10</sup> У Хвэде готе: «Наве тэ Ақуб э! Ле иро шунда тэр'а Ақуб нэбежьн, ле наве тэ Израелф бэ». У наве ви дани Израел. <sup>11</sup> У Хвэде готэ ви:

«Эз Хвэдейе һәри Зор ьм,  
шин бэ у ль һэв зедэ бэ.

Ве жь тэ мьлэтэк у мьхөлқәтед мьлэта дәрен.

У жь бәдәна тэ п'адшайе дәрен.

<sup>12</sup> Эв вәлате кө мьн дабу Бьраһим у Ишақ,  
эзе бьдьмэ тэ,

пәй тэр'а жи ви вәлати эзе бьдьмэ зөр'эта тэ».

<sup>13</sup> У Хвэде жь ви щийе кө пер'а хәбәр дьда, жорва һатэ һьлатьне. <sup>14</sup> Ақуб ль ви щийе кө Хвэде пер'а хәбәрда һ'әйкәлэк да сәкьнандьне, һ'әйкәләки кәвьри. Сәр келькеда дийарийа сәрдакьрыне у р'ун р'етэ сәр. <sup>15</sup> Ақуб наве ви щийе кө Хвэде пер'а хәбәр дабу дани Бет'-Ел.

### Мьрьна Р'аһеле

<sup>16</sup> Жь Бет'-Еле к'оч' кьрын, һьндьк мабу кө бьгьһиштана Эфрат'е, Р'аһел к'этэ ль бәр зар'е у гәләки щәфа к'ьшанд. <sup>17</sup> Гава гәләки щәфа дьк'ьшанд, пирәдәргуше готэ ве: «Нәтьрсә эва жи тэр'а көр' э». <sup>18</sup> Гава әве р'өһ'е хвэ дьда, ль бәр мьрыне наве ви дани «Бән-Они\*». Ле баве наве ви дани Бьһйамин\*\*. <sup>19</sup> У Р'аһел мър, эв ль сәр р'ийа Эфрат'е, ава готи Бәйтләһ'ме хатэ дэфьнкьрыне. <sup>20</sup> Ақуб ль сәр т'ьрба ве кәвьрэк да сәкьнандьне, кө һ'эта иро жи кәвьре т'ьрба Р'аһеле йә. <sup>21</sup> Израел к'оч' кьр чу, коне

\* 35:8 Бь зьмане ибрани «Мэ'за Шине».

\* 35:18 Бь зьмане ибрани «Көр'е к'әдәра мьн» йан «Көр'е қәвата мьн».

\*\* 35:18 Бь зьмане ибрани «Көр'е дәсте р'асте».

хwэ ль пышта Мигдал-Ә'дәр вәгьрт. <sup>22</sup>Гава Израел ль ви wәлати дьма, Р'убен чу дәст авитә щарийа баве хwэ Билһайе. Израел әв йәк бьһист\*.

### Көр'ед Ақуб

Донздәһ көр'ед Ақуб һәбун. <sup>23</sup>Көр'ед Леае: Ньхөрийе Ақуб Р'убен, Шьмһ'ун, Леви, Щьһуда, Исахар у Зәбулон бун. <sup>24</sup>Көр'ед Р'аһеле: Усыв у Бьһйамин бун. <sup>25</sup>Көр'ед щарийа Р'аһеле, Билһайе: Дан у Нәфтәли бун. <sup>26</sup>Көр'ед щарийа Леае, Зилпайе: Гад у Ашер бун. Әвана бун көр'ед Ақубә кө Паддан-Арамда жер'а бьбун.

### Мьрьна Ишақ

<sup>27</sup>Ақуб һатә Мамре, Қирйат-Арбайе, аwа готи һеброне ль щәм баве хwэ Ишақ, ви щийе кө Бьраһим у Ишақ хәриби дәрбаз кьрьбун.

<sup>28</sup>Р'ожед ә'мьре Ишақ сәд һ'әйште сал бун. <sup>29</sup>Ишақ кал бьбу, жь ә'мьре хwэ т'ербуйи, р'öh'e хwэ да у мьр. Әw т'әви щьмә'та хwэ бу, көр'ед ви Әсаw у Ақуб әw дәфьн кьрьн.

### Сәрәщәма р'ьк'ьнйата Әсаw

**36** Әв ә сәрәщәма р'ьк'ьнйата Әсаw, аwа готи Әдом. <sup>2</sup>Әсаw қизед кәнанийа хwәр'а хwәстьн: Әдаһа қиза Ейлоне һ'ити у Оһоливамайа қиза Әнайе көр'е Сивоне һ'иwi. <sup>3</sup>у қиза Исмайил, хушка Небайот, Басмәт'. <sup>4</sup>Әдаһе Әсаwр'а Әлифаз ани. Басмәт'е Р'ьһуел ани, <sup>5</sup>Оһоливамайе Йәһуш, Йалам у Қорах анин. Әв ьн көр'ед Әсаw, йед кө wәлате Кәнанеда жер'а бун.

<sup>6</sup>Әсаw р'абу жьнед хwә, көр' у қизед хwә у һ'әму мәрьвед мала хwә, кәри у гар'анед хwә, һ'әму һ'әйwanед хwә у һ'әму һәбука хwәйә кө wәлате Кәнанеда қазьнщ

\* 35:22 Бьһьһер'ә Дәстпелун 49:3-4.

кърьбу һьлдан, жь р'уйе бьре хвэ Агубда чу вэлатаки дьн. <sup>7</sup>Чьмки һэбука ван гэлэк бу, нькарьбун һэвр'а бьмана, вэлате кө эв теда чава хэриб дьман, т'ера ван нэдькър жь дэст кэри у гар'анед ван. <sup>8</sup>Әсау, ава готи Әдом, ль ч'ийайе Сеһире щи-вар бу.

<sup>9</sup>Әв ә сэрэщәма р'ьк'ьнийата Әсауе баве әдомийа, ль сәре ч'ийайе Сеһире. <sup>10</sup>Наве көр'ед Әсау әв ьн: Әлифаз, көр'е Әсауи жь Әдаһе. Р'ьһуел, көр'е Әсауи жь Басмәт'е. <sup>11</sup>Көр'ед Әлифаз, Теман, Омар, Сыпо, Гэт'ам у Қьназ бун. <sup>12</sup>Т'имна, щарийа Әлифазе көр'е Әсау бу, әве жи Әлифазр'а Амалек ани. Әв бун көр'ед Әдаһа жьна Әсау. <sup>13</sup>Көр'ед Р'ьһуел әв ьн: Наһ'ат, Зәраһ, Шамма у Мисаһ, әв бун көр'ед Басмәт'а жьна Әсау. <sup>14</sup>Көр'ед Әсау, йед кө Оһоливамайа қиза Әнайе көр'е Сивоне Әсаур'а анин, әв ьн: Йәһуш, Йалам у Қорах.

<sup>15</sup>Әв ьн баве бәрәкед зар'ед Әсау. Бавед бәрәкед зар'ед Әлифазе көр'е Әсауи ньхөри, әв бун: Баве бәрәка хвэ Теман, баве бәрәка хвэ Омар, баве бәрәка хвэ Сыпо, баве бәрәка хвэ Қьназ, <sup>16</sup>баве бәрәка хвэ Қорах, баве бәрәка хвэ Гэт'ам, баве бәрәка хвэ Амалек. Әвана ль вэлате Әдомеда бавед бәрәкед Әлифаз бун, көр'ед Әдаһе бун. <sup>17</sup>Әв ьн зар'ед Р'ьһуел көр'е Әсау: Баве бәрәка хвэ Наһ'ат, баве бәрәка хвэ Зәраһ, баве бәрәка хвэ Шамма, баве бәрәка хвэ Мисаһ. Әвана ль вэлате Әдомеда бавед бәрәкед Р'ьһуел бун, көр'ед Басмәт'а жьна Әсау бун. <sup>18</sup>Әв ьн көр'ед Оһоливамайа жьна Әсау: Баве бәрәка хвэ Йәһуш, баве бәрәка хвэ Йалам, баве бәрәка хвэ Қорах. Әвана бун баве бәрәкед зар'ед Оһоливамайа жьна Әсау, қиза Әнайе. <sup>19</sup>Әв ьн көр'ед Әсау, ава готи Әдом у әв ьн миред ван.

### Көр'ед Сеһир

<sup>20</sup>Әв ьн көр'ед Сеһире һ'ори, кө ль ви вэлатида дьман: Лотан, Шовал, Сивон, Әна, <sup>21</sup>Дишон, Әсәр у Дишан. Әв ьн көр'ед Сеһир, баве бәрәкед һ'орийа вэлате Әдомеда.

<sup>22</sup>Көр'ед Лотан һ'ори у һеймам бун, хушка Лотан Т'имна бу. <sup>23</sup>Көр'ед Шовал эв бун: Әлһван, Манаһ'ат', Әйбал, Шьфо у Онам. <sup>24</sup>Көр'ед Сивон эв бун: Айна у Ә'на. Әва эв Ә'на бу, йе кө ль чоле канийед авед гәрм дитьбун, гава к'әред баве хвә Сивон дьч'ерандьн. <sup>25</sup>Әв ын зар'ед Ә'на, Дишон у Оһоливама қиза Ә'на. <sup>26</sup>Әв ын көр'ед Дишон: Һәмдан, Әшбан, Ит'ран у К'ьран. <sup>27</sup>Әв ын көр'ед Әсәр: Билһан, Заһаван у Әкан. <sup>28</sup>Әв ын көр'ед Дишан: Ус у Аран. <sup>29</sup>Әв ын баве бәрәкед һ'орийа: Баве бәрәка хвә Лотан, баве бәрәка хвә Шовал, баве бәрәка хвә Сивон, баве бәрәка хвә Ә'на, <sup>30</sup>баве бәрәка хвә Дишон, баве бәрәка хвә Әсәр, баве бәрәка хвә Дишан. Әв ын баве бәрәкед һ'орийа, ль вәлате Сеһиреда, ль гора бавәширед бәрәкед хвә.

### П'адшайед Әдоме

<sup>31</sup>Әв ын эв п'адшайед кө вәлате Әдомеда, бәри п'адшайе израелийайи ә'вльн, п'адшати кьрн. <sup>32</sup>Бәлайе көр'е Бәур ль сәр Әдоме п'адшати кьр. Наве бажаре ви Динһава бу. <sup>33</sup>Бәла мьр, дәвса ви Йоваве көр'е Зәраһе Бозрайи п'адшати кьр. <sup>34</sup>Йовав мьр, дәвса ви һ'ушаме жь вәлате тәманийа п'адшати кьр. <sup>35</sup>Һ'ушам мьр, дәвса ви һададе көр'е Бәдад п'адшати кьр, йе кө ль т'опраха Мовабеда<sup>Ф</sup> қьр'а Мьдйана ани. Наве бажаре ви Ә'вит' бу. <sup>36</sup>һадад мьр, дәвса ви Самлайе жь Масреқайә п'адшати кьр. <sup>37</sup>Самла мьр, дәвса ви Шаууле жь Р'әһ'обот'а дәве ч'ем п'адшати кьр. <sup>38</sup>Шауул мьр, дәвса ви Баә'л-һәнәне көр'е Әк'бор п'адшати кьр. <sup>39</sup>Баә'л-һәнәне көр'е Әк'бор мьр, дәвса ви һадар п'адшати кьр. Наве бажаре ви Паһу бу. Наве жьна ви Мьһетабел бу, әва қиза Матред, нәбийе Ме-Заһаве бу.

<sup>40</sup>Әв ын наве бавед бәрәкед кө жь Әсау бунә, ль гора бәрәк у щийед хвә навед хвәва: Баве бәрәка хвә Т'имна, баве бәрәка хвә Әлһван, баве бәрәка хвә Йәт'ет, <sup>41</sup>баве

бэрэка хwэ Оholивама, баве бэрэка хwэ Елаһ, баве бэрэка хwэ Пинон, <sup>42</sup> баве бэрэка хwэ Qьназ, баве бэрэка хwэ Теман, баве бэрэка хwэ Мибсар, <sup>43</sup> баве бэрэка хwэ Магдийел, баве бэрэка хwэ Ирам. Эв ын баве бэрэкед Эдоме ль гора ши-варед хwэ у wэлате мьлк'е хwэда. Эсаw баве эдомийа йэ.

### Усьв у бьратийа ши

**37** Аqуб ль wэлате хэрибийа баве хwэ, wэлате Кэна-неда ши-вар бу. <sup>2</sup> Эв э сэрһатийа р'ьк'ьнийата Аqуб: Усьв һ'вдәһ сали бу, т'эви бьрайед хwэ ль бэр пез бу. Эw сьвьке нава көр'ед жьнбавед хwэ Билһайе у Зилпайеда бу. Усьв щаб-савед ванэ хьраб баве хwэр'а данин. <sup>3</sup> Исраел жь нава көр'ед хwэда, жь һ'эмуйа зэ'фтьр Усьв һ'ыз дькьр, чьмки эw көр', мэзьнайа wiда бьбу у эwi к'ьнщэкэ р'энг-р'энги у дьреж жер'а чекьр. <sup>4</sup> Бьра дина хwэ дане, кö баве ван, wi жь һ'эму бьра зэ'фтьр һ'ыз дькэ, эw ль бэр ч'эве ван р'эш бу у нькарьбун заре хwэш пер'а хэбэрдана.

<sup>5</sup> Усьв хэwнэк дит, р'абу бьред хwэр'а гьли кьр, һьнге эw һе ль бэр ч'эве ван к'эт. <sup>6</sup> Эwi готэ ван: «Һиви дькьм гöһ бьдьнэ ве хэwна кö мьн дитийэ. <sup>7</sup> Аwa эмэ зэвийеда мэ гөр'з гьре дьдан, мьн дина хwэ даие we гөр'зе мьн р'абу т'ик сэкьни, ле аwa гөр'зед wэ дора wi гьртьн у ль бэр гөр'зе мьн та бун». <sup>8</sup> Бьрайед wi готьне: «Кö öca йэ те ль сэр мэ бьби п'адша? Йан ль сэр мэ бьби һ'акьм?» У бона хэwн у хэбэред wi һе гэлэки жэнандьнэ wi. <sup>9</sup> Хэwнэкэ дьн жи диса дит, р'абу эw бьрайед хwэр'а гьли кьр у гот: «Аwa мьн хэwнэкэ дьн жи дит: мьн дина хwэ даие we һив у р'о у йанздәһ стэйркава ль бэр мьн та дьбун». <sup>10</sup> Гава эwi бав у бьрайед хwэр'а гьли кьр, баве wi ле һьлат у готэ wi: «Эв чь хэwн э, кö тэ дитийэ? Чьма эз у дийа тэ у бьрайед тэва, эме бен ль бэр тэ һ'эта эрде та бьн?» <sup>11</sup> Бьрайед wi һ'эвсудийа wi кьрьн, ле баве эв йэк дьле хwэда хwэй кьрьн.

<sup>12</sup>Брайед ви чунә Шьхәме ль бәр кәред пәзе баве хвә. <sup>13</sup>Исра-ел готә Усьв: «Нә брайед тә ль Шьхәме ль бәр пез ын? Wәрә эз тә бышиньмә щәм ван». Усьв гот: «Әз һазьр ьм». <sup>14</sup>Ақуб готә ви: «Һәла һәр'ә бьзаньбә к'а брайед тә сьламәт ын у пәзи чава нә. Хәбәрәке мьнр'а бинә». Әw шандә дәшта һебронә. Гава әw чу Шьхәме, <sup>15</sup>мерәк р'асти ви һат, кә әw ль дәште бәр'ийеда дьгәр'ийа у ви мәрвыи же пьрси: «Тө ль чь дьгәр'и?» <sup>16</sup>Әви готә: «Әз ль брайед хвә дьгәр'ьм, һиви дькьм бежә мьн, әw ль к'идәре пез дьч'еринь?» <sup>17</sup>Ви мәрвыи гот: «Ван жь вьр бар кьр чун. Мьн бьһист кә ван дьготьн: «Әм һәр'әнә Дот'анә». Усьв пәй брайед хвә к'әт у әw ль Дот'анә дитьн. <sup>18</sup>Гава әw дурва дитьн, һе незики ван нә бьбу, хәйба ви кьрын кә ви бькөжьн. <sup>19</sup>У һәвр'а готьн: «Ва йә, йе хвәйе хәвна те! <sup>20</sup>Дә wәрьн әм ви бькөжьн у бавежьнә нава жь ван ч'әла ч'әләке. Әме бежьн кә р'ә'wьрәки бәйани әw хварийә. Әме т'әсәлийа хәвнәд ви кьн, к'а we чава бьн!» <sup>21</sup>Р'убен бьһист у әw жь дәсте ван хьлаз кьр у гот: «Әм ви нәкөжьн». <sup>22</sup>Р'убен готә ван: «Хунә нәрәжьн, әви бавежьнә ве ч'әла чолә, дәсте хвә һьлнәдьнә ль сәр ви». Әви әв йәк гот, wәки әw жь дәсте ван хьлаз кьра у ль баве вәгәр'анда. <sup>23</sup>У гава Усьв һат гьһиштә брайед хвә, к'ьнща Усьв же ехьстьн, ава готи әw к'ьнща шийә р'әнг-р'әнгийә дьреж кә ль ви бу. <sup>24</sup>У әw гьртьн авитьнә ч'әләке, әw ч'әл вала бу ав теда т'өнәбу. <sup>25</sup>Р'уныштьн нане хвә бьхьн.

Вана дина хвә дане we к'арване исмайилийа жь Гиләд те. Дәвәйед ван бь бьһарәта<sup>Ф</sup>, мәлһ'әме у зьмьр<sup>Ф</sup> баркьри бун, бәржер дьбьрьнә Мьсьре. <sup>26</sup>Һьнге Щьһуда готә брайед хвә: «Әме чь к'арә бьбиньн, һәгәр әм бьре хвә бькөжьн у хуна ви вәшерьн? <sup>27</sup>Wәрьн әм ви бьфьрошьнә исмайилийа у бьра дәсте мә ль ви нәк'әвьн. Чьмки әw бьрайе мә йә, жь хун у қьнета мә йә». Брайед ви гөр'а ви кьрын. <sup>28</sup>Мьдйанийед\* базьрган кә дәрбаз дьбун,

\* 37:28 Мьдйанийа у исмайилийа мьләтәк бун. Бьнһер'ә һ'а-кьмти 8:22-24.



Усвь жь ч'э'ле к'шандьн дэрхьстьн у Усвь бь бист зиви фьротьнэ исмайилийа\*. Вана жи Усвь бьрьнэ Мьсьре.

<sup>29</sup>Р'убен сэр ч'э'леда вэгэр'ийа, дина хвэ даие кō Усвь ч'э'леда нинэ. Ђнгэ эви к'ьнще хвэ қэлаштьн, <sup>30</sup>ль сэр бьрайед хвэда вэгэр'ийа у гот: «Кōр'ьк т'ōнэ! У эз, эз к'ōда һэр'ьм?»

<sup>31</sup>Нерик сэржекьрьн у к'ьнща Усвь һьлдан хунедә кьрьн. <sup>32</sup>Әв к'ьнща р'әнг-р'әнгийә дьреж шандьн, анин данә бәве хвэ у готьн: «Мә әв дитийә, һиви дькьм, дина хвэ бьде, әва к'ьнща кōр'е тә йә, те нас ки, йан на?» <sup>33</sup>Әви к'ьнщ нас кьр у гот: «Әва к'ьнща кōр'е мьн ә! Р'ә'вьрәки бәйани әв хварийә, Усвь һатийә дьр'андьне!» <sup>34</sup>Ақуб к'ьнщед хвэ қэлаштьн, к'ōрх ль навк'елка хвэ гьреда у гәләк р'ожа шина кōр'е хвэ кьр. <sup>35</sup>Һ'әму кōр'ед ви у һ'әму қизед ви р'абун кō дьл бьднә ль бәр ви, ле әви қәбул нә дькьр у дьгот: «Әзе бь дьләки кōл һәр'ьмә Дийаре Мьрийә, ль щәм кōр'е хвэ». У бәве ви гьрийә бона ви. <sup>36</sup>Мьдйанийә әв Мьсьреда фьротьнә Потифаре вәзире Фьрәвьни сәрверә нобәдара.

### Щьһуда у Т'амара

**38** У өса қәвьми, кō ви чахи Щьһуда жь щәм бьрайед хвэ бәржер бу, чу щәм мәрвьәки әдуллами, наве ви һ'ира. <sup>2</sup>Ль we дәре Щьһуда қиза Шуа мәрвьәки кәнани дит, әв станд сәре хвэ wer'a дани. <sup>3</sup>Әва пе ма кōр'әк ани, Щьһуда наве ви дани Әр. <sup>4</sup>Әв диса пе ма кōр'әк ани, наве ви дани Онан. <sup>5</sup>Әве диса кōр'әк ани, наве ви дани Шеләһ. Гава әве әв зар' ани, Щьһуда ль К'ьзибе бу.

<sup>6</sup>Щьһуда кōр'е хвәйи ньхōри Әрр'a қизәк ани, наве we Т'амара. <sup>7</sup>Кōр'е Щьһудайи ньхōри Әр, ль бәр ч'ә'ве Хōдан йәки хьраб бу у Хōдан әв кōшт. <sup>8</sup>Щьһуда готә Онан: «Борще т'ийитийе бьқәдинә: т'әви жьна бьре хвэ р'әзе, we бьстинә у зōр'әте пәй бьре хвэ хә». <sup>9</sup>Онан ф'әм кьр,

кө эв зөр'эта ви найе һ'эсабе, гава т'эви жьнбьра хвэ р'адьза, эви мэйа хвэ дьр'етэ эрде, кө зөр'ете ль пэй бьре хвэ нэхэ. <sup>10</sup>Эв кьрына ви ль бэр ч'э'ве Хөдан хьраб к'ьфш кьр, эв жи көшт. <sup>11</sup>Щьһуда готэ бука хвэ Т'амарайе: «Жьнэби мала баве хвэда р'уни, һ'эта көр'е мьн Шелан мэзын бэ». Чьмки дьгот: «Бэлки эв жи мина бьрайед хвэ бьмьрэ». Т'амара чу ль мала баве хвэ р'унышт.

<sup>12</sup>Гэлэк вэхт дэрбаз бу, қиза Шуайе жьна Щьһуда мьр. Щьһуда барьстан бьбу, р'абу хвэха бь т'эви досте хвэ һ'ирайе эдуллами һэвраз чу Т'имнаһе, щэм пэзбьр'ед кэре пэзед хвэ. <sup>13</sup>Һынге щаб данэ Т'амарайе готын: «Ва йэ хэзуре тэ һэвраз те Т'имнаһе пэзе хвэ бьбьр'э». <sup>14</sup>Эве к'ьнща жьнэбитийа хвэ жь хвэ ехьст, хвэ хели кьр у хвэ п'еч'а у бэр дэргәһе Эйнайиме, ль сэр р'ийа Т'имнаһе р'унышт. Чьмки эве дит кө Шелан мэзын буйэ у эв нэданэ ви. <sup>15</sup>Гава Щьһуда ч'э'в we к'эт, ви т'ьре эв қавэк э, чьмки эве р'уйе хвэ ньхамтьбу. <sup>16</sup>Жь р'е дагэр'ийа бэрбь we чу у готе: «Те қайл би кө сэре хвэ мьнр'а дайни?» Чьмки ви ньзаньбу кө эв бука ви йэ. Эве гот: «Те чь бьди мьн кө тө сэре хвэ мьнр'а дайни?» <sup>17</sup>Эви гот: «Эзе жь нава кери карәке тэр'а бьшиньм». Эве гот: «Те чь к'эфил<sup>Ф</sup> бьһели һ'эта кө тө бьшини?» <sup>18</sup>Эви гот: «Эз чь к'эфил бьһельм?» Эве гот: «К'а мора хвэ, бэньпшта хвэ у даре дәсте хвэ». Эви жи эв тышт данэ we у сэре хвэ пер'а дани. У эв жь ви һ'эмлэ дэрк'эт. <sup>19</sup>Т'амара р'абу чу, хелийа ль сэр хвэ һьлда у к'ьнща жьнэбитийа хвэ ль хвэ кьр.

<sup>20</sup>Щьһуда бь дәсте досте хвэ эдуллами кар шанд, вәки к'эфил жь дәсте we к'өлфэте бьстинэ, ле эви эв нэдит. <sup>21</sup>Жь мэрьвед вьр пьрси у гот: «Эва хвэфрошэ\* ль сэре

---

\* 38:21 Эв эдуллами қэста хэбэра «қав» нэ гот чьмки э'йиб бу. «Хвэфрош» машоқа п'ут э, эве һэде хвэ дани дийари ощаха п'ут дькьр, бь ве кьрына хвэ ощаха п'утада һ'элал дьһатэ һ'эсабе, чьмки бь қавийа хвэ к'ар дьда ощаха п'ута. Қэдьре йед аһа ощахед п'утада гэләки бьльнд бу.

р'ийа Эйнайиме к'ө йэ?» Ле вана гот: «Ль вьр хвэфрош т'өнэ буйэ». <sup>22</sup>Эв вэгэр'ийа щэм Щьһуда у готе: «Мьн эв нэдит, мэрьвед ль вьр жи готын: «Ль вьр хвэфрош т'өнэ буйэ». <sup>23</sup>Щьһуда гот: «Бьра һэма жер'а бэ, т'эне эм нэбьнэ р'обэт. Ва йэ мьн эв кара шанд, ле тэ эв нэдит».

<sup>24</sup>Пэй се мэхар'а, готынэ Щьһуда: «Бука тэ Т'амара қави кьрийэ у ньһа жь we қавийе гьран э». Щьһуда гот: «We дэрхьн у бьра эв бе шэвьтандьне». <sup>25</sup>Гава эв дэрдьхьстьнэ дэрва, эве щаб сэр хэзуре хвэда шанд у гот: «Эз жь эви хвэйе ван тышта гьран ьм» у гот: «Һиви дькьм бьра бьзаньбэ ве море, бэньпыште у дар нас дьки?» <sup>26</sup>Һынге Щьһуда наскьрын у гот: «Эв жь мьн р'асттьр э, чьмки мьн эв нэда көр'е хвэ Шелан». У иди нэчу щэм we.

<sup>27</sup>У гава к'этэ ль бэр р'азане, хойа бу кө ва йэ зькада щеви нэ. <sup>28</sup>Чахе зар' дьбун, дэстэк хойа бу, пирэдэргуше бэнеки сор ль дэсте вива гьреда у гот: «Эва йе э'вльн э». <sup>29</sup>Эве кө дэсте хвэ чава пашда к'ьшанд, бьрайе вийи дьн бу. Һынге эве гот: «Тэ чь қэльшток бона хвэ вэкьр!» Һынге наве ви Перес\* һатэ данине. <sup>30</sup>Пэйр'а бьре вийи кө бэне сор ль дэсте вива гьредаи бу. Һынге наве ви Зэраһ\* һатэ данине.

### Усьв Мьсьреда

**39** Усьв бэржери Мьсьре кьрын. Вэзире Фьрэвьн, Потифаре мьсьрийи сэрwere нобэдара, эв жь дэсте исмайилийед кө эв бэржер бьрьбунэ вьр к'ьр'и. <sup>2</sup>Хөдан<sup>ф</sup> т'эви Усьв бу, эв йэки хери жехати бу у мала ахайе хвэйи мьсьрида дьма. <sup>3</sup>Ахайе ви дит кө Хөдан пер'а бу у һэр тыште кө эв дькэ, Хөдан бь дэсте ви ль һэв тинэ. <sup>4</sup>Усьв ль бэр ч'э'ве ви к'эрэм дит у эв бу бэр-дэстийе ви. Эви эв кьрэ бэрпьрсийаре мала хвэ у

\* 38:29 Бь зьмане ибрани «Қэльшток».

\* 38:30 Бь зьмане ибрани «Соре мина нура бэрбанге».

h'эму һәбука хwә да дәсте wi. <sup>5</sup>Wi чахида гава әви әw кьрә бәрпърсийаре мала хwә, Хөдан бона хатьре Усьв, дөа h'эму һәбука мала мьсьри кьр, чава кө йа малда, өса жи йа әрде. <sup>6</sup>У чи wi һәбу h'эму дәсте Усьвда һышт у әw һаш тыштәки мала хwә т'өнә бу, пештьри wi нане кө дьхвар.

Усьв бәжын у баледа йәки бәрбьч'әв у бәдәw бу. <sup>7</sup>Пәй ван йәкар'a, өса бу кө жьна ахайе wi ч'әв бәрда Усьв у готе: «Сәре хwә мьнр'a дайнә». <sup>8</sup>Ле әви т'әхсир кьр у готә жьна ахайе хwә: «Ахайе мьн һаш жь пе т'өнә мала wiда чи wi щәм мьн һәйә у h'эму һәбука хwә дайә дәсте мьн. <sup>9</sup>Ве маледа жи жь мьн мәзынтър кәс т'өнә у тыштәк жи әви жь мьн на-на нәкьрийә пештьри тә, чьмки тө жьна wi йи, әзе чава ве хьрабийа мәзын бькьм у ль бәр Хwәде гөнә бькьм?» <sup>10</sup>Әве кө һәр р'о аһа дьготә Усьв, ле әви гөр'a we нәдькьр, кө әw т'әви we р'әзе йан т'әви we бә.

<sup>11</sup>У р'ожәке, гава әw к'әтә мале, кө шьхөле хwә бькә у жь мәрвьед we мале жи кәсәк нә малда бу, <sup>12</sup>һынге ханьме дәст авитә к'ьнща wi гьрт у гот: «Сәре хwә мьнр'a дайнә». Ле әви к'ьнща хwә дәсте weва бәрда у р'әви дәрк'әтә дәрва. <sup>13</sup>Чахе әве дина хwә дайе, кө әви к'ьнща хwә дества бәрда у р'әви дәрва, <sup>14</sup>әве гази мәрвьед мала хwә кьрын, ванр'a гьли кьр у гот: «Һәла дина хwә бьдьне, әви чу ибраник ани кө намуса мәр'a бьлизә. Әва һатә щәм мьн, кө дәст бавежә мьн, ле мьн бь дәнге бьльнд кьрә қар'ин. <sup>15</sup>Әви кө бьһист мьн дәнге хwә бьльнд кьр у кьрә қар'ин, к'ьнща хwә ль щәм мьн һышт у р'әви дәрк'әтә дәрва».

<sup>16</sup>У әве к'ьнща wi ль щәм хwә хwәй кьр, һ'әта кө хwәйе we һатә мале. <sup>17</sup>Диса әв готьна хwә wәк'ьланд готә wi: «Әw хөламе ибранийи<sup>Ф</sup> кө тә мәр'a анийә, һатә щәм мьн, кө намуса мьнр'a бьлизә. <sup>18</sup>Ле гава мьн дәнге хwә бьльнд кьр у кьрә қар'ин, әви к'ьнща хwә һышт у р'әви дәрва».

<sup>19</sup>У гава ахайе wi әв хәбәр жь жьна хwә бьһистьн, кө жер'a гьли кьр гот: «Хөламе тә әв йәк ани сәре мьн». һерса

ми р'абу. <sup>20</sup>Ахайе Усвь эв гьрт авитэ кэле, ми щийе кё гьртиед п'адше гьредаи бун. У эв ль вьр кэледа ма. <sup>21</sup>Ле Хёдан т'эви Усвь бу у h'оба хвэйэ амьн да к'ьфше, öса кё эви бэр ч'эве сэрвеве кэле к'эрэм дит. <sup>22</sup>Сэрвеве кэле h'эму гьртиед кэле данэ дэсте Усвь. У чь кё ль вьр дьһатэ кьрьне, эви дьда кьрьне. <sup>23</sup>Сэрвеве кэле дина хвэ нэдьда ван тыштед дэсте вида, чьмки Хёдан т'эви ми бу у h'эму шьхөле ми Хёдан жер'а ль һэв дани.

### Усвь кэледа дё хэвна шьровэдькэ

**40** У öса қэвьми, кё пэй ван йэкар'а, шэравдар у нанпеже п'адше Мьсьре, һьндава хвэйе хвэ, п'адше Мьсьреда нэһэқи кьрын. <sup>2</sup>Һерса Фьрэвьн ль сэр дё вэзиред ми, ава готи ль сэрвеве шэравдар у сэрвеве нанпеже ми р'абу <sup>3</sup>у эв авитьнэ гьртихана кэла мала сэрвеве нобэдара, ми щийе кё Усвь теда гьрти бу. <sup>4</sup>Сэрвеве нобэдара Усвь кьрэ вэк'иле ван у эви хьзмэт-к'арийа ван дькьр. У эвана һьнэк вэхт гьртиханеда ман.

<sup>5</sup>У шэвэкеда ван һэр дёйа, шэравдар у нанпеже п'адше Мьсьре, йед кё кэледа гьрти бун, һэр йэки льгора фэ'мина хэвна, хэвне хвэ дитьн. <sup>6</sup>Сьбэһе зу Усвь һатэ щэм ван, дина хвэ даие кё эвэ ва мэдэкьри нэ. <sup>7</sup>У эви жь ван вэзиред Фьрэвьн, йед кё мала хвэйе вида т'эви ми гьртиханеда бун пьрси: «Һун чьма иро мьр'уз кьри нэ?» <sup>8</sup>Вана готэ ми: «Мэ хэвн дитьнэ у кэсэк т'өнэ кё шьровэкэ». Усвь ванр'а гот: «Шьровэкьрын жь Хвэде йэ! К'эрэм кьн, мьнр'а бежьн».

<sup>9</sup>Сэрвеве шэравдара хэвна хвэ Усвьр'а гьли кьр у гот: «Хэвна мьнда ва йэ к'олэкэ тьрийе бэр мьн бу, <sup>10</sup>ль сэр we к'оле се ч'ьқьл һэбун, эве гөпк да, гөлед we вэбун у гушийед тьрийа гьһиштьн. <sup>11</sup>К'аса Фьрэвьн жи дэсте мьнда бу, мьн тьри һьлдан, к'аса Фьрэвьнда гөһаштьн у к'ас да дэсте Фьрэвьн». <sup>12</sup>Усвь готэ ми: «Шьровэкьрына we эв э: се ч'ьқьл, эв се р'ож ьн. <sup>13</sup>Се р'ожа шунда Фьрэ-

вьне тэ бьльнд кэ у диса we тэ дайнэ ль сэр қольха тэ у чава тө щэм ви шэравдар буйи, те диса мина э'дэте бэре, к'аса Фьрэвьн бьди дэсте ви. <sup>14</sup>Ле гава дэргэһэ-ки хере ль сэр тэ вэбэ, мьн бини бира хwэ, қәнщике жи мьнр'а бьки у ль бэр Фьрэвьн мьн бир бини, мьн жь ве мале дэрхи. <sup>15</sup>Чьмки р'аст эз жь wэлате ибранийа хатъмэ дьзине, өса жи вьра мьн тыштэки өса нэкьрьбу, кө бьк'этама ве зьндане».

<sup>16</sup>Сэрwере нанпежа дит, кө шьровэкьрьна ви ль ви хwэш хат, готэ Усьв: «Хэвна мьнда ва нэ се сэлэ нане сьпи ль сэр сэре мьн бун, <sup>17</sup>сэла лапэ жорьнда хэр шу-р'э хварьнед Фьрэвьн һэбун, йед кө нанпеж чедькэ у тэйрэда жь сэла ль сэр сэре мьн нькөл дькьрьн дьхварьн». <sup>18</sup>Усьв ле вэгэр'анд у готе: «Шьровэкьрьна we эв э: се сэлэ, эw се р'ож ьн. <sup>19</sup>Се р'ожа шунда Фьрэвьне тэ бьльнд кэ у тэ дар хэ, тэйрэдэе жи тэ нькөл кьн гоште тэ бьхвьн».

<sup>20</sup>Р'ожа сьсийа, кө р'ожа буйина Фьрэвьн бу, эви мэсрэфэк бона һ'эму хөламед хwэ дани у жь нава хөла-мед хwэ, сэрwере шэравдара у сэрwере нанпежа бьльнд кьрьн\*. <sup>21</sup>Сэрwере шэравдара дани ль сэр қольха ви у эви к'ас да дэсте Фьрэвьн, <sup>22</sup>ле сэрwере нанпежа дар хьст, чава Усьв шьровэкьрьбу. <sup>23</sup>Иди Усьв нэ к'этэ бира сэрwере шэравдара у эви эw бир кьр.

### Усьв хэвнед Фьрэвьн шьровэдькэ

**41** У өса қэвьми, кө дө сала шунда Фьрэвьн хэв-нэк дит, ва йэ эw ль дэве ч'эме Ниле сэкьни бу <sup>2</sup>у ва нэ һ'эфт ногьнед бэдэwэ к'ок жь Ниле дэрк'этьн у нава қамишада ч'ерийан. <sup>3</sup>Пэй ванр'а, дина хwэ дае, ва нэ һ'эфт ногьнед дьн жи, һ'ьшколэкийэ қав-қавки жь

\* 40:20 Жь кэле дэрхьстьн.

Ниле дэрк'этын, щэм ван ногъна ль дэве Ниле сэкьнин,  
<sup>4</sup>у ван ногънед һ'ышколэкийэ қав-қавки, эw һэр һ'эфт  
 ногънед бэдэwэ к'ок хварьн, һынге Фьрэwьн һ'ышйар бу.

<sup>5</sup>У ч'э'ве wi диса чунэ ль сэр һэв, эwi щара дōда хэwн  
 дит, ва йэ ль сэр сапэке, һ'эфт сьмбьлед т'ьжи у р'ьнд  
 дэрдьк'этын. <sup>6</sup>Пэй ванр'а ва йэ һ'эфт сьмбьлед валайэ  
 жь байе р'оһьлате\* шэwьти шин бун, <sup>7</sup>у ван сьмбьлед  
 вала, эw һэр һ'эфт сьмбьлед т'ьжийэ р'ьнд һ'уфи хwэ  
 кьрьн. Фьрэwьн һ'ышйар бу, ва йэ хэwн бу.

<sup>8</sup>We сьбэһе дьле Фьрэwьн кō нэ р'ьһ'эт бу, эwi шанд  
 гази һ'эму к'оч'эка у занэйед Мьсьре кьрьн у хэwнед хwэ  
 ванр'а гьли кьрьн, ле кэсэк т'өнэбу кō эw хэwн Фьрэ-  
 wьнр'а шьровэкьрана.

<sup>9</sup>Һынге сэрwере шэравдара Фьрэwьнр'а хэбэрда у готе:  
 «Иро гōнэк'арийа мьн һатэ бира мьн. <sup>10</sup>We һынге гава Фь-  
 рэwьн һерса хwэ ль сэр хōламед хwэ р'акьр, эз авитьмэ  
 гьртихана мала сэрwере нобэдара, т'эви сэрwере нанпежа.  
<sup>11</sup>Мьн у wi шэwэкеда хэwн дитьн, мэ һэр йэки ль гора  
 фэ'мина хэwна хwэ, хэwн дитьн. <sup>12</sup>Ль wьр хортэки иб-  
 рани т'эви мэ һэбу, эw хōламе сэрwере нобэдара бу, мэ  
 хэwнед хwэ wир'а гьли кьрьн, эwi мэр'а шьровэкьрьн,  
 хэwнед мэ һэр йэки эwi р'аст мэр'а шьровэкьрьн. <sup>13</sup>Эwi  
 чава мэр'а шьровэкьрьн, оса жи бу, эз вэгэр'ийамэ ль  
 сэр қōльхе хwэ, ле эwe дьн һатэ дархьстьне».

<sup>14</sup>Һынге Фьрэwьн шандэ пэй Усьв. Эw бь лэз жь зьнда-  
 не дэрхьстьн, р'уйе хwэ кōр' кьр, к'ьнщед хwэ гōһастьн  
 у һатэ щэм Фьрэwьн. <sup>15</sup>Фьрэwьн готэ Усьв: «Мьн хэwн  
 дитийэ, ле кэсэк т'өнэ кō бькарьбэ мьнр'а шьровэкэ, мьн  
 бьһистийэ кō дьбежьн: тō хэwна дьбьһейи у шьровэдьки».  
<sup>16</sup>Усьв ль Фьрэwьн вэгэр'анд у готе: «Эв һ'өньре мьн ни-  
 нэ, ле Хwэдейе щабэкэ хер бьдэ Фьрэwьн». <sup>17</sup>Фьрэwьн

\* 41:6 Байе кō жь бэр'ийа гэрм дьһат.

Усвьр'а гот: «Мьн хэвн дит: ва йэ эз ль дэве Ниле сэкьни бум, <sup>18</sup>ва нэ һ'эфт ногьнед бэдэвэ к'ок жь Ниле дэрк'э-т'ьн у нава қамишада ч'ерийан. <sup>19</sup>Пэй ванр'а, мьн дина хвэ даје, ва нэ һ'эфт ногьнед дьн жи, жар, һ'школэки у қав-қавки, кө мьн т'эмамийа вэлате Мьсьреда йед мина ван өса һ'школэки нэдит'ьнэ, <sup>20</sup>у ван ногьнед һ'школэкийэ қав-қавки, эв һэр һ'эфт ногьнед пешийейэ к'ок хварьн. <sup>21</sup>Эв чунэ зькед ван у қэт к'ьфш жи нэдбу кө эв чунэ зькед ван, эв өса жи һ'школэки ман мина бэре. У эз һ'шйар бум. <sup>22</sup>У диса хэвн дит, ва йэ ль сэр сапэке һ'эфт сьмбьлед т'ьжи у р'ьнд дэрдьк'этьн. <sup>23</sup>Пэй ванр'а һ'эфт сьмбьлед һ'шк у валайэ жь байе р'оһьлате шэвьти шин бун, <sup>24</sup>у ван сьмбьлед вала, эв һэр һ'эфт сьмбьлед т'ьжийэ р'ьнд һ'уфи хвэ кьр'ьн. Мьн к'оч'экар'а гьли кьр, ле кэсэки мьнр'а шьровэнэкр'».

<sup>25</sup>Һьнге Усвь готэ Фьрэвьн: «Хэвнед Фьрэвьн йэк ьн. Тыште кө Хвэдеје бькэ, эв э'лами Фьрэвьн кьрийэ. <sup>26</sup>Эв һэр һ'эфт ногьнед р'ьнд, эв һ'эфт сал ьн, өса жи эв һэр һ'эфт сьмбьлед р'ьнд, һ'эфт сал ьн, эв хэвн йэк ьн. <sup>27</sup>Эв һэр һ'эфт ногьнед һ'школэкийэ у қав-қавки, кө пэй ванр'а дэрк'этьн, эв һ'эфт сал ьн у эв һэр һ'эфт сьмбьлед валайэ жь байе р'оһьлате шэвьти, эв һэр һ'эфт салед хэлайе нэ. <sup>28</sup>Эз ве йэке дьбежымэ Фьрэвьн, вэки Хвэде тыште кө ве бькэ, нишани Фьрэвьн кьрийэ. <sup>29</sup>Ва йэ, һ'эфт сале бен, кө т'эмамийа вэлате Мьсьре ве т'ер у т'ьжи бэ. <sup>30</sup>Ле пэй ван салар'а, ве һ'эфт сала бьбэ хэлайи у һ'эму т'ер у т'ьжибуна вэлате Мьсьре ве бе биркьр'ьне. Хэлайе вэлет дақөртинэ. <sup>31</sup>У ве өса бэ, кө жь дэст ве хэлайа кө ве пэйр'а бе, эв т'ер у т'ьжибуна вэлет иди нэје биранине. Чьмки хэлайе гэлэки гьран бэ. <sup>32</sup>Ле хэвна кө Фьрэвьнр'а дө щара һатийэ вэк'ьлан-дьне, те һ'эсабе, кө эв йэк алийе Хвэдеда э'сэйикьри йэ у Хвэде ве зутьрэке бькэ. <sup>33</sup>Бьра ньһа Фьрэвьн мэрвьэки билан у сэрвахт бьбинэ у ви дайнэ ль сэр т'эмамийа



вэлате Мьсьре. <sup>34</sup>Бъра Фьрэwьн ве йэке бькэ, бэрпър-сийар дайнэ ль сэр вэлет у нава ван h'эфт салед т'ер у т'ьжида, жь h'эму дэрэматед вэлате Мьсьре жь пенща йэки бьстиньнэ. <sup>35</sup>У бьра h'эму хөрэкед нава ван салед қэнщда кө we бен т'оп кьн, у бьн дэсте Фьрэwьнда гəньм бьдьнэ сэрhэв у бажарада хөрэк хwэй кьн, <sup>36</sup>wэки хөрэк к'исе вэлетда hэбэ, бона wan h'эфт салед хэлайейэ кө we вэлате Мьсьреда бьбэ, кө вэлат жь хэлайе қьр' нэбэ».

<sup>37</sup>Эв йэк ль Фьрэwьн у h'эму хөламед wi хwэш hat. <sup>38</sup>Фьрэwьн готэ хөламед хwэ: «hун дькарьн мэрвэки мина ви бьбиньн, кө P'öh'e Хwэде\* теда бэ?» <sup>39</sup>hьнге Фьрэwьн готэ Усьв: «Хwэде кө эв йэк ль бэр тэ вэкьрийэ, билан у сэрвахте мина тэ т'өнэнэ. <sup>40</sup>Тө ль сэр мала мьнр'а бэ, т'эмамия щьмэ'та мьн жи гөhdарийа готьнед дэве тэ бькэ, эз т'эне т'эхте хwэда жь тэ мастьр бьм». <sup>41</sup>У Фьрэwьн сэрда зедэ кьр у готэ Усьв: «Ва эз тэ датиньмэ ль сэр т'эмамия вэлате Мьсьре». <sup>42</sup>hьнге Фьрэwьн гөс-тила мора хwэ жь т'элийа хwэ дэрхьст, кьрэ т'элийа Усьв, к'ьнщед к'ьтани зьрав лекьрьн у зьнщирэкэ зер'ин авитэ стуйе wi. <sup>43</sup>Эw ль э'рэба хwэйэ дөда да сийаркьрьне у пешиа wi бь дэнге бьльнд дькьрьнэ гази: «Чок бьдьн!» У эw дани ль сэр т'эмамия вэлате Мьсьре. <sup>44</sup>Фьрэwьн готэ Усьв: «Эз Фьрэwьн ьм, бейи тэ т'ө кэс, т'эмамия вэлате Мьсьреда нькарьбэ дэсте хwэ йан ньге хwэ бьльнд кэ». <sup>45</sup>Фьрэwьн наве Усьв дани Сафьнат'-Панеа у Аснат'а қиза Потти-Пэрайе т'эреде бажаре Оне да wi. Усьв р'абу ль вэлате Мьсьре бьгэр'э. <sup>46</sup>Усьв си сали бу, гава эw ль бэр Фьрэwьн п'адше Мьсьре сэкьни. Усьв жь щэм Фьрэwьн дэрк'эт, ль т'эмамия вэлате Мьсьре гэр'ийа.

<sup>47</sup>Wан h'эфт салед т'ер у т'ьжитийеда, э'рде гэлэк дэрэмэт да. <sup>48</sup>Эwi h'эму хөрэкед wan h'эфт салед кө э'рде

\* 41:38 Аha жи те фэ'мкьрьне: «p'öh'e хwэдейа».

Мьсьре дьда, да сэр хэв, у эв хөрэк бажарада ши-вар кьрын, хэр хөрөкед жь эрде дор у бэред бажара, нава ванда ши-вар кьрын. <sup>49</sup>Усьв мина цума бэре, һагаси гэлэк гэньм лод кьр, өса кө иди һ'эсаб нэкьрын, чьмки нэдьһатэ һ'эсабе.

<sup>50</sup>Бэри һатьна салед хэлайе, Усьвр'а дө көр' бун. Эвана Аснат'а қиза Потти-Пэрайе т'эреде бажаре Оне жер'а анин. <sup>51</sup>Усьв наве көр'е хвэйи ньхөри дани Мьнашэ\* у гот: «Чьмки Хвэде һ'эму дэрд-көле мьн у мала баве мьн жь бира мьн дэрхьстьн». <sup>52</sup>Наве йе дөда дани Эфраим\* у гот: «Чьмки Хвэде ви вэлате зэлулийа мьнда, бэдэна мьн шин кьр».

<sup>53</sup>Эв хэр һ'эфт салед вэлате Мьсьредайэ т'ер у т'ьжийе дэрбаз бун, <sup>54</sup>у эв хэр һ'эфт салед хэлайе дэстпекьрын, чава кө Усьв готьбу. һ'эму вэлатада бу хэлайи, ле т'эма-мийа вэлате Мьсьреда нан һэбу. <sup>55</sup>Гава бьр'чибун к'этэ т'эмамийа вэлате Мьсьре, щьм'эте бона нан һэвара хвэ Фьрэшьн дани. Фьрэшьн готэ һ'эму мьсьрийа: «һэр'ьнэ щэм Усьв, чь вэр'а бежэ бькьн». <sup>56</sup>Т'эмамийа р'уйе эрде бу хэлайи, Усьв һ'эму э'мбар вэкьрын у фьротэ мьсьри-йа. Хэлайи вэлате Мьсьреда гьран бу. <sup>57</sup>У жь т'эмамийа т'опа дьне дьһатьнэ Мьсьре, жь Усьв гэньм дьк'ьр'ин, чьмки ль сэр т'эмамийа р'уйе эрде хэлайи гьран бьбу.

### Ақуб көр'ед хвэ дьшинэ Мьсьре

**42** Ақуб бьһист кө ль Мьсьре гэньм һэйэ у Ақуб готэ көр'ед хвэ: «һун чь ч'эве һэв дьньһер'ьн?» <sup>2</sup>Готэ ван: «Ава мьн бьһистийэ кө ль Мьсьре гэньм һэйэ, бэр-жери ль вьр бьн у жь вьр мэр'а бьк'ьр'ьн, кө эм бьжин нэмьрын». <sup>3</sup>Дэһэ бьрайед Усьв бэржер чунэ Мьсьре, кө гэньм бьк'ьр'ьн. <sup>4</sup>Ле Ақуб бьрайе Усьв Бьнйамин, т'эви

\* 41:51 Дэнге we мина: «Да биркьрын».

\* 41:52 Бь зьмане ибрани «Хвэйибэр».

бърайед ви нэ шанд, дьгот: «Бэлки қазик бе сәре ви». <sup>5</sup>Көр'ед ИсраелФ һатьбун гәнъм бьк'ър'ьн, т'эви йед ма-ийнэ һати, чьмки ль вэлате Кәнанеда хәлайи бу.

<sup>6</sup>Усьв хwәха сәрwере ви вәлати бу. Әви хwәха жи хөрәк дьфьротә т'әмабийа щьмә'та вәлет. Бърайед Усьв һатьн у ль бәр ви дәвәр'уйа чунә әрде. <sup>7</sup>Усьв бьрайед хwә кә дитьн әви әв нас кьрьн. Ле хwә өса да к'ьфше йане әв ван нас накә, т'эви ван һерс хәбәрда у готә ван: «Һун жь к'ө һатьнә?» Вана гот: «Әм жь вәлате Кәнане бона хөрәк к'ър'ине һатьнә». <sup>8</sup>Усьв бьрайед хwә нас кьрьн, ле вана әв нас нәкьрьн. <sup>9</sup>Һынге Усьв әв хәвнәд кә ль сәр ван дитьбун бир анин у готә ван: «Һун щә'сус ьн, һун һатьнә кә щики сьстийа ви вәлати бьбиньн». <sup>10</sup>Вана готә ви: «На хwәйе мә, хөламед тә һатьнә кә хөрәк бьк'ър'ьн». <sup>11</sup>Әм һ'әму көр'ед бавәки нә, әм мәрвнә ширһ'әлал ьн, хөламед тә нә щә'сус ьн. <sup>12</sup>Әви готә ван: «На, һун һатьнә кә щики сьстийа вәлет бьбиньн». <sup>13</sup>Вана гот: «Әм хөламед тә, донздәһ бьра нә, вәлате Кәнанеда көр'ед бавәки нә, йе бьч'ук ньһа ль щәм баве мә йә, ле йәк жи иди т'өнә». <sup>14</sup>Усьв готә ван: «Һәма әв ә кә мьн готә вә: «Һун щә'сус ьн!» <sup>15</sup>Һуне бь ве йәке бенә щер'ьбандьн: Әз сәре Фьрәwьн кьм, һун жь вьр дәрнак'әвьн һ'әта кә бьрайе вәйи бьч'ук нәйе ве дәре. <sup>16</sup>Жь нав хwәда йәки бьшиньн, бьра һәр'ә бьрайе вә бинә, ле һуне гьрти бьн, кә аһа готьнәд вә бенә щер'ьбандьне, ванда р'асти һәйә йан на. Ле һәгәр на. Әз сәре Фьрәwьн кьм: «Һун щә'сус ьн!»» <sup>17</sup>Се р'ожа әв авитьнә гьртихана кәле.

<sup>18</sup>Р'ожа сьсийа Усьв готә ван: «Аһа бькьн кә һун сах бьминьн, чьмки әз жь Хwәде дьтьрсьм. <sup>19</sup>Һәгәр һун мәрвнә ширһ'әлал ьн, бьра жь бьрайед вә йәк ве мала кә һун теда гьрти нә, бьминә, ле йед майин гәнъм хәлайи мала хwәр'а бьгьһиньн, <sup>20</sup>бьрайе хwәйи бьч'ук жи мьнр'а биньн, вәки готьна вә р'аст дәре у һун нәмьрьн». Вана өса жи кьр. <sup>21</sup>У һынге һәвр'а готьн: «Бь р'асти әм һьндава

бърайе хвэда гөнэк'ар ын, чъмки мэ тэли-тэнгийя ви дит, гава ль бэр мэ лава-дилэк дькър, ле мэ гөһ нэдаие, лэма жи эв тэли-тэнги те сэре мэ». <sup>22</sup>Р'убен ль ван вэгэр'анд у гот: «Мьн вэр'а нэдыгот: «Һьндава көр'ькда гөна нэкьн?» Ле вэ гөр'а мьн нэкър, ньһа хуна ви жь мэ те хвэстыне». <sup>23</sup>Вана ньзанэбун, кө Усвь ван фэм дькэ, чъмки пе т'эрщъмэкър ванр'а хэбэр дьда. <sup>24</sup>Усвь жь ван дур к'эт, гьрийя. Диса ль сэр ванда вэгэр'ийя, т'эви ван хэбэрда у жь нава ванда Шьмһ'ун гьрт, ль бэр ч'э'ве ван эв гьреда. <sup>25</sup>Усвь фэрман кър, кө баред ван гэньм дагьрын, у п'эре ван һэр кэси текьнэ т'ер'ед ван, нане р'е жи ванр'а дайньн. Өса жи һатэ кьрьне. <sup>26</sup>Вана гэньме хвэ ль к'эред хвэ бар кьрын у жь вьр чун. <sup>27</sup>К'ар-вансэреда йэки жь ван т'ер'а хвэ вэкър, кө кайе бьдэ к'эре хвэ, дина хвэ даие ва йэ п'эре ви ль сэр дэве т'ер'е йэ. <sup>28</sup>У эви готэ бьрайед хвэ: «П'эре мьн ль мьн вэгэр'андьнэ, ва йэ эв вьр т'ер'а мьн дайэ». һьнге дьле ван нава ванда р'ьщьфи у бь тьрс һэвр'а готьн: «Хвэде эв чь ани ль сэре мэ?»

<sup>29</sup>Эв һатьнэ вэлате Кэнане, щэм баве хвэ Ақуб у һэр тьште кө һатьбу ль сэре ван, т'эв гьликьрын у готьне: <sup>30</sup>«Мэрвь кө хвэйе ви вэлати йэ мэр'а һ'ьшк хэбэрда, эм данинэ дэвса щэ'сусед вэлет. <sup>31</sup>Мэ вьир'а гот: «Эм мэрвь-нэ шьрһ'элал ын, эм нэ щэ'сус ын. <sup>32</sup>Эм донздәһ бьранэ, көр'ед бавэки нэ, ле йэк жи иди т'өнэ, ле йе бьч'ук ньһа ль вэлате Кэнане щэм баве мэ йэ. <sup>33</sup>Ви мэрьве хвэйе ви вэлати мэр'а гот: «Эзе бь ве йэке бьзаньбьм кө һун мэрвьнэ шьрһ'элал ын, бьраки хвэ щэм мьн бьһельн, ле һун бона хэлайя мала хвэ, хөрэк һьлдьн һэр'ьн. <sup>34</sup>Ле бьрайе хвэйи бьч'ук мьнр'а бьньн, вэки эз бьзаньбьм, кө һун нэ щэ'сус ын, ле мэрвьнэ шьрһ'элал ын, эзе бьрайе вэ бьдьмэ вэ, һуне жи бькарьбьн ви вэлатида т'өща-рэтийе бькьн»».

<sup>35</sup> Гава вана т'ер'ед хвэ вала дькърн, дина хвэ дане we к'иське п'эре ван хэр кэси жи т'ер'ед ванда нэ. Ван у бавед хвэва, гава эw к'иськед п'эред хвэ дитын, тър-сийан. <sup>36</sup> Ђынге баве ван, Аqуб готэ ван: «Wэ дэсте мьн жь кър'ед мьн кърн, Усьв т'онэ, Шьм'ун т'онэ у Ђы-йамин жи дьхвазьн жь мьн бьстиньн, эв h'эму те сэре мьн!» <sup>37</sup> Р'убен баве хвэр'а хэбэрда у гот: «hэгэр эз ви нэйньм нэдьмэ тэ, тó ван хэр дó кър'ед мьн бькóжэ, к'а эви бьдэ дэсте мьн у эзе ви пашда биньм бьдьмэ тэ». <sup>38</sup> Ле Аqуб гот: «Кър'е мьне т'эви wэ бэржер найе, чьмки бьрайе ви мьрийэ у эw т'эне майэ, hэгэр we р'ийа кó хун теда дьчын qэзик бе сэре ви, Ђынге хуне п'ор'е мьни сьпи, бь к'эдэр бькьнэ Дийаре Мьрийа».

### Ђыра Ђынайамин т'эви хвэ дьбьнэ Мьсьре

**43** Хэлайе зор ль wэлет кър. <sup>2</sup> Гава гэньме жь Мьсь-ре анибун, хварьн хьлаз кърн, баве ван готэ ван: «Диса wэгэр'ьн бона мэ Ђынк хóрэк бьк'ър'ьн». <sup>3</sup> Ле Щь'уда ле wэгэр'анд у готе: «Эви мэрьви гьлийе т'ам да дэсте мэ у гот: «hэгэр бьрайе wэ т'эви wэ нибэ, р'уйе wэ ль р'уйе мьн нэк'эwэ». <sup>4</sup> hэгэр те бьрайе мэ т'эви мэ бьшини, эме бэржер бьн тэр'а хóрэк бьк'ър'ьн, <sup>5</sup> ле hэгэр тó нэшини, эм бэржер начьн. Чьмки эви мэрьви мэр'а гот: «hэгэр бьрайе wэ т'эви wэ нибэ, р'уйе wэ ль р'уйе мьн нэк'эwэ». <sup>6</sup> Исраел гот: «Чьма wэ эв нэхэqи мьнр'а кър: готэ ви мэрьви кó бьраки wэйи дьн жи hэйэ?» <sup>7</sup> Вана гот: «Эви мэрьви h'але мэ, h'але пьсамед мэ бь хур-гьли пьрси гот: «Баве wэ he сах э? Бьрайе wэ диса hэнэ?» Мэ жи щаба ван пьрса да ви. Мэ чь заньбу кó эwe бежэ: «Бьрайе хвэ бэржер биньн?» <sup>8</sup> Щь'уда баве хвэ Исраелр'а гот: «Кър'ьк т'эви мьн бьшинэ, эм р'абьн hэр'ьн, wэки эм сах бьминьн, нэ эм бьмьрн нэ тó, нэ жи зар'окед мэ. <sup>9</sup> Эз щабдарийа бона ви hьлдьдьмэ ль сэр хвэ, тó ви жь дэсте мьн бьхвэзэ, hэгэр эз ви нэйньм

нэдьмэ тэ у ль бэр тэ нэдьмэ сэкьнандьне, т'эмамыйа э'мьре хwэда эз ль бэр тэ гөнэк'ар бьм. <sup>10</sup>Һэгэр мэ дэ-рэнги нэхьста, эм ньһа щара дөда ле вэгэр'ийа бун». <sup>11</sup>Баве ван Израел ванр'а гот: «Һэгэр өса йә, ньһа аһа бькьн, т'эви хwэ р'эзед башә ви wлати хwэр'а һьлдьн у ви мәрвир'а п'ешк'еш бәржер бьбьн, һьнәк мәлһ'эм, һьнгьв, бьһарәтФ, зьмьр, фьстәq у бәһив. <sup>12</sup>Т'эви хwэ жи дөбарә п'эра һьлдьн, ван п'эред кө ль сәр дәвед т'ер'ед wә дани пашда һатьнә, бь дәстед хwэ пашда бьбьн, дьбә кө шаш кьрьбьн, <sup>13</sup>р'абьн бьре хwэ һьлдьн у диса вэгә-р'ьн щәм ви мәрви. <sup>14</sup>Бьра Хwәдейе һәри Зор, бьдә wә кө һун ль бэр ви к'эрәме бьбиньн, wәки әw бьре wәйи дьн у Бьһиямин ль wә вэгәр'инә. Ле һэгэр эз дәсте хwэ жь ван көр'ед хwэ бькьм жи, бьра бекөр' бьм».

<sup>15</sup>У вана әв п'ешк'еш у дәсте хwэда жи дөбарә п'эрә, өса жи Бьһиямин һьлдан р'абун бәржери Мьсьре бун у ль бэр Усьв сәкьнин. <sup>16</sup>Гава Усьв Бьһиямин т'эви ван дит, готә wәк'иле мала хwә: «Ван мәрьва бьбә мале, гошти сәржекә у һазьр кә, чьмки әwe фьравине т'эви мьн бь-хььн». <sup>17</sup>У ви мәрви, Усьв чава готьбуйе, өса жи кьр, әw мәрвь бьрьнә мала Усьв. <sup>18</sup>Әв мәрьвана тьрсийан, кө әw бьрьнә мала Усьв һьнге готьн: «Бәре пешьн эм бо-на ван п'эред т'ер'ед хwэда тенә бьрьне, кө һ'щуми ль сәр мә бькә, ль сәр мәда бьгьрә мә бькә хөлам, өса жи к'әрәд мә». <sup>19</sup>Һьнге әw незики ви мәрьве wәк'иле мала Усьв бун у бэр дәре мале wir'а хәбәрдан, <sup>20</sup>у готьне: «Хwәйе мә, щара пешьн эм бәржер һатьн кө хөрәк бьк'ь-р'ьн, <sup>21</sup>гава әм гьһиштьнә к'арвансәрәке, мә т'ер'ед хwэ вәкьрьн, мә дина хwә даје, ва йә п'эре мә һәр кәси, wәкә к'ашед хwә, ль сәр дәве т'ер'ед мә бун. Мә бь дәсте хwә әw пашда анинә. <sup>22</sup>У сәрда жи мә т'эви хwә диса п'эрә бәржер анинә, бона хөрәк бьк'ьр'ьн. Әм ньзаньн к'е п'эред мә кьрьбунә т'ер'ед мә». <sup>23</sup>Әви гот: «Ә'дъл бьн, нәтьр-сьн, Хwәдейе wә у Хwәдейе баве wә хьзнә т'ер'ед wәда

да wə, wə п'эред хwэ данэ мьн» һынге Шьмһ'ун дэрхьст ани щэм ван. <sup>24</sup>Wəк'ил эw мэрьвана бьрьнэ мала Усьв у ав да ван ньгед хwэ шуштън, к'эред ван альфкьрьн. <sup>25</sup>Вана жи п'ешк'ешед хwэ бона хатъна Усьвэ нивро һазьр кьрьн, чьмки эw пе һ'эсийа бун, кӧ эwe ль wьр нен бьхwьн. <sup>26</sup>Гава Усьв һатэ мале, вана п'ешк'ешед дэсте хwэда анинэ мале данэ wi у һ'эта э'рде ль бэр wi дэвэр'уйа чун. <sup>27</sup>Усьв һ'ал-wəхте ван пьрси у гот: «Сьһ'эта калэмере баве wə, бона эwi кӧ wə мьнр'а гьли кьр, чава йэ? Эwi һе сах э?» <sup>28</sup>Вана гот: «Хӧламе тэ, баве мэ һе сах э, эwi һе ль сэр сьһ'эт у qəwата хwэ йэ». У ль бэр wi дэвэр'уйа чун, qəдыр кьрьн. <sup>29</sup>Һынге Усьв сэре хwэ бьльнд кьр, кӧр'е дийа хwэ, бьре хwэ Бьнйамин дит у гот: «Эв э бьре wэйи бьч'ук, бона к'ижани wə мьнр'а гьли кьр?» У гот: «Бьра Хwэде тэ хwэй кэ, лаwо!» <sup>30</sup>Усьв бь лэз дэрк'этэ дэрва, чьмки бона бьре агьр дьла к'этьбу у к'этэ ода һьндӧр' у ль wьр гьрийа. <sup>31</sup>Р'уйе хwэ шушт у дэрк'этэ дэрва, хwэ гьрт у гот: «Нан дайньн». <sup>32</sup>Wir'а башqə, ванр'а башqə у ван мьсьрийар'а жи, йед кӧ т'эви ван дьхварьн башqə данин. мьсьрийа т'эви ибранийа нан нэ дьхвар, чьмки бона мьсьрийа эв йэк һ'эрами бу. <sup>33</sup>У бьра бэр wi р'уньштън, йе ньхӧри льгора ньхӧртийа хwэ, йе бьч'ук ль гора бьч'уктийа хwэ, ван мэрьва һэвдӧ дьньһер'ин у э'щербмайи мабун. <sup>34</sup>Усьв жь хварьна ль бэр хwэ дьшанд дькьрэ ль бэр ван, ле п'ара Бьнйамин жь п'ара йед дьн пенц щара зедэтьр бу. Вана готъна тэ вэхварьн у т'эви Усьв к'ефхwэш бун.

**44** Усьв э'мьр ль wəк'иле мала хwэ кьр у гот: «Т'ер'ед ван мэрьва чьqаси кӧ эw дькарьн бьбьн хӧрэквa дагьрэ у п'эре һэр кэси жи дайнэ ль сэр дэве т'ер'ед ван, <sup>2</sup>ле к'аса мьн, к'аса зивин, т'эви п'эре хӧрэк дайнэ ль сэр дэве т'ер'а йе һэри бьч'ук». Эwi wəкэ готъна Усьв кьр. <sup>3</sup>Сьбэһ кӧ зэлал бу, эw мэрьвана хатънэ вэр'екьрьне, эw у

к'эред ван. <sup>4</sup>Эвана жь бажер чун, ле не дур нэк'этьбун, гава Усьв готэ вэк'иле мала хвэ: «Р'абэ пар'а пэй ван мэр'ва к'эвэ, хвэ ванр'а быг'һинэ у ванр'а бежэ: «Wэ чьма жь бэр қэнцийева хьраби кыр? <sup>5</sup>Чьма к'аса мьнэ зивин дьзи\*? Эва нэ эв э, йа кө хвэйе мьн пе вэд'хвэ у пе we жи дьнь'ер'и? Wэ эв йэк кьрэ хьраби»». <sup>6</sup>Wэк'ил хвэ ль ванр'а гиһанд у эв хэбэред Усьв ванр'а готын. <sup>7</sup>Вана wir'а гот: «Чьма хвэйе мьн тыштед һа дьбежэ? һаша жь хөламед тэ, кө эв тыште өса бькьн! <sup>8</sup>Ава мә кө эв п'эред ль сэр дэве т'ер'ед хвэ дитын, жь вэлате Кэнан анин данэ тэ, иди we чава бэ, кө эм жь мала хвэ-йе тэ зив йан зер' бьдзьн? <sup>9</sup>Щэм к'ижан хөламед тэ эв дэрк'эвэ, бьра эв бе көшт'ьне у эм жи бьбьнэ хөламед хвэйе хвэ». <sup>10</sup>Эви гот: «П'ак, wэ чава гот бьра өса бэ, щэм к'ижани эв дэре бьра эв мьнр'а бьбэ хөлам, ле һун бесущ бьн». <sup>11</sup>Ава һэр йэки зу-зу т'ер'а хвэ дани э'рде у һэр йэки т'ер'а хвэ вэк'р. <sup>12</sup>Wэк'ил жь т'ер'а йе мэзында дэстпек'р гэр'ийа һ'эта йе бьч'укда хьлаз кыр, к'ас т'ер'а Бьнйаминда дит. <sup>13</sup>Һьнге вана к'ьнще хвэ қэлашт'ын, һэр йэки к'эре хвэ бар кыр у вэгэр'ийанэ бажер.

<sup>14</sup>Щьһуда бьрайед хвэва һат'ьнэ мала Усьв, эви не ль wьр бу у дэвэр'уйа ль бэр wi чунэ э'рде. <sup>15</sup>Усьв готэ ван: «Wэ эв чь кыр? Wэ ньзаньбу кө мэр'вэки мина мьн р'э'мьлдарийе we бькэ?» <sup>16</sup>Щьһуда гот: «Эм чь бежьнэ хвэйе хвэ? Эм чь бежьн? Йан эм чава хвэ р'успи кьн? Хвэде нэһэқийа хөламед тэ э'йан кыр, ва йэ эм хөламед хвэйе хвэ нэ, һьн эм, һьн жи эви кө к'ас жь щэм wi дэрк'эт». <sup>17</sup>Усьв гот: «Һаша жь мьн кө эз ве йэке бькьм! Эви кө к'ас жь щэм wi дэрк'эт, бьра эв т'эне мьнр'а бьбэ хөлам, ле һун бь хер у сыламэт һэвраз сэр баве хвэда һэр'ьн».

---

\* 44:5 «Чьма к'аса мьнэ зивин дьзи?» эва тек'ста ибранида т'ө-нэ, ле вэлгэр'андьна йунанийэ кэвьнда һэйэ.



**Щьһуда бона Бьһямин лава дькэ**

<sup>18</sup>Һынге Щьһуда чу незик у готе: «Хвэ́йе мьн, изьна тэ һэбэ, бьра хөламе тэ гьлики бежэ хэбэрэке быгьһинэ гөһе хвэ́йе хвэ́ у һерса тэ ль сэр хөламе тэ р'анэбэ, чьмки тө йэки мина Фьрэшьн и. <sup>19</sup>Хвэ́йе мьн жь хөламед хвэ́ пьрсибу готьбу: «Бав йан бьре вэ һэнэ?» <sup>20</sup>Һынге мэ хвэ́йе хвэр'а гот: «Бавэки мәйи калэмер һэйэ у көр'эки вийи быч'уки калтийа вида буйи һэйэ, бьре вийи деда мьрийэ, т'эне эв жь дийа хвэ́ майэ у баве ви, ви һ'эз дькэ». <sup>21</sup>Тэ хөламед хвэр'а гот: «Эви бэржер биньнэ щэм мьн, кө эз ви бы ч'э'ва бьбиньм». <sup>22</sup>Мэ һынге хвэ́йе хвэр'а гот: «Эв көр'ьк нькарэ жь баве хвэ́ бьрэтэ, гава эв жь баве хвэ́ бьрэтэ, баве щандэ». <sup>23</sup>Ле тэ хөламед хвэр'а гот: «Һэгэр һун бьрайе хвэ́йи быч'ук т'эви хвэ́ бэржер нэйньн, щарэкэ дьн р'уйе вэ р'уйе мьн нэк'эвэ». <sup>24</sup>У гава эм һэвраз чунэ щэм хөламе тэ, баве мьн, эв готьнед хвэ́йе хвэ́, мэ вир'а гьли кьрьн. <sup>25</sup>Гава баве мэ гот: «Р'абьн диса вэгэр'ьн бона мэ һьнэк хөрэк бьк'ьр'ьн». <sup>26</sup>Һынге мэ гот: «Эм нькарьн бэржер һэр'ьн. Ле һэгэр бьрайе мәйи быч'ук т'эви мэ бе, эме һынге бэржер һэр'ьн, чьмки эм нькарьн р'уйе ви мэрьви бьбиньн, һ'эта бьрайе мәйи быч'ук т'эви мэ нэйе». <sup>27</sup>Хөламе тэ, баве мьн готэ мэ: «Һун заньн жьна мьн дө көр' мьнр'а анин, <sup>28</sup>йэк жь дэсте мьн чу у мьн гот: «Р'асти эв һатийэ дьр'андьне» у һ'эта ньһа мьн эв нэдитийэ. <sup>29</sup>Ле вэки һун эви жи, жь бэр ч'э'ве мьн дэрхьн бьбьн у қэзик бе сэре ви, һуне п'ор'е мьни сыпи, дэрд-көлава бькьнэ Дийаре Мьрийа». <sup>30</sup>Һэгэр ньһа эз һэр'ьмэ щэм хөламе тэ, баве хвэ́, көр'ьке ви нэ т'эви мэ бэ, э'мьре ви кө э'мьре вива гьредайи йэ, <sup>31</sup>гава бьбинэ кө көр'ьке ви т'өнэ, we щандэ у хөламед тэ, we баве хвэ́йи хөламе тэ, ви п'ор'ед сыпи бы к'эдэр бькьнэ Дийаре Мьрийа. <sup>32</sup>Чьмки эз, хөламе тэ щэм баве хвэ́ бумэ щабдаре көр'ьке ви у мьн готийе: «Һэгэр

эз ви нэйнъм нэдъмэ тэ, эз т'эмамийа э'мьре хwэда ль бэр баве хwэ гөнэк'ар бъм». <sup>33</sup> Аwa эз ньһа т'эwаqэ жь тэ дькьм, бьра эз, хөламе тэ дэwса ви көр'ьки хwэйе хwэр'а бьбэ хөлам, көр'ьк бьра т'эви бьрайед хwэ һэвраз һэр'э. <sup>34</sup> Чьмки, эзе чаwа р'абьм һэвраз һэр'ьмэ щэм баве хwэ, һэгэр көр'ьк нэ т'эви мэ бэ? Нэбэ кө эз we qэзийа кө бе сэре баве мьн бьбиньм».

### Усьв хwэ дьда э'йанкьрьне

**45** һынге Усьв нькарьбу хwэ зэфт кьра, ль бэр һ'э-муйед кө щэм ви сэкьнибун кьрэ қир'ин: «һ'эму мэрьва жь щэм мьн дэрхьн!» Кэсэки хэриб щэм ви нэ-ма, гава Усьв хwэ бьрайед хwэва да наскьрьне. <sup>2</sup> Кур'ин к'эте гьрийа, мьсьрийа бьһист, эв дэнг гьһиштэ мала Фьрэwьн жи. <sup>3</sup> Усьв готэ бьрайед хwэ: «Эз Усьв ьм. Баве мьн һе сах э?» Ле бьрайед ви нькарьбун щаба ви бь-дана, чьмки ль бэр ви бьбунэ кэвьр мабун. <sup>4</sup> Усьв готэ бьрайед хwэ: «К'эрэм кьн, wэрьнэ незик», эw жи чунэ щэм у ви гот: «Эз бьрайе wэ Усьв ьм, йе кө wэ фьротэ Мьсьре. <sup>5</sup> Ле ньһа бэр хwэ нэк'эwьн у ль wэ чэтьн нэие, кө wэ эз фьротьмэ вьра, чьмки Хwэде эз бэри wэ шандьмэ вьра, бона хwэйкьрьна жийина wэ. <sup>6</sup> Чьмки эва дө салед хэлайинэ ль сэр дьне, ле һе пенщ сал жи һэнэ, кө we вэдан у дьруне нэбэ. <sup>7</sup> Хwэде эз бэри wэ шандьм, wэ-ки ль сэр дьне к'ока wэ бьһелэ у жийина wэ бь азайикэ мэзын хwэй кэ. <sup>8</sup> Аwa, йе кө эз шандьмэ вьра һун нибун, ле Хwэде бу, эwi эз кьрьмэ баве Фьрэwьн у хwэйе т'э-мамийа мала ви, өса жи сэрwере т'эмамийа wэлате Мьсьре. <sup>9</sup> Ньһа р'абьн зу һэвраз һэр'ьнэ щэм баве мьн у жер'а бежьн: «Көр'е тэ Усьв аһа дьбежэ: «Хwэде эз кьрь-мэ хwэйе т'эмамийа Мьсьре, нэсэкьнэ зу бэржер wэрэ щэм мьн. <sup>10</sup> Те т'опрахе Гошэнеда незики мьн бьмини, т'эви көр'ед хwэ, көр'ед көр'ед хwэ, пэз у дэwаред хwэ у һ'эму һэбука хwэва». <sup>11</sup> Эзе wьр тэ т'ер кьм, чьмки һе

пенц салед хэлайе һэнэ, wэки тō, мала хwэ у һэбука хwэва т'өнэбуне нэбини. <sup>12</sup>Ва йэ, ч'э'ве wэ у ч'э'ве бьрайе мьн Бьнйамин дьбиньн, кō дэве мьн ван тьшта wэр'а дьбежьн. <sup>13</sup>Дэрһэда т'эмамыйа р'умэта мьнэ Мьсьреда у һэр тьште кō wэ дит баве мьнр'а гьликьн у зу баве мьн бэржер биньнэ вьр». <sup>14</sup>Хwэ авитэ стōкōра Бьнйамин у гьрийа. Бьнйамин жи сэр стōкōра wiда гьрийа. <sup>15</sup>Чу р'уйе һ'эму бьрайед хwэ у сэр wанда дьгьрийа. Пэй ве йэкер'а бьрайед wi пер'а хэбэрдан.

<sup>16</sup>Дэнг гьһиштэ мала Фьрэwьн, кō бьрайед Усьв һатьнэ. Эв йэка ль Фьрэwьн у хōламед wi хwэш һат. <sup>17</sup>Фьрэwьн готэ Усьв: «Бежэ бьрайед хwэ: «Бьра аһа бькьн: һ'эйwанед хwэ бар кьн у һэр'ьнэ wэлате Кэнане, <sup>18</sup>у баве хwэ, нэфэред хwэ һьлдьн у wэр'ьнэ щэм мьн. Эзе wэлате Мьсьреда щийе һэри қэнщ бьдьмэ wэ у һуне жь хер-бэрэк'эта wэлет бьхwьн». <sup>19</sup>Эз э'мьр ль тэ дькьм кō wanр'а бе готьне: «Бьра аһа бькьн: Жь wэлате Мьсьре бона зар'окед хwэ у жьнед хwэ э'рэба хwэр'а һьлдьн у һэр'ьн баве хwэ һьлдьн у бен. <sup>20</sup>Бьра ч'э'ве wэ һур-муред wэда нэминэ, чьмки һ'эму хер-хьзна wэлате Мьсьре йа wэйэ»».

<sup>21</sup>Кōрэд Исраел оса жи кьрын. Усьв ль гора э'мьре Фьрэwьн э'рэбэ данэ wan у нане р'ийа wan да wan. <sup>22</sup>Һэр йэки жь wan дэстэ к'ьнщ да wan, ле сесьд зив у пенц дэст к'ьнщ данэ Бьнйамин. <sup>23</sup>Баве хwэр'а жи, дэһэ к'эред хер-хьзна Мьсьрева баркьри у дэһэ к'эред ме жи гэньм, нан у хōрэквa баркьри бона р'ийа баве хwэ шанд. <sup>24</sup>Гава бьрайед хwэ шандьн, эw р'ек'этын, эwi гот: «Р'ева шэр' нэкьн».

<sup>25</sup>Эw жь Мьсьре һэвраз чун у һатьнэ wэлате Кэнане, щэм баве хwэ Ақуб. <sup>26</sup>У wir'а гьли кьрын готьн: «Усьви һе сах э! Бэле! Эw сэрwере т'эмамыйа wэлате Мьсьре йэ». Дэст у п'ийед wi ле сар бун, чьмки эwi нькарьбу готьна wan баwэр бькьра. <sup>27</sup>Гава эw һ'эму готьнед Усьв кō wanр'а готьбу wir'а гьли кьрын у э'рэбед Усьв

бона ви шандьбун кө эв пе хәр'э дитьн, р'öh' ль бәр бина баве ван Ақубда һат. <sup>28</sup>Израел гот: «Бәс ә! Көр'е мьн Усьв һе сахә! Әз хәр'ым кө бәри мьр'на хвә ви бьбиньм».

### Ақуб мала хвәва дьчә Мьсьре

**46** Израел һәму һәбука хвә һьлда у һатә Бир-Шевайе. Ль вьр гори Хвәдейе баве хвә Ишақр'а дан. <sup>2</sup>Хвәде шәв дитьнокеда Израелр'а хәбәрда у гот: «Ақубо! Ақубо!» Әви гот: «Әзи ва мә». <sup>3</sup>Хвәде гот: «Әз Хвәде мә, Хвәдейе баве тә мә, жь бәржерчуйина Мьсьре нәтьрсә. Чьмки әзе тә ль we дәре бькьмә мьлэтәки мәзын. <sup>4</sup>Әзе хвәха т'әви тә бәржери Мьсьре бьм у әзе хвәха тә диса һәвраз биньм, Усьве дәстед хвә дайнә ль сәр ч'әвед тә». <sup>5</sup>Ақуб жь Бир-Шевайе р'ек'әт, көр'ед Израел баве хвә Ақуб, жьн у зар'окед хвә ль ван әр'әбед кө Фьрәвьн ванр'а шандьбун кө пе хәр'ьн, һьлдан бьр'ьн. <sup>6</sup>Ақуб т'әви т'әмамыйа зөр'әта хвә, һ'әйванед хвә у әв һәбука хвә, йа кө ль вәлате Кәнанеда т'оп кьр'ьбун һьлдан һатьнә Мьсьре. <sup>7</sup>Әви т'әви хвә көр' у қизед хвә нәбийед хвә, т'әмамыйа зөр'әта хвә хвәр'а анинә Мьсьре.

<sup>8</sup>Әв ьн наве ван көр'ед Израел, йед кө һатьнә Мьсьре. Ақуб у көр'ед хвәва. Ньхөрийе Ақуб Р'убен бу. <sup>9</sup>Көр'ед Р'убен: һәнох, Паллу, һәсрун у К'арми бун. <sup>10</sup>Көр'ед Шьм-һ'ун: Йәмуел, Йамин, Оһад, Йахин, Сохар бун у көр'е жьна кәнаниФ Шауул бу. <sup>11</sup>Көр'ед Леви: Гершон, Қоһат' у Мерари бун. <sup>12</sup>Көр'ед Щьһуда: Әр, Онан, Шелаһ, Перес у Зәраһ бун (ле Ә'р у Онан вәлате Кәнанеда мьр'ьн\*) у көр'ед Перес: һәсрун у һамул бун. <sup>13</sup>Көр'ед Исахар: Т'о-ла, Пуа, Йашув у Шимрон бун. <sup>14</sup>Көр'ед Зәбулон: Сәред у Елон у Йалйел бун. <sup>15</sup>Әв бун көр'ед Леайе, йа кө әве

\* 46:12 Бьньһер'ьн Дәстпелун 38:7, 10.

Паддан-Арамда Ақубр'а анин, өса жи қиза ви Дина. Т'эмамияа көр' у қизава си у се нәфс бун.

<sup>16</sup>Көр'ед Гад: Сифйон, һагги, Шуни, Эсбон, Ә'ри, Ароди у Арели бун. <sup>17</sup>Көр'ед Ашер: Имна, Ишва, Ишви, Бьриһа у хушка ван Сәрах бун. Көр'ед Бьриһа: һ'эбәр у Малк'и-йел бун. <sup>18</sup>Әв бун көр'ед Зилпайе, йа кө Лабан да қиза хвә Леайе у әве шанздәһ нәфс Ақубр'а анин.

<sup>19</sup>Көр'ед Р'аһела жьнә Ақуб: Усьв у Бьһийамин бун. <sup>20</sup>Усьвр'а жи ль вәлате Мьсьре, жь Аснат'а қиза Потти-Пәрайе т'әреде бажаре Оне Мьнашә у Әфраим бун. <sup>21</sup>Көр'ед Бьһийамин: Бәла, Бәк'ьр, Ашбел, Гера, Нәман, Еһи, Р'ош, Мупим, һ'упим у Ард бун. <sup>22</sup>Әв бун көр'ед Р'аһеле, йед кө Ақубр'а бун, һ'әму ль сәрһәв чардәһ нәфс бун.

<sup>23</sup>Көр'е Дан: һ'ушим бу. <sup>24</sup>Көр'ед Нәфтәли: Йасйел, Гуни, Йесәр у Шиллем бун. <sup>25</sup>Әв бун көр'ед Билһайе, йа кө Лабан дабу қиза хвә Р'аһеле. Әве гьшк ль сәрһәв һ'әфт нәфс Ақубр'а анин. <sup>26</sup>Һ'әму нәфсед кө жь бәдәна Ақуб бьбун һатьнә Мьсьре, пештьри жьнед көр'а шест у шәш нәфс бун. <sup>27</sup>Усьвр'а жи дө көр' Мьсьреда бьбун, гава Ақуб нәфәред хвәва чу Мьсьре, әв һ'әфте\* нәфс бун.

<sup>28</sup>Ақуб Щьһуда пешийе шандә щәм Усьв, кө әв р'ийа Гошәне нишани ви кә. У әв һатьнә т'опрахе Гошәне. <sup>29</sup>Усьв әрәба хвә һазьр кьр, р'абу чу Гошәне пешийа баве хвә Израел, гава ч'әв ви к'әт, хвә авитә стөкөра ви у еп'ещә вәхт стөкөра вида гьрийа. <sup>30</sup>Һьнге Израел готә Усьв: «Ньһа әз мьрьна хвә р'ази мә, чьмки ч'әве мьн ль ч'әве тә к'әт, кө тө һе сах-сьламәт и». <sup>31</sup>Усьв бьрайед хвә у малбаванед хвәр'а гот: «Әз р'абьм һәвраз һәр'ьм, Фьрә-вьнр'а гьли кьм у бежьме: Бьрайед мьн у малбаванед мьн, кө Кәнанеда дьман, һатьнә щәм мьн. <sup>32</sup>Әв мәрь-вана шьван ьн, чьмки р'енщбәр ьн, пәз у дәваред хвә у

\* 46:27 Вәлгәр'андьна Йунанийә кәвьнда «һ'әфте пенщ». Дина хвә бьдьнә шьровәкьрьна жере Дәрк'әтһн 1:5.

h'эму һэбука хwэ хwэр'а анинэ». <sup>33</sup> Ле гава Фьрэwьн гази wэ кэ у жь wэ бьпърсэ: «Һун хwэйе чь п'ешэйи нэ?». <sup>34</sup> Һун wir'а бежьн: «Эм, хөламед тэ, жь зар'отийа хwэда h'эта ньһа, эм жи кал-бавед мэ жи, р'енщбэр бунэ», wэки Һун т'опрахед Гошэнеда бьминьн. Чьмки ль щэм мьсьрийа шьванти h'эрами йэ».

**47** Усьв һат Фьрэwьнр'а гьли кьр у гот: «Бав у бьрайед мьн, пэз у дэwаред хwэ у h'эму һэбука хwэва жь wэлате КэнанеФ һатьнэ, эwэ ньһа ль т'опрахед Гошэне нэ». <sup>2</sup> Эwi жь нав бьрайед хwэда, пенщ мэри бьрьн дэрхьстьнэ диwана Фьрэwьн. <sup>3</sup> Фьрэwьн жь бьрайед wi пьрси: «Һун хwэйе чь п'ешэйи нэ?» Wана готэ Фьрэwьн: «Эм, хөламед тэ шьван ьн, эм жи кал-бавед мэ жи». <sup>4</sup> У готьнэ Фьрэwьн: «Эм һатьнэ кө ви wэлатида фьрари бьминьн, чьмки ч'ерэ бона h'эйwanед хөламед тэ т'өнэ, жь дэст хэлайа гьранэ wэлате Кэнанеда, изьна тэ һэбэ хөламед тэ т'опрахед Гошэнеда бьминьн». <sup>5</sup> Һьнге Фьрэwьн готэ Усьв: «Бав у бьрайед тэ һатьнэ щэм тэ, <sup>6</sup> wэлате Мьсьре ль бэр тэ йэ, бав у бьрайед хwэ wэлатда щийе һэри қэнщда щивар кэ, бьра эw т'опрахед Гошэнеда бьминьн, ле һэгэр тө зани нава wанда йед сэрхwэ һэнэ, wan бькэ сэрwеред h'эйwanед мьн».

<sup>7</sup> Усьв баве хwэ Ақуб ани дэрхьстэ диwана Фьрэwьн у Ақуб дөа ль Фьрэwьн кьр. <sup>8</sup> Фьрэwьн жь Ақуб пьрси: «Тө чэнд сали йи?» <sup>9</sup> Ақуб ль Фьрэwьн вэгэр'анд у гот: «Салед мьнэ фьрари сэд си сал ьн. Салед э'мре мьн һьндьк у бехер бун у нэгьһиштьнэ салед э'мре кал-бавед мьнэ нава р'ожед фьрарийа wанда». <sup>10</sup> Ақуб дөа ль Фьрэwьн кьр у жь диwана Фьрэwьн дэрк'эт. <sup>11</sup> Усьв чава Фьрэwьн фэрман кьрбу, бав у бьрайед хwэ wэлате Мьсьреда, щийе һэри қэнщда, жь т'опрахе Р'амсесе, мьлк'эк да wan у эw щивар кьрн. <sup>12</sup> Усьв баве хwэ, бьрайед хwэ у т'эмамыйа мала баве хwэ, нэфэред wanва нан дькьрн.

**Кърына Усыв вә'де хэлайе**

<sup>13</sup>Т'эмамийа вәлетда нан т'өнәбу, чьмки хэлайе гэлә-ки зор дьда у жь дәст бър'чибуне һ'але вәлате Мьсьре у Кәнане т'өнәбу. <sup>14</sup>Усыв жь йед кә гәнъм дьк'ър'ин, һ'әму п'әред кә ль вәлате Мьсьре у Кәнанеда һәбун т'оп кър. Усыв п'әрә анинә мала Фьрәшьн. <sup>15</sup>Гава п'әре вәлате Мьсьре у Кәнане хьлаз бун, һ'әму мьсьри һатьнә щәм Усыв у готье: «Нан бьдә мә! Чьма әм ль бәр ч'ә'ве тә бьмьрьн, вәки п'әре мә хьлаз бунә?» <sup>16</sup>Һьнге Усыв гот: «Һәгәр п'әрә хьлаз бунә, һ'әйванед хвә биньн, әзе бәр һ'әйванед вәва хөрәк бьдьмә вә». <sup>17</sup>У вана һ'әйванед хвә анинә щәм Усыв, Усыв бәр һәспед ванва, пәзед ванва, дәваред ванва, к'әред ванва нан да ван, у we сале әви бәр һ'әму һ'әйванед ванва нан да ван. <sup>18</sup>Әв сал дәрбаз бу, сала дьн һатьнә щәм ви у готье: «Әм жь хвәйе хвә вәнашерьн кә һ'әму п'әре мә хьлаз бунә, у һ'әйванед мә жи бунә йед хвәйе мә, иди тыштәки мә бона хвәйе мә нәмайә пештьри бәдәнед мә у әрдед мә. <sup>19</sup>Чьма әм у әрдед хвәва ль бәр тә бьмьрьн? Мә у әрдед мә жи бь нан бьк'ър'ә, әм у әрдед хвәва бьбьнә хөламед Фьрәшьн, у т'охьм бьдә мә, кә әм бьжин у нәмьрьн, вәки әрд вьки-вала нәбә».

<sup>20</sup>Һьнге Усыв т'эмамийа әрде Мьсьре Фьрәшьнр'а к'ър'и, чьмки хэлайе зор дьда ван, мьсьрийа һәр йәки зөвийе хвә дьфьрот. Әрде Мьсьре бу йе Фьрәшьн. <sup>21</sup>Әви жь сәрики Мьсьре һ'әта сәре дьн, т'эмамийа щьмә'те кьрә хөлам\*. <sup>22</sup>Т'әне әрде т'әреқа нә к'ър'и, чьмки жь алије Фьрәшьнда п'арәк т'әреқар'а дьк'әт у вана жь we п'ара кә Фьрәшьн дьда ван дьжит, ләма жи әрдед хвә нәфьротьн.

---

\* 47:21 Вәлгәр'андьна йунанийә кәвьн дьбежә: «Т'эмамийа щьмә'те кьрә хөлам», ле тек'ста ибранида ньвисар ә: «Т'эмамийа щьмә'т щигәһасти бажара кьрын».

<sup>23</sup> Ынге Усыв готэ щьмә'те: «Ва йә мьн хун у әрдед вә Фьрәшьнр'а к'ьр'ин, хане вәр'а т'охьм у әрде бычиньн. <sup>24</sup> Хун гәрәке нандрунеда жь пенщ п'ара п'арәке бьднә Фьрәшьн, ле чар п'аре вәр'а бьминә, бона әрде бычиньн у хварьна хвә, йед мала хвәда у бона зар'окед хвә». <sup>25</sup> Вана гот: «Тә әм хьлаз кьр'н! Бьра әм к'әрәме ль бәр ч'ә'ве хвәйе хвә бьбиньн у әм Фьрәшьнр'а бьбьнә хөлам». <sup>26</sup> Усыв әв йәк Мьсьреда кьрә қанун, һ'әта р'ожа иро жи жь пенща йәк йа Фьрәшьн ә, пештьри әрде т'әреқа, кә нәбу йе Фьрәшьн.

### Т'әмийа Ақубә ахьрийе

<sup>27</sup> Израел ль вәлате Мьсьре, т'опрахед Гошәнеда дьма, ль вьр бу хвәйимьлк', шин бун у гәләки ль һәв зедә бун. <sup>28</sup> Ақуб вәлате Мьсьреда һ'ьвдәһ сала сах ма. Т'әмаийа ә'мьре хвә Ақуб сәд чьл у һ'әфт сал бун. <sup>29</sup> Гава р'ожед мьрьна Израел незик бун, әви гази кәр'е хвә Усыв кьр у готә ви: «Һәгәр мьн ль бәр ч'ә'ве тә к'әрәм дитийә, һиви дькьм, дәсте хвә бькә ль бьн р'ә'не һета мьн \* . К'әрәма хвә, бьди хатьре һ'өб у амьнийе, мьн Мьсьреда дәфьн нәки. <sup>30</sup> Ле бьра әз т'әви кал-бавед хвә бьһеньжьм, тә мьн жь Мьсьре һьлди бьби нав т'ьрбед ванда дәфьн ки». Усыв гот: «Әзе вәкә готьна тә бькьм». <sup>31</sup> У әви гот: «Дә мьнр'а сонд бьхвә». Усыв вир'а сонд хвар. Ынге Израел сәре хвә ль сәрп'ийа ньвине дани \* .

### Ақуб дөа ль Әфраийм у Мьнашә дькә

**48** Пәй ве йәкер'а готьнә Усыв: «Баве тә нәхвәш ә». Әви һәр дө кәр'ед хвә Мьнашә у Әфраийм т'әви хвә һьлдан чу. <sup>2</sup> Щаб данә Ақуб у готьне: «Ва йә кәр'е тә Усыв сәр тәда те». Израел сәр қөдуме хвәда һат у ль

\* 47:29 Бьньһер'ьн Дәстпелун 24:2-3.

\* 47:31 Вәлгәр'андьна йунанийе кәвьнда: «Хвә авитә сәр шьва хвә».



сәр ньвина хwә р'унышт. <sup>3</sup>Ақуб готә Усьв: «Хwәдейе һә-ри Зор ль wәлате Кәнане Лузеда мьнва хойа бу, дөа ль мьн кър <sup>4</sup>у готә мьн: «Әзе тә шин кьм у ль һәв зедә кьм у жь тә мьхөлqәта пешда биньм, әви wәлати жи пәй тәр'а әзе чава мьлк'е һ'әта-һ'әтайе бьдъмә зөр'әта тә». <sup>5</sup>Ньһа әw һәр дө көр'ед тәйә кө Мьсьреда, бәри һатьна мьнә щәм тә Мьсьре, кө тәр'а бунә, әw көр'ед мьн ьн, Әфра-йим у Мьнашә, we мина Р'убен у Шьмһ'ун бьбьнә көр'ед мьн, <sup>6</sup>ле зар'ед пәй ванр'а кө жь тә бьбьн, тәр'а бьн, әwe wартийеда сәр навед бьратийа хwә бенә һ'әсабе. <sup>7</sup>Чьмки гава әз жь Паддане дьһатьм, wәлате Кәнанеда, һьндьк мабу кө әм бьгьһиштана Әфрат'е, р'еда Р'аһела дийа тә мьнр'а бу дәрд мьр, мьн әw ль we дәре, ль сәре р'ийа Әфрат'е, аwа готи Бәйтләһ'ме дәфьн кър».

<sup>8</sup>Израел көр'ед Усьв дитьн у гот: «Әв к'е нә?» <sup>9</sup>Усьв готә баве хwә: «Көр'ед мьн ьн, йед кө Хwәде ль вьр данә мьн». Ақуб гот: «К'әрәма хwә ван бинә щәм мьн, әз дөа ль ван бькьм». <sup>10</sup>Ч'әве Израел жь мәзьнайе мә'рьм бьбун, әви нь-карьбу зәлал бьдита, Усьв әw незики баве хwә кьрьн, әви әw р'амусан у һ'әмез кьрьн. <sup>11</sup>Израел готә Усьв: «Гөмана мьн т'өнәбу кө мьн р'уйе тә жи бьдита, ле ва йә Хwәде зөр'әта тә жи нишани мьн кър». <sup>12</sup>Усьв әw жь сәр чока wi р'акьрьн у хwәха һ'әта әрде дәвәр'уйа чу. <sup>13</sup>Усьв һәр дө көр'ед хwә һьлдан, Әфрайим да дәсте хwәйи р'асте, али-йе Израели ч'әпе у Мьнашә да дәсте хwәйи ч'әпе, алийе Израели р'асте у незики wi кьрьн. <sup>14</sup>Израел qәста дәстед хwә щигөһастьн у дәсте хwәйи р'асте дьреж кър дани сәр сәре йе бьч'ук Әфрайим у дәсте ч'әпе дани сәр сәре Мьнашә. Ле бәле Мьнашә йе ньхөри бу. <sup>15</sup>У дөа Усьв кър у гот: «Әw Хwәдейе кө бавед мьн Бьраһим у Ишаq р'ийа wiда чунә, әw Хwәдейе кө жь р'ожа буйина мьнда һ'әта иро шьванти ль мьн кьрийә, <sup>16</sup>әw мьльак'әтеФ кө әз жь һәр хь-рабийе азад кьрьмә, бьра дөа ван көр'а бькә у бь наве мьн у навед кал-бавед мьн Бьраһим у Ишаq бенә газикьрьне,

нава дьнеда гэлэки ль һэв зедэ бьн». <sup>17</sup>Гава Усьв дит кӧ баве ви дэсте хвэйи р'асте данийэ сэр сэре Әфраийим, эва йэка ль ви хвэш нәһат, эви дэсте баве хвэ жь сэр сэре Әфраийим гьрт, wәки дайнэ ль сэр сэре Мьнашэ. <sup>18</sup>Һьнге Усьв готэ баве хвэ: «Аһа на Баво, чьмки эв э йе ньхӧри. Дэсте хвэйи р'асте, дайнэ сэр сэре ви!» <sup>19</sup>Ле баве ви қайл нэбу у гот: «Эз заньм лаво, эз заньм. Эве жи бьбэ мьлэт, эвайе жи бьбэ мэзын. Ле бьрайе вийи бьч'ук, we жь ви һе мәстър бэ у зӧр'эта ви we бьбэ мьхӧлқэта мьлэта». <sup>20</sup>We р'оже эви дӧа ван кьр у гот: «Бьра Израел пе тэ бьмбарэк бькэ у бежэ: «Хвэде тэ бькэ мина Әфраийим у Мьнашэ», эв йэк гот у Әфраийим дани феза Мьнашэ. <sup>21</sup>У һьнге Израел готэ Усьв: «Ва йэ эзе бьмьрм. Ле Хвэде we т'эви wэ бэ у we wэ вэгэр'инэ wат'ане бавед wэ. <sup>22</sup>Эз п'алэкэ ч'ийа сэр бьратийа тэр'а зедэтър дьдьмэ тэ, к'ижан кӧ мьн эw жь дэсте әморийа<sup>Ф</sup> бь шур у тир-кэване хвэ станд».

### Ақубэ дӧа кӧр'а дькэ

**49** Ақуб гази кӧр'ед хвэ кьрн у гот: «Т'оп бьн, эз ванр'а бежьм, кӧ р'оже бен we чь бе сэре wэ.

<sup>2</sup> Wэрьнэ сэрһэв у гӧһдар бьн, гэли кӧр'ед Ақуб у гӧһдарийа баве хвэ Израел бькьн.

<sup>3</sup> Р'убено, ньхӧрийе мьно!

Сьһ'эт у дэстпебуна қәwата мьн,  
хвэйе қәдьре мэзын у хвэйе қәwата зор,

<sup>4</sup> мина ава сэр һэвр'а чуйи,  
ле те нэби йе пешьн.

Чьмки һати щийе баве хвэ,  
тэ һ'эр'ьманд ньвина мьн\*.  
Әw к'этэ нава we!

\* 49:4 Бьньһер'э Дэстпебун 35:22.

- <sup>5</sup> Шьмһ'ун у Леви бьра нэ.  
Шуред ван ч'экед нәһәқийа нэ,  
<sup>6</sup> бьра щанийа мьн нәк'эвэ нав шешьред ван,  
қәдьре мьн т'эви щьвата ван нибә,  
чьмки жь һерса хwә ван мәри кәшт,  
жь тәмсьстийе хwә ч'иле бох бьр'ин.  
<sup>7</sup> Бьра ньфьр' ль һерса ван бә,  
кә гәләки гьран бу,  
у к'ин-боха ван бә  
кә гәләки беисафи бу!  
Эзе ван нав Ақубда п'аравәкьм,  
у нав Исраелда бәла-бәлайи кьм.
- <sup>8</sup> Щьһуда! Бьрайед тәйе пәсьне тә бьдьн.  
Дәсте тә сәр стәкәра дьжмьне тә бә,  
зар'ед баве тә ль бәр тә та бьн.  
<sup>9</sup> Щьһуда щәврьке шера йә.  
Кәре мьн, тә жь неч'иркьрьне р'абуйи.  
Wi хwә авит у п'алда мина шера  
у макәшер, к'и дькарә wi р'акә.  
<sup>10</sup> Сәрвертийе жь Щьһуда кем нәбә,  
нә жи шьва сә'витийе жь бәдәна wi,  
һ'әта һатьна хwәйе we\*,  
у мьләте гәһдарийа wi бькьн.  
<sup>11</sup> Щә'шьке хwә we к'ола тьрийева гьредә,  
щә'шьке к'әра хwә к'ола тьрийейә һәрә  
қәнщва,  
пе шәрабе кьрасе хwә we бышо,  
у пе хуна тьрийе к'ьнщед хwә,  
<sup>12</sup> ч'ә'вед wi жь шәрабе сортьр  
у дьранед wi жь шир сьпитьр бьн.

---

\* 49:10 Аһа жи те фә'мкьрьне: «Һ'әта һатьна борщдаийн щәм wi», тек'ста ибранида әв йәк нә әйан ә.

- 13 Зәбулоне дәве бәре бьминә,  
у гәмиваргәһа гәмийа бә,  
синоре бьгьһижә һ'әта Сайдайе.
- 14 Исахар, к'әрәки қәват ә,  
бьн т'ер'ада дьмәр'ьхә,  
15 дит р'ьһ'әти кә р'ьнд ә,  
у вәлат жи п'ьр' хвәшә,  
мьл хвә тәwand бьн барә,  
бу п'аләйе борщдарә.
- 16 Дане диwana мьләте хвә бькә  
мина жь қәбиләкә Израел,  
17 Дане мәрәки сәре р'ийа бә,  
тирәмәрәки шьвәр'ийа бә,  
кә ль сьма һәспе дьхә,  
сийаре we сәрпыште дьчә.
- 18 Йа Хөдан әз һивийа хьлазкьрьна тә мә.
- 19 Гад, мьхөлқәтәке һ'ьщуми сәр ши кә,  
ле әве п'е-п'е һ'ьщум кә.
- 20 Ашере нанда т'ер-т'ьжи бә,  
тәмә-тискед п'адше бьдә.
- 21 Нәфтәли каре хәзалеи аза йә,  
хвәйе готьнед гөл у нурә.
- 22 Усьв ч'ьрьле хвәйибәрә,  
ч'ьрьле хвәйибәри сәр канийе йә,  
п'әнщ авитийә сәр диварә.
- 23 Әw тәл кьрьн, гөлә авитьне,  
тиркәвана к'ин ажотьне,

- <sup>24</sup> ле кәване ви сәр зора хwә ма,  
 зәндед дәста ч'ил гьртнә,  
 бь сайа дәсте Зоре Ақуб,  
 Шьван у Қәйайе Исраеле.
- <sup>25</sup> Жь бав Хwәде тәйи кө али тә дькә,  
 жь Йе һәри-Зори кө дөа тә дькә,  
 бь дөайед жорә әзмана,  
 бь дөайед бөбьнийейә жер п'алдайи,  
 дөа сәр мәмык у бәт'ьне тә.
- <sup>26</sup> Дөайед баве тә,  
 жь дөайед ч'ийайед бәре зортър бун,  
 жь хwәшияа гьред һ'әта-һ'әтайе бьльндтър бун,  
 бьра ль сәр сәре Усьв бьн,  
 у сәр т'әпа сәре ви, кө сәр бьрайед хwәр'а йә.

<sup>27</sup> Бьнямин гөрәки дәвхун ә,  
 сьбәһе зу неч'ире дьхwә,  
 ле еваре т'ален бәла дькә».

<sup>28</sup> Әв бун һәр донздәһ қәбилед Исраел, әв бу чь кө ба-  
 ве ван ванр'а гот у дөа ван кьр, анәгори дөайе ван  
 һәр кәси, дөа ль ван кьр. <sup>29</sup>Т'әми да ван у готә ван:  
 «Әзе т'әви щьмә'та хwә бьм, мьн т'әви кал-бавед мьн,  
 we шкәфтада дәфьн кьн, йа кө ль әрде Әфроне һ'итида  
 йә. <sup>30</sup>We шкәфта вәлате Кәнанеда, әрде Махпелайи  
 пешбәри Мамреда, йа кө Бьраһим әрдева, чава мьлк'  
 бона гор'ьстен жь Әфроне һ'ити к'ьр'и бу. <sup>31</sup>Бьраһим у  
 Сәрайа жьна вива ль вьр дәфьнкьри нә, Ишаq у Р'е-  
 века жьна вива ль вьр дәфьнкьри нә, у мьн Леа жи ль  
 вьр дәфьнкьри йә. <sup>32</sup>Әw әрд у шкәфта теда жь зар'ед  
 һ'итийа һат'ьйә к'ьр'ине». <sup>33</sup>Ақуб т'әмийед кө данә көр'ед  
 хwә хьлаз кьрын, ньгед хwә к'аши нава ньвине кьр, р'өһ'е  
 хwә да у т'әви щьмә'та хwә бу.

Шина Ақуб

**50** Усьв хwэ авитэ сэр р'уйе баве хwэ, гьрийа у р'амуса. <sup>2</sup>Усьв э'мьр ль хөламед хwэйэ һ'эким кьрын, кө баве ви зьмьрФ кьн\*, у һ'экима Исраел зьмьр кьрын. <sup>3</sup>Нава чьл р'ожида эw һатэ зьмьр кьрыне, чьмки бона ве йэке һақас wэxt лазьм э. мьсьрийа һ'эфте р'ожи шина ви кьрын.

<sup>4</sup>Гава р'ожед шина ви дэрбаз бун, Усьв т'эви мала Фьрэwьн хэбэрда у гот: «Һэгэр мьн ль бэр ч'эве wэ к'э-рэм дитийэ, һиви дькьм аһа бежьнэ Фьрэwьн: <sup>5</sup>Баве мьн эз дамэ сонде у гот: «Ва эзе бьмьрьм, тө мьн ви мэзэлида дэфьн ки, к'ижан кө мьн хwэха бона хwэ wэ-лате Кэнанеда к'ола йэ». Ньһа изьна тэ һэбэ, эз һэр'ьм баве хwэ дэфьн кьм у wэгэр'ьм». <sup>6</sup>Фьрэwьн гот: «Р'абэ баве хwэ дэфьн кэ, чава эви тө дайи сонде». <sup>7</sup>Һьнге Усьв р'абу чу баве хwэ дэфьн кэ. һ'эму хөламед Фьрэ-wьн, р'успийед мала ви у һ'эму р'успийед Мьсьре т'эви ви һэвраз чун, <sup>8</sup>өса жи т'эмамийа мала Усьв у бьрайед ви у нэфэред мала баве wiда. Т'эне зар'ед хwэ, кэри у гар'анед хwэ Гошэнеда һьштьн. <sup>9</sup>Т'эви ви э'рэбэ у си-йари жи һэвраз чун, өса кө бунэ к'омэкэ мэзьн. <sup>10</sup>Эw һатьнэ ви алийе Урдөне, Горен-Атаде. Ль we дэре гэлэки гьрийан, кьрын қар'э-қар' у һewэрзэ у бона баве хwэ һ'эфт р'ожа шин кьрын. <sup>11</sup>Гава кэнанийед ви wэла-тида кө дьман, шина Горен-Атадеда дитьн, готьн: «Эв шина гьран йа мьсьрийа йэ!». Лэма жи наве ви щийе ви алийе Урдөне данин: «Абел-Мисрайим\*». <sup>12</sup>Көр'ед Ақуб өса жи кьрын, чава кө ви т'эми кьрьбу. <sup>13</sup>Көр'а эw

\* 50:2 Мьсьреда бэри дэфьн кьрыне мьрийе бь нав у дэнг, дь-һатьнэ зьмьр кьрыне у паше к'эфэн кьрын, бона кө щьнийаз зу хьраб нэбуяа.

\* 50:11 Бь зьмане ибрани «Шина мьсьрийа».

бърынэ вэлате Кэнане у эв шкэфта э'рде Махпелайэ пешбэри Мамреда дэфын кърьн, йа кô Бъраһим э'рдева, чава мьлк' бона гор'стен жь Эфроне һ'ити к'ър'и бу. <sup>14</sup>Усьв пэй дэфынкърьна баве хвэр'а, бь т'эви бьрайед хвэ у һ'эмуйед кô т'эви ви бона дэфынкърьна баве ви һэвраз һатьбун, вэгэр'ийа Мьсьре.

### Усьв дьл дьдэ ль бэр бьра

<sup>15</sup>Бьрайед Усьв дина хвэ дане кô баве ван мър, нава хвэда готын: «Бэлки Усьв бона we хьрабийа кô мэ сэре ви кърыйэ к'ине мэр'а бажо, эв жи сэре мэ бькэ». <sup>16</sup>Һынге вана Усьвр'а щаб шанд у гот: «Баве тэ бэри мърьна хвэ т'эми да у гот кô <sup>17</sup>аһа бежьнэ Усьв: «Бь к'эрэма хвэ нэһэқи у гôне бьрайед хвэ, бь к'эрэма хвэ бьбахшинэ, кô һьндава тэда хьраби кърьнэ» ньһа һиви дькьм нэһэқийа хôламед Хвэдейе баве хвэ бьбахшинэ». Гава ван эв йэк гот, Усьв гьрийа. <sup>18</sup>Бьрайед ви жи чун хвэ ль бэр дэвр'уйа авитын у готын: «Ава эм хôламед тэ нэ». <sup>19</sup>Усьв готэ ван: «Нэтърсын, чьма эз дэвса Хвэде дьгьрм? <sup>20</sup>Р'аст э һун һьндава мьнда хьраб фькьрин, ле Хвэде фькьри кô we бькэ қэнци, вэки мина р'ожа ироин, э'мьре гэлэк мэрийа хвэй кэ. <sup>21</sup>Ньһа нэтърсын, эзе вэ у зар'ед вэ нан-ав кьм». Аһа бь заре ширьн хэ-бэрдане, бэр дьле ванда һат.

### Мърьна Усьв

<sup>22</sup>Усьв Мьсьреда ма, эв у мала бавед хвэва. Усьв сэд дэһэ сала жит. <sup>23</sup>Усьв ч'ър'-ч'ър'кед хвэйэ жь Эфрайим дитын, у зар'ед Махире Мьнашэе жи Усьв сэр чокед хвэ дитын\*. <sup>24</sup>Усьв готэ бьрайед хвэ: «Эзе бьмьрм, ле э'сэ Хвэдейе сэр вэда бе у вэ жь ви вэлати һэвраз дэрхэ. We

\* 50:23 Нишанэк бу, кô зар' дьк'ьшандьнэ п'есири хвэ у зар'ед ван дьһатьнэ һ'эсабе. Бьньһер'э Дэстпелун 30:3 у 48:12.

wә бьбә wi wәлати, бона к'ижани әви Бьраһим, Ишаq у Аqубр'а сонд хвар». <sup>25</sup>Усьв кӧр'ед Исраел да сонде у гот: «Ә'сә Хwәдейе сәр wәда бе, һәстуйед мьн жи жь вьр дәрхьн һәвраз бьбьн». <sup>26</sup>Усьв сәд дәһә салийеда мьр. Әw зьмьр кьрьн у Мьсьреда әw кьрьнә qавәке.